

SCRIPTORES REI RUSTICÆ  
VETERES LATINI

E RECENSIONE JO. MATTH. GESNERI  
CUM EJUSDEM PRÆF. ET LEXICO RUSTICO  
VOLUMEN TERTIUM

CONTINENS

PALLADIUM ET VEGETIUM

CUM GARGILII MARTIALIS FRAGMENTO  
ET AUSON. POPMÆ LIB. DE INSTRUMENTO FUNDI



BIPONTI  
Ex TYPOGRAPHIA SOCIETATIS  
CICICCLXXXVII

STANFORD LIBRARY

V E G E T I I R E N A T I  
 A R T I S V E T E R I N A R I Æ  
 S I V E  
 M U L O M E D I C I N Æ  
 L I B E R I .

---

**I.** CONTINUO animal, quod valetudo tentaverit; tristius invenitur, aut pigrius, nec consueto utitur somno, nec solito se more transvolvit, nec requiem ut assumat accumbit, nec deputatum cibum assumit ex integro: & potum aut intemperantius accipit, aut omnino fastidit, stupentibus oculis, auribus flaccidis, erecto visu, turpi pilo: exhausta sunt ilia, fit spina rigidior, anhelitus crebrior aut gravior, os asperum & solito ferventius, tussis aliquando lenis, aut gravior, incessus ipse, quo maxime notatur, segnis ac nutans. Cum hujusmodi signa in jumento unum vel plura conspexeris, statim illud separabis a ceteris, ut contagionem non infert proximis, & facilius in solo jam causa morbi possit agnosci. Si diligenter habitum, post unam, secundam, vel tertiam diem ab illa moestitia fuerit absolutum, nihilque refederit in corpore ipsius, quod putetur ambiguum, scito, ex levioribus causis

illam venisse tristitiam, & animal consuetudini pri-  
stinae esse reddendum. Nec explorandi omittatur  
intentio, nam frequentius inspici debet. & cautius,  
quod semel cœpit esse suspectum.

II. Morborum quidem diversæ sunt passiones ;  
sed uno generali vocabulo continentur, quod ab  
antiquis malleus nominatum est, ipsa appellatione  
vim cladis periculumque testantes. Sunt autem spe-  
cies mallei numero septem : humidus, aridus, sub-  
tercutaneus, articularis, elephantiasis, subrenalis,  
farciminosus. Signa omnium dicamus.

III. Humidus morbus est, cui de naribus pro mu-  
cis humor defluit male olens, & spissus, colore pal-  
lido. Hujus gravatur caput, oculi lacrimantur,  
& stridet pectus, fit gracilis horrētibus pilis, tri-  
stis aspectu : quem profluviū atticū veteres vo-  
caverunt. Quandocunque autem sanguinolentus hu-  
mor vel croco similis per nares fluere cœperit, jam  
insanabilis est & vicinus morti.

IV. Aridus autem morbus his agnoscitur signis:  
Nullus ei per nares supra solitum humor emanat ;  
suspirat tamen graviter, & nares habet extensas.  
ilia curvabit intrinsecus, & contractionem spinæ  
duritiamque patietur. testiculi ejus ita substringun-  
tur, ut apparere vix possint. cibi parcior, bibendi  
appetentior ultra morem. propter quod pulmone  
siccato, internum patitur ardorem. tensis oculis in  
obliquum respicit, nec facile cubet. Hunc suspi-  
rium vocant & insanabilem, nisi ab initio festina  
curatione subveneris.

V. Subtercutaneus morbus autem his proditur

signis. Vulnera in corpore ejus scabiei similia nascuntur, ex quibus humor effluit liquidus & viridis, qui pruriginem movet, ut scalpere parietibus vel columnis animalia saepe fricare compellat, quo ulcera corticem ducent. Huic nec humor per nares emanat, nec anhelat, nec cibum recusat, nec respuit potum. propter quod diu vivit. Et ideo si cura non desit, ex hoc plurima jumenta liberantur. Quidam vero scabiem subtercutaneum morbum dicere tentaverunt, quod similia supradictis signis videatur ostendere, & contagionem transferre per proximos, & tardius sanari. Sed quia nec necem, nec gregi infert facile periculum, a pestiferi illius malae societate discretus est, & seorsum ab illa dicetur.

VI. Articularis autem morbus, quem ἀρθρίτης Græci vocant, per hæc monstratur indicia. Interdum paucis, interdum plurimis diebus ab articulis claudicabit, ut aut iectu calcis animalis alterius percussus, aut negligentia impastus, aut saxo vel fusse videatur elisus. Sed hæc solet esse distantia, ut illa quælibet læsio loco figatur, hæc autem passio, quia erratica est, subito ad pedem alterum migrat. Præterea ossibus adstringitur cutis, & ad tactum træanti dura resistit. Rigescit spina, corpusque contrahitur, pilus erectus & horridus, ac deformis asperitus, macie corpus affectum. & quamvis non recusat alimenta, nec curat si defint: in dies tamen deterior fit & tristior, difficulterque curatur.

VII. Farcinosum vocabulum ex genere passionis evenit. Hujusmodi deprehenditur argumento. In lateribus & in coxis, & in verendis quoque par-

tibus, & præcipue in juncturis membrorum, vel in toto corpore, collectiones inflantur: rursumque his velut fedatis, aliæ renascuntur: cibum potumque ex more recipiunt, macrescunt tamen, quia digestio eis plena non provenit. hilares aspectu sanisque similes creduntur ab indoctis artis mulomedicinae, quia exterius agitur causa: quibus imperitia artificum sanguinem festinat auferre. Sed contraria ista curatio est: nam affectis sarcimino, quidquid superest virium, tollit. In initio tamen, ne morbus increscat, vel in fine, cum jam vires redire cœperint, emissio sanguinis juvat.

VIII. Subrenalis morbus non minus nomine, quam ipsa passione monstratur. Nam animal, velut renibus læsis, a posteriori parte deficiens, prodit mortiferæ necessitatis indicium. tuffiet graviter, horribit aspectu: cutis duritia ex spinæ rigore proditur: parcus potum, parcus appetit cibum. Huic quia tota vis morbi possidet lumbos, a femoribus incipit prima curatio.

IX. Elephantiasis autem dicitur ex similitudine elephantis, cuius naturaliter pellis dura & aspera, morbo nomen, & in hominibus, & in animalibus dedit. Cujus signa hæc sunt. In toto corpore uredo nascitur, præcipue in dorso, squamas similes corticibus facit. In naribus, in pedibus etiam & in capite, papularum fervor emergit, vel ozænæ asperiores frequenter oriuntur. Priusquam hæc ostendantur indicia, ventre soluto erit, & marcescit, & aspere tuffiet. Cujus os totum cum lingua asperum & simile creditur esse combusto: quæ passio pullis

a matre depulsis plerumque perniciem consuevit inferre. Hunc diligenter curare cupientes, non ante deforis aliquo medicamento sovere contendunt, nisi prius, potionibus datis, pestis elevetur interior. Nam extrinsecus cepta medicamenta morbum non eximunt, sed ad interiora compellunt, & hac ratione periculum generant. In animalibus, ejusmodi morbo laborantibus, generalia ista sunt vitia: tussis aspera & crebra suspiria, spina contracta & rigida, macies semper increscens, cum studium & alimenta non desinant, demissior cervix, stupentes oculi, tardior incessus. Nunc signis omnibus generaliter singulariterque digestis, singulorum morborum speciales propriasque curas oportet adjungere. Post haec de generali minutione singulorum, & adustione docens, concludam librum primum.

X. Malleus morbus si humidus fuerit, ita ut per utramque narem virides defluant muci, inter exordia caput ejus adhibita curatione purgandum est ita: Olei optimi uncias 3, liquaminis floris unciam 1, vini veteris cyathos 3, sereno tranquilloque die pariter commisces, & cum tepefeceris, infundes in naribus. caput religabis ad pedes, sensimque jumentum impeditum compelles incedere, ut omnis humor emanet. (ad siphonem autem paulatim infundes non semel a cornu.) Quod si sanguis postmodum coepit fluere, nihil timendum, sed potius sciendum est, animal legitime fuisse purgatum. Post quod sevum caprinum resolutum oleo miscebis: sic infusis naribus exulcerationis illius mitigatur asperitas. Radicem quoque laferis tonsam, & per fistu-

Iam vento naribus infitam, ut sternutum provocet, adhibere commodum est. Caput, etiam extrinsecus auriculasque oleo calente diligenter perunges, & lana cerebro indita, ab omni perfrictionis necessitate munibis. Nasturtii quoque semen bibendum dabis ex aqua. Præterea potionem dabis, qui dia-  
penton vocatur, & hac ratione conficitur: Murrhæ, gentianæ, aristologiæ longæ, baccis lauri, rasuras eboris bene tritæ & cribratae æquis miscebis pon-  
deribus, servabisque. Exinde prima die unum co-  
chlearium cumulatum cum sextario vini veteris, se-  
cunda die unum & semis, tertia autem die duo  
cochlearia tepefacto mero aspersa, & diligenti agi-  
tatione permixta dabis ad cornu. Postea ex cervice  
de matricali vena sanguinem detrahes, permixtum-  
que acerrimo aceto, omne equi corpus perunges,  
& contra pilum diligenter fricabis, ut ad similitu-  
dinem glutinis adhæreat. Jumentum quoque in loco  
calido constitues. Si cibum fastidit, statim dumtaxat  
farinæ hordeaceæ sextarium unum, quinque sexta-  
riis aquæ permixtum, equo dabis in potu. Triti-  
ceam quoque farinam simili mensura & ratione of-  
feres ad bibendum. Si autem fastidit, non ideo aliud  
dabis, quoisque hoc ex ista necessitate sanitatem  
percipiat. De palato quoque postea sanguinem de-  
trahes, ut omni ex parte, si qua morbus prægravare  
cœperit, relevetur. Scito, nisi diligenter occurras,  
hunc esse periculosissimum morbum. nam cito in su-  
spirium, hoc est, anhelitum transit, & spem omnem  
salutis excludit.

XI. Aridus vero morbus, qui & suspriosus præ-

cipue dicitur : & hic negatur a quibusdam posse curari , propterea , quod phthisi , quæ hominibus mortifera est , similis invenitur. Quotidie enim macie crescente , exilior redditur , penitusque siccatur. In omni autem ratione medicinæ facilius est , quæ abundaverint diminuere , quam , quæ videntur defesse , supplere. Salus tamen jumentis etiam in hac passione præstatur , si inter principia possit occurri. Sanguinem siccis détrahere contrarium est. Sed vi no & oleo sufficienter admixto & tepefacto , perungendum toto corpore animal est , ita ut caput & maxillæ , & extrinsecus fauces eidem largius infundantur , & contra pilum usque ad sudorem diutissime confricentur. Intrinsecus autem a prima die hac potionē curandum est. Succum ptisanæ , adipem suillum remissum , & amilum ex melle passioque decoctum per cornu in potionē dabis , ut canalis gutturis eidem , maxillarumque compago laxetur , quam siccitas adstrinxerat morbi. Quo factō , in loco calido stabit. Infusum hordeum herbamque viridem , si inventa fuerit , debet accipere , ut omni ex parte periculosa ariditas temperetur. Consequenter talis eidem potio præparetur. Passi optimi sextarium unum , iridis Illyricæ unciam unam , piperis nigri semiunciam , croci scrupulum , myrrhæ trigonitis semiunciam , pollinis turis unciam unam , ova cruda quinque pariter mixta prima die dabis ex integro , ita ut per triduum ipsam misceas semper & offeras , ut tam gravis morbi asperitas , potionis dulcedine mitigetur. Post hæc , melle , buryro , axungia , salibus , & picula , offis pro æqua

omnium portione confectis, succo ptisanæ ac passo involutis, attinctum animal replebis, [& ] die prima quinque pillulas, sequenti septem, tertia die novem daturus ex more. Expensis autem his, nec ungere cum vino & oleo tepefacto desit industria: nam amarissimus morbus cum sit, aliter non potest, nisi amaris potionibus solvi. Contraria enim non nisi contrariis medicinis curantur. Potionem dia- penten, sicut superius monstratum est, non solum per triduum cum vino, sed per dies plurimos dabis, ut tantum discriminem possit evinci. Quod si gra- vior tussis & strangulans urget, accipe fabæ fra- ðæ sextarium unum, sevi caprini uncias tres, allii capita majora tria permixta decoques, & cum passo vel succo ptisanæ hordeaceæ tepidum dabis ad cornu. Quod si tardius profecerit ista curatio, ficus sicca pöndera duo diligentissime tundis in pila : fœnugræci sextarium decoques, quoisque aqua ad medietatem veniat, post colabis, & fœnugræcum in mortario cum ficu conteres. allii quoque uncias tres contundes similiter in mortario, & tam rutæ, quam apii fasciculos ternos : quibus omnibus pari- ter mixtis, diligenter tritis, addis draconiti uncias duas. Aqua, in qua fœnugræcum coctum fuerit, su- perfundis, potionemque facias, quæ per cornu pos- fit effluere : quam etiam tussientibus vel vuljis aut ruptis animalibus per triduum dabis. Sequens reme- dium ad aridum morbum : Inter nares jumenta scal- pello secabis, & aquam frigidam per fistulam la- tam ejus ori suppones, naresque ipsius assidue die- bus plurimis merges, ut susprium distabescat in

aqua. Potionem quoque ei quotidie dabis hujusmodi. Succum ptisanæ cum sevo caprino decoctum , sextarium unum , sulphur vivum , tus quoque masculum æquis ponderibus deteris atque commisces : ex eo cochlearia singula diebus singulis cum ptisana permixta defundis ad cornu. Cum autem cœperit esse validior , de cervice sanguinem detrahes , additoque aceto animal perfricabis.

XII. Subtercutaneus morbus , cum humor pestifer intra corium & viscera commeat , hac ratione curandus est. Fistulam ei facies vel cauterium , inter armos ejus & ventrem loco consueto ad mensuram incisa cute , die sereno , & si spatium est , luna minuente , Indis ut mos est , per quam omnis e visceribus humor educitur , coloris aurei vel crocei , languoris tabe corruptus. Quæ si minus traxerit , radicem herbæ tithymalli eodem vulnere infères septem diebus , quæ residuum virus educat. Est & aliud remedium. Radiculam , quam quidam consiliginem vocant , quidam pulmonaceam , qua mule medici frequenter & bubulci utuntur , in pectore animalis hac ægritudine laborantis eatenus pones , ut acuto cuprino cireines locum. Postea corio perforato radiculam interseris. quæ ibidem sponte tamdiu permanebit , quoisque cutis , quatenus cuprino signata , in putredinem sit versa , & a toto corpore ad illum locum humor trahatur , & per vulnus emittatur. Hinc potionem diapenten superius designatam , cum vino veteri optimo , per triduum , vel , si necessitas erit , per dies plurimos dabis. Apium quoque viride , & baccas lauri , vel istæ res si non

## ARTIS VETERIN. SIVE MULOM. 241

invenientur, lauri & cucumeris fructu*s* flos, &  
partes minutissimas concides, hordeocere siccatus,  
ut animal sicut e potionē dispense, ita ex cōsūmō iu-  
tiat medicinam. Huic tamē aquam septimā et  
farina hordeacea vel triticea dñe se coquunt, &  
in loco tepido stabulare. Nam frigus huncē aug-  
mentum est, & reumat. ~~Cannabis~~ succinē magis  
siccum, quam viridem, in hac pōtione servet acci-  
pere, & exerceri vehementer, ut faciat inservire  
humor infestus.

XIII. Articularis morbis tis declaratur signis.  
Claudicabit alternis pedibus, nōdū priores, nōdū  
posterioribus, & quasi totus edent in articulis  
circa coronas, vel certe in genibus agnoscitur: per-  
pterea quod pestilentia morbi exortus sequitur  
nervos & venas impier, & lachrymātōne detrahit.  
Huic sanguinem primo de cervice, hoc est, de na-  
tricali vena, detrahes: quem accio acerrimo mi-  
mixtum per totum animalis corpus induces, ita, ut  
illa loca, quæ vexata sunt, diligerentur: tunc  
reditur sanguis emulsius & exsiccatus, & carnis ex-  
sus cum aceto impotatus, vīta mortalis accipere.  
Quod si vel in genibus vel articulis te invadit, ut re-  
derit, de eisdem locis sanguinem detrahit. ut aliq-  
ties cretam cimoliam, id est, aīam, utrūcū incensam,  
tres sextarios aceti, cibosū mūlām, cibosū tū-  
xā libram, pīcis Loxiū lōram, laīs exstinctum  
pugillum, fierius bucculētū recens, natūra mūlā  
ditur posse sufficere ex hoc, ratiōnē rūmā ap-  
paruerit, diligenter sapius illūs. Lat. uicaria hy-  
cialiter sanguinem detrahit, ne cœtagrī caput re-

Scriptu. R. R. Vol. III.

11

cupet. Ab armis quoque deplendum est, si in prioribus pedibus claudicatio apparuerit. Vel certe de coxis auferendus est sanguis, si a posterioribus cœperit claudicare. Dabis quoque ei potionem adversus omnes morbos probatissimam: Centauream, absinthium, peucedanum, serpillum, sagapinum, betonicam, saxifragam, aristologiam rotundam. hæc omnia æquis ponderibus tundes diligenter, & cernes. Si febrit animal, cum aqua; si vero non febit, cum vino optimo dabis, ut singulis diebus per sextarium vini, vel aquæ tepidæ cocti prædicti medicaminis singula majora cochlearia plena & cumulata commisceas, & per fauces degeras, ut amaritudinem morbi herbarum amaritudo compugnans possit expellere.

XIV. Farciminofus autem morbus, a similitudine farciminis appellatus est: quia velut per fistulas quasdam inter cutem & carnem corruptus humor emanat, & per totum corpus collectiones plurimas facit, & aliis velut minuentibus aliæ rursum nascuntur. Sed passio licet contagiosa sit, facilius tamen inter principia curabitur, quia interna eorum adhuc sana sunt, sed corruptus humor ex morbo inter cutem & carnem versatur. Huic tamen in initio, tantummodo, antequam incipiat marcescere, aut in fine, cum jam bene fuerit reparatum, detrahendus est sanguis. nam in media passione si flebotomia uti volueris, ægrotum animal nequaquam curabis. Sed collectiones quascunque fecerit, inuri rectis cauteriis convenit; & ut efficacius prosint, cuprinis cauteriis est utendum. quæ vulnera pice liquida,

admixto oleo & melle, curantur. Potiones catharticas, vel nimis amaras debet accipere, id est, dia-pente cum vino, sicut superius dictum est, quæ ad omnia genera morborum animalium efficaciter prodesse consuevit. Præterea radices ebuli lib. i infundis per triduum sextariis tribus vini optimi. Post semiunciam optimi aloes centaureæ unciam i, opanacis unciam i, diligentissime teres, & de illo vino, in quo ebuli radices infusæ fuerint, sextarium i mittes & tepidum per cornu dabis. Quam mensuram triduo custodire te convenit, ut etiam per ventrem hujusmodi catharticis potionibus digeratur humor infestus. Quem exercere in cursu, quo usque ad plenum sudorem veniat, saepius convenit: & curatum observatione prædicta, in pascua mittes, ut diu noctuque æstivo tempore sub divo & libero aere pascatur, quatenus & varietate herbarum oblectatus, & solis calore fuscatus, rursusque noctis aura & rore contactus, facilius digerat morbum.

XV. Subrenalis morbus ut periculis plenus est, ita ad intelligendum apertissimus invenietur. Nam renes jumenti occupat atque dissolvit. propter quod animal in primis partibus alacre, posteriora trahere consuevit. Huic hac ratione succurratur. De utroque latere, vel de femore incisis competenti loco venis, copiosus sanguis emittratur, qui acri aceto permixtus per omne corpus, & præcipue super renes animalis inducitur. Potionem notissimam dia-penten ad cornu per os debet frequenter accipere. Sed & per anum calidissimis speciebus clysterii in-

gestione curandum est. Aloes unciam 1, pyretri unciam 1, euphorpii unciam semis, pulegii bene triti unciam 1, baccarum lauri unciam 1, castori semiunciam, seminis sinapis uncias 3, salis triti heminam: haec omnia diligenter contusa in tres dividet partes, & diebus singulis cum aqua, in qua furfures tritici decocti fuerint, tepida, sicut curae exigit ratio, quasi singulos semifextarios, clystere per intestinum animalis infundis, ut calefactis intrinsecus renibus, resolutus humor possit per ventrem, cum stercore emitti. Praeterea lumbi ipsius oleo laurino vino calido permixto confricandi sunt vehementer & saepe, ut deforis & intrinsecus acerbissima passio possit evinci. Cauteria quoque renibus imponuntur, ut vis morbi ignis ardore siccatur. Danda quoque est potio octo specierum decocta, cujus in articulari morbo fecimus mentionem, quia in omnibus efficaciter prodest.

XVI. Elephantiasis morbi causa superiorius est indicata, cui talis est adhibenda medicina, ut non extrinsecus uredinem, vel vulnuscula ipsius curare tentemus. Nam morbus refugiet intus, & penetrabit viscera, ac periculum gignet. Sed primum de matrice tollendus est sanguis, & acri aceto commiscendus, ac toto inducendus est corpori. Postea de palato, &, si vires permiserint, de ceteris locis, quae morbus infestat, pro modo ac tempore minuendus est sanguis, & cum aceto rursum impo- nendus. Pulli autem a matre depulsi, & ad stabula religati, praecipue solent hunc morbum incurrere: quia digestio cibi, qua in pascuis utebantur, pri-

mæ exercitationis aufertur, & nondum ad residen-  
dum robusti, ad præsepia stare coguntur. Elephan-  
tiosi morbo, & omnibus mallei passionibus, non  
solum diapente, cuius experimentis indubitate sunt  
vires, & sine quo mulomedicus mutilus est, sed  
hæc quoque portio præparanda atque servanda :  
Myrræ trigonitis libram 1, turis masculi lib. 1,  
corii mali Punici selibram, piperis unciam 1, croci  
uncias 6, acaciæ rufæ selibram, absinthii Pontici  
selibram, serpilli libram 1, betonicæ libram 1, cen-  
taureæ libram 1, sagapini uncias 3, saxifragæ un-  
cias 6, peucedani uncias 6: hæc omnia tusa & be-  
ne cribrata, cum melle optimo decoques, & in  
vase vitro vel stagneo recondita servabis. nam per  
vetustatem magis valet. Ex quo medicamento sun-  
gula cochlearia tumulata, singulis animalibus mor-  
bidis, cum sextario aquæ calidæ, & tribus unciis  
olei optimi permixta, per triduum dabis. Ubi pro-  
ficere cœperit, cum vino optimo & oteo dabis,  
sicut dictum jam est, cochlearia singula continuis  
diebus. Ex qua potione, non minus quam diapente,  
quolibet morbo correpta animalia liberantur. Pulli  
tamen beneficio ætatis evadunt facilius: sæpe in-  
curati moriuntur.

XVII. Ea, quæ ad morbi mallei execrabilis cur-  
rationem pertinebant, abundantanter constat exposita:  
Sed tanta vis ipsius morbi est, ut nihil expediat  
omitti. nam gregum in pascuis funestus interitus,  
animalium quoque in stabulis mortes innumeræ, ex  
ipsius contagione proveniunt, & ab imperitis, vel  
negligentibus curam, aut divinæ iracundiaæ imputa-

tur , aut fato. Denique , sicut supra declaratum est ; ab uno animali incipit ipsa pernicies , & festinanter ad ceterorum transit exitium. Propterea semper sunt separanda , in quibus suspicio tantæ pestis cœperit apparere , usque eo , ut etiam corpora mortuorum animalium , quæ ab illo morbo intererinta fuerint , exportanda sint ad ea loca , per quæ aliorum animalium transitus non sit , & profunde obruenda sub terra. nam & vivorum , quæ corrupta fuerint , & mortuorum foetidissimo odore , sana primo jumenta corrumpuntur & pereunt. Cujus morbi causas , plurimi mulomedicinæ audtores reddere tentaverunt , afferentes ex nimia lassitudine cursus , vel saltus violenter extorti ; aut ex calore æstatis , vel frigiditate hiemis ; aut si volentes emittere lotium non sinantur ; vel si hordeum sudantes acceperint , & si post cursum calidi biberint ; [& si plena vesica ,] vel post potum cogantur ad cursum ; aut fœnum comederint hordeumque corruptum : ex his vel hujusmodi necessitatibus malleum morbum solere generari. Vitanda quidem ista sunt omnia : nam ex his pericolosæ ægritudines jumentis sæpe proveniunt. Malleus autem morbus ex aeris corruptione præcipue descendit. Nam Austro & Africo vento flantibus , interpositis annorum spatiis , recursu , ut afferunt , catastematis , sicut certo tempore homines pestilentia corrumpuntur , sic animalia ille aer corruptit & perimit. Unde probatissimæ & plures necessariæ sunt potiones , quæ adversus tantam vim præstare valeant salutis auxilium. Quartum partem superiori jam pagina comprehendit

mus, partem ex omnibus auctoribus collectas consequenter adjunximus. Remedium proficiens ad omnes generales morbos. Semen cucurbitæ *Egyptiacæ*, [i. coloquintidem] quantum acetabulum capiet, frangis, & conteris, addita vini optimi hemina una, quod diligentि agitatione permixtum lin-teolo colabis, & per dextram jumenti narem infundes, ut pervenire possit ad viscera. Quæ compositio ad dysenteriam plurimum prodest. Alia quoque vilior, sed non minus apta curatio est. Radices cucumeris silvatici virides contundes, & in aqua nocte una macerabis, deinde sublatas contundes & colabis: ex quo succo tria cochlearia cum nitro trito permixta, cum vino, si animal sine febre fuerit, tepefacto, quotidie faucibus ingeres, ita ut septem diebus continuis curare non definas. Nitrum quoque bene tritum, & cucumeris silvatici radices minutatim concisas, addita hemina vini tepidi, in hordeum bene purgatum, animali languentis ad pabulum infundas, ut non solum potiō, verum etiam pabulum medicamento temperatum faciat ad salutem. Item aliud. Radicem ebuli & radicem urticæ æquis ponderibus minutim incisas, & infusas in liquamine optimo macerabis, colabisque per linteum. ex quo mensura unius ovi tepefactum per narres animalis triduo degeres. Consequenter ita facturus, ut jumentum, quod morbum patitur, hordeum cum apio & cucumere silvatico minutatim inciso, semper accipiat, contusumque ipsum agrestem cucumerem & aquæ suffcienter admixtum, bibere cogatur. Laudatur etiam hæc potio. Herbae

Sabinæ libram 1, trixaginis uncias tres, centaureæ uncias 2, aristolochiaæ uncias 4, baccarum lauri uncias 4, murrhæ uncias 4, omnia confundes & cernes, & in pulverem minutissimum rediges, & cum necesse fuerit, cochlearium magnum plenum cum sextario 1 vini reperfacto faucibus tædiantis infundes. Hæc quoque aduersus omnes morbos medicina succurret, quod quatenus vires patiuntur, interpositis diebus [cum præscriptis minutionis observantiis] primo de cervice, post de palato & in quibuscumque locis se morbus ostendit, ut si in facie, de capite; si in primis partibus, de armis; si in posterioribus, de coxis, sanguis est auferendus, & cum aceto miscendus, ex quo animal perfricitur. Cui hæc per triduum potio dabitur: Panaces radicum uncias 3, eryngii radices ponderis tanti (Eryngion autem herba melior est, quæ in litore vicina marinis fluctibus nascitur, carduo filvestri pæne similis, flore galbino, cuius eruendæ sunt radices nam longius penetrare dicuntur) feniculi quoque feminis uncias 3, aloes uncia una semis contusa & cibrata in tres particulas dividentur, & cum fracti & moliti tritici farinæ sextario candenti aqua miscetur, & ad cornu per fauces triduo animali infundantur. Pélagonius aduersus omnes morbos efficacissimum pulverem credit esse, si pullum ciconiæ nondum adhuc stantem, sed jam plumas habentem, vivum in cacabum mittas, & gipses, perustumque vapore furni, in pulverem redigas, & tritum vitro vase custodias, grande cumulatumque cochlearium cum vini sextario animalis faucibus

infundas, donec recipiat sanitatem. Chiron vero Centaurus præter alias compositiones, quæ jam relatæ sunt, asserit, catulum lactantem vivum in aqua ferventi missum, ac depilatum, ita decoqui, ut ossa separentur a carne: quibus diligenter ablatis, ejus caro cum aqua, in qua decocta fuerit liquamine optimo, vino veteri & oleo, & pipere cum melle condita, usque ad sextarium debere servari, ac singulis animalibus binas cotylas tepefactas, donec ad sanitatem perveniant, diebus singulis dari debere per fauces. Caput quoque hædipum, omnesque pedes depilatos ad caldarium eadem ratione, qua catulum, excoqui, ablatisque ossibus condiri, & binis cotylis per diem in potionē, per cornū saepius datis, animal morbidum liberari. De gallo quoque gallinaceo albo, eadem, quæ de catulo, observanda demonstrat. Radicem quoque herbæ timthymali decoctam cum vino dulci dare morbidis animalibus suadet. Ei quoque animali, quod profluvio Attico cœperit laborare, ita ut viridis ei, vel pallidus [per narē] humor erumpat, ex lotio humano vel arietino duas cotylas cum vino, & cyatho olei rosacii putat esse miscendas, & per narē, quæ humorem funestum egerunt, digerendas: quam curationem & pulmoni sanitatem, & nari bus siccitatem præstare confirmat.

XVIII. Pro physico autem & anniversario re medio tradidit ulpicum betictum vel allium majus, quod quidam Gallicum vocant, capitella singula, cum singulis semiunciis sagapini, & singulis cyatthis olei optimi diligenter trita, singulis aquæ he-

minis oportere misceri , & heminas singulas per caput animalium dari octavo Kalend. Julias ( hoc est , in initio canicularium dierum,) septimo , & sexto : quo facto trinis potionibus stagnata , ut dicuntur animalia armentina , vel domita integro anno a morbo intacta servari.

XIX. Adversus morbum malleum , cuius diversæ sunt species , quæ in potionibus , tam per os , quam nares degerendis , vel clystere , quæque in cauteriis vel flebotomo facienda sunt , declaratum est ; sed restat alia non minus necessaria efficaciorque curatio , quæ suffimentorum genere & odore præstatur. Nam cum ipsa tabes ex corrupti aeris fœtore nascatur , & usque in pulmonem & viscera penetrando , descendat , non minus austerritate odo-ris , quam potionum amaritudine consuevit expelli. Pro numero itaque animalium eliges locum humilem ex omni parte clausum , in quo induces animalia jam ægrotantia , quæ curare desideras ; vel adhuc sana , & separatim , quæ non vis morbi contagione perfundi. Origanum , allium , mentam , aspaltum , peucedanum , castoreum & opopanaxem æquis ponderibus permisceas , & exinde , quantum tribus digitis levare poteris , in carbones vivos mittas , animaliumque os & caput super fumum tenebis , ut austerritas odoris , per os & nares intrinsecus ingressa , omnia compleat , & ad pulmonem usque penetrando perveniat , & præstet animalibus medicinam.

XX. Est & alia compositio suffimentorum ad morbos prohibendos , sumtuosior quidem , sed pu-

tatur utilior. Sulphuris vivi libras 2 , bituminis judaici lib. 1 , opopanacis uncias 6 , achantiuncias sex , galbani & castorei , yreos crudi ana uncias 6 , salis armomiaci uncias 2 , salis cappadocis uncias 3 , cornu cervini , lapidis gagatis masculi , lapidis gagatis feminæ , ana uncias 3 , lapidis ematitidis , lapidis sideritis , lapidis argeritis ana unciam 1 , equuleos , id est , caballiones marinos numero septem , caudas marinas , ungues marinos ana numero septem , uvæ marinæ uncias tres , medullæ cervinæ , cedrei , picis liquidæ ana pondera tria , ossa sepiæ numero VII , auri semiunciam , ballucæ siliquam : hæc universa commixta atque succensa , odore suo morbis tant hominum , quam animalium , resistunt , & dæmones fugant , grandines prohibere , & aerem defæcare dicuntur . Sed si memoratos lapides aut inventire nequieris , aut enormitate pretii ab emitione cessaveris , reliqua efficaciter prosunt .

XXI. Medicina omnis animalium , vel si verum quærimus , etiam hominum , nisi rationem curationis ante cognoverit , atque prædixerit languentibus periculum , errabit frequenter . Exposita enim curandi ratio , & cum generè congruens passio- nis , indubitanter præstat auxilium . Ideoque pluribus membris ac morbis generale remedium diligenter oportet exponi , quod præcipue in sanguinis detractione consistit , si rationabiliter pro tempore & viribus animalium , & pro ætate perfecti mulomedici adhibeatur industria . Qui si ignarus fuerit hujus rationis , non solum per detractionem sanguinis non curabit , verum etiam periculum jumentis fre-

quentissime generabit. Nam cum vita virtusque animalium consistat in sanguine, rursus tempestive detractus sanguis corpori præstare adsolet sanitatem. Cujus rei talis redditur ratio. Sanguis enim ciborum humorumque indigestione corruptus, per membra discurrat, & languorum doloremque aut universo corpori, aut certis quibusdam partibus consuevit inferre. Nam per constrictiōnem nervorum, venarumque tensionem, inflatio, indigestio-que generatur: quæ tensura, ut ita dixerim, corporis aliter laxari, nisi per detractionem sanguinis, non potest. Unicum enim compendium atque re-medium est, corruptionem illam, quæ nocet, & quasi infesta tabe ægritudinem vel periculum gignit, cum sanguinis ipsius vitiosa parte detrahere.

XXII. Hinc plerique veris tempore quotannis de cervice jumentis sanguinem demere, & sic in herbam mittere necessarium putant, ne veteri corruptione sanguis novus admixtus natura calescens debilitatem valetudinisve periculum faciat. Veteres autem, prudentioresque auctores absque necessitate depleri animalia vetuerunt, ne consuetudo minuendi, si tempore aliquo facta non fuerit, statim intra corpus morbum ac valetudinem generet. Rectius ergo est, minoris ætatis animalibus & bene valentibus ex nulla parte corporis sanguinem detrahi absque palato: de quo assidue tam minoribus, quam maturis, detrahendus est humor, ut caput, oculi, cerebrumque releventur. Maturis vero animalibus non incommodum est pulsare venam, cum mittuntur in pascua. Illa tamen in omnibus, qui deplendi-

sunt, conservanda est consuetudo, ut pridie, quam vena pulsetur, sustententur levioribus & paucioribus cibis, ut per diaistema composito corpore sint, non turbato per indigestionem. In solo autem æquali statu jumentum, cervicemque illius loro cinges, quo strictius super scapulas tangatur, ut vena possit ab aliquo clarius intueri. Tunc spongia cum aqua venam ipsam lavabis & sæpe deterges, ut altius emineat. Pollicem quoque sinistræ manus interius deprimes, ut non eludat, & tumidior atque inflatior vena reddatur. Consequenter juxta præceptum artis, vel animalis ipsius positionem, sagittam dari calibus exiges cotibus bene acutatam. Observabis quoque, ne altius imprimas manum, & gulum atque gurgulionem rumpas, & arteriam præcidas. hoc enim vitæ consuevit inferre periculum. Percussa vena, foenum vel farraginem ad edendum apponas animali, quatenus agitatione maxillarum melius erumpat sanguinis impetus. Cum autem niger vel corruptus humor egeretur, vel cœperit manare purior, statim jumentum tolles a cibo, & imposta fibula venæ plagam adstringes. In plaga vero pittacium imponas, ut diligentius claudat, licet quidam utantur & creta. Deinde in tenebroso loco & calido statu jumentum, & farraginem, si tempus est, vel foenum mollissimum dabis septem diebus ac noctibus. aquam etiam offeres, ut, si voluerit, bibat. Sed triticea farrago hordeaceæ præferitur: quæ si defuerit, hordeaceam dabis. Memento etiam, quod ea melior sit, quæ vicinior marinis fluctibus fuerit. Propter quod ventrem facilius sol-

vit, humoremque deducit. Pulsata etiam quocunque loco vena, omnem sanguinem diligenter excipies, & aceto oleoque permixtum vel aliis medicaminibus, quæ ratio depositis, animalis ipsius corpus perunges, præcipueque illum locum, ex quo detractus est sanguis, & qui esse putatur in causa. Constat enim, naturali quadam ratione atque beneficio, ut quidam ajunt, ipsum sanguinem, cum superfusus est languentibus membris, præstare medicinam, vitiumque siccare. Quam curationis sollicitiam non oportet omitti. Praeterea interpositis diebus post flebotomum, animalia producuntur ad solem, & sanguis detrahitur eis de palato. Despumantur autem tertio gradu a dentibus caninis. Quos oportet suspendi altius propter sanguinis fluxum, ita ut eo die mollissimis cibariis utantur & furfure. Sequentibus autem diebus, non ex integro hordeum consequantur, sed a vilibus incipient, & ad consuetudinem per singulorum dierum augmenta perveniant. Consequenter tepido die ducantur ad mare vel fluvium, diligenterque loti tergantur. Vino quoque & oleo in sole perungendi sunt diligenter, & confricandi, ut corpora eorum calefacta aut repellant, aut perferant perfrictionis injuriam. Quibus perfectis, equi nobiles tum demum ad labores cursusque itineris revocentur.

XXIII. Sciendum est præterea, castrata animalia nunquam oportere depleri. causa hæc est, quia jam partem virium cum testibus amiserunt, & si depleta fuerint, vehementius enervantur. Hinc est, quod asinus non detrahendus est sanguis, quia naturaliter

minus habent sanguinis, gracilioresque sortiti sunt venas.

XXIV. Admissarios etiam equos flebotomare non est opus : partem enim virium & sanguinis in coitu natura digerit. Si tamen ab admissura cessaverint, nisi annis omnibus herbarum tempore depleantur, incident in cæcitatem, quia id, quod coitu digerere consueverant, declinat in oculos.

XXV. Nunc, ne quid relinquatur ambiguum, in quibus passionibus, & ex quibus locis, sanguis emitti debeat, indicabimus. Morbidis, & quibuscumque totum corpus in causa est, (sicut frebientibus, unde, infra dicendum) de matrice detrahendus est sanguis. Cephalargicis autem, appiosis, infanis, cardiacis, caducis, freneticis, bistrutitiis, sicardiciis, rabiosis quoquo modo præcipitur de auriculis sanguinem demere. Verumtamen melius est, de temporibus, quæ in dextra & sinistra sunt parte, detrahatur, id est, sub cavatura temporum, tribus digitis ab oculo interpositis, inferius vena perquiritur, & ex utraque emititur sanguis. Eis vero, quibus suffusio contingit oculorum, vel cetera vitia, quæ oculis nocent, inferiores venæ sub oculis positæ, quæ descendunt sub angulis oculorum inferioribus, quatuor digitis inferius, quam oculi sunt, inciduntur. Quibus quidem fastidium inhæret, vel arteriarum vel faucium tumor, vel prægravatio capitidis, de palato auferendus est sanguis. Quibus autem pulmo est in causa vel jecur, vel cetera, quæ his vicina sunt membris, de pectore minuendus est, ex venis, quæ positæ sunt in dex-

tra ac sinistra, ubi brachiola conjuguntur, & flexura fit, cum armus plicatur. Quibus quidem armus est in causa, de brachiolis sanguinis minuantur: quæ venæ positæ sunt interius, ubi centuriæ, id est, musculi brachiales sunt, sex digitis superius quam genu, tribus vel duobus digitis inferius quam centuriæ. Haæ venæ sagitta percutiantur, sed caute modesteque tangantur, propter debilitatem animalis; quia hæ commixtæ sunt nervis. Quibus autem articuli in causa erunt, vel si articulus insertus vel intortus fuerit, vel aquatilia habuerit, vel quidvis simile in articulis contigerit, de subcirro sanguis subtrahi debet: quæ venæ positæ sunt inferius quam articuli tribus digitis sub coronam. quæ venæ cum summa cautela tangendæ sunt, quia articulorum conjunctæ sunt nervis. Creciaco vel si basim moverit, de coronis rectis tollitur sanguis.

XXVI. Quibus autem jumentis vel suffusionis vitio, vel per voluntatem excruciatæ ungula suerit, vel quibus remorata basis longi temporis claudicinem fecerit, ejusmodi curatione sanantur. Componis omnem ungulam quasi ad vivum, allidesque virantum, hinc suffraginem illius alligatam lino vehementer stringes, totumque simul ungulæ solum in circuitu scalpelletur, & circumgyrabis, ut a corona ungula sublevetur ex parte, tunc circumcisiorum inferes inter unguem & solum, & cum bene elimpidaveris, suffraginem solvis, & invenies de calcaneo venas fluere, & cum sufficienter effluxerit crux, sale perficabis, postea aceto & oleo inunges, & linteolis munies diligenter. Sparciam cal-

ciare curabis, ut post egestionem humorum unguis reparetur. Hujusmodi autem curam nunquam nisi singulis pedibus adhibere debebis, ut in tanto dolore animal duret ac stet. Si autem in alio pede similis est causa, cum in illo, qui prius curatus est, firmiter animal stare coeperit, tunc eum elides, & ut dictum est, simili observatione curabis. Si vero in his causis animal cremare volueris, semissabis illud hoc modo. Compones ungulam ejus ad vivum, & contra venam addita sagitta pertundis, ut possit sanguis acontizare per solum, quod sagitta pertuderit. Simili autem modo sale fricabis, oleoque & aceto, linteolisque munibis, dumtaxat singulos pedes, ita ut portare se possit. hi plane, qui semissantur, non eliduntur.

XXVII. Epistomitis, vel qui morbo subrenali laeduntur, vulsis etiam, colicis, & quibus venter frequenter doleret, de cauda sanguis emititur, licet melius putetur propter hujusmodi causas ortas de visceribus debere sanguinem tolli. Quod si de cauda tollere volueris, sic facies: Erige & resupina caudam ad lumbos, quatuor digitis ab ano, ubi pilos non habet, cæde caudam cum tabula aliqua non ponderosa, quoisque se vena demonstret, & in caudæ media divisura quatuor digitis ab ano sagitta percuties venam, ut acontizet sanguis, post decursionem fasciola colligabis. Cum autem de visceribus emittere volueris, sub inguibus de dextra sinistrave in singulis femoribus eminentes venas medias sagitta percuties, post decursionem sanguinis cretam impones, [sed caute, propter vicinam

mixturam nervorum.] Si laccæ in gambis fuerint; aut aliquis dolor coxæ vel gambæ, sanguis detrahatur gambis: sunt enim venæ a visceribus descendentes per gambas interius, quas medias propter vicinam mixturam nervorum caute transverso flebotomo percutes, & post decursionem fasciola ligabis.

XXVIII. In animalium curis ac medicinis duplex remedium auctores esse voluerunt, minutionem sanguinis, per quam constricta laxantur, & ustionem cauterii, per quod laxata firmantur. Sed cum flebotomi ratio evidenter videatur exposita, cauterii quoque, licet novissima cura sit, aperienda videtur utilitas. nam adustio laxata constringit, inflata attenuat, humectata desiccat, coagulata solvit, carcinomata præcidit, veteres dolores emendat, alienatas corporis partes ex qualibet causa ad statum suum revocat, super naturam excrescentia, sublata, & adusta crescere non patitur. Nam cum candente ferro ruperis cutem, vitium omne concoquitur atque maturatur, & beneficio ignis diffusum, per foramina, quæ facta sunt, effluit cum humore. atque ita sanatur passio, & tollitur dolor. Post quæ cicatricibus clausis, constrictior & robustior redditur locus, ac prope insolubilis cutis. Sciendum vero, cuprina cauteria plus effectus ad curandum habere, quam ferrea. Præterea si in capite morbus est, inuritur cervix: si subrenalis est, lumbis ignis adhibetur. Interdum autem puncta insiguntur, interdum ad similitudinem lineæ candens deducitur ferrum, aliquando velut palmulæ fiunt. In hoc

enim laudatur mulomedici ingenium, si ita animal cauterio curaverit, ne deformet. Pro locis autem, in quibus est passio, & pro pellis aestimatione cauteria vehementius imprimuntur aut levius. Memoria autem retinendum est, quassaturas, emota vel extorta, aut ejecta de locis suis, uri penitus non debere. nam perpetua debilitas consequitur. sed melius est, cum locis suis reposita fuerint, & ligaturis diligentius communica, atque ita naturae industriae que beneficio corroborata, colasticis unctionibus & malagmis, postremum causticis eadem percurare ad spem perpetuae sanitatis. Quod specialiter admonendum est, ne mulomedici festinantes, dum foco curare cupiunt, animalia debilitent aut deforment, cum flebotomis, potionibus, unguentis, syringis medicaminibusque diversis ante sit temptanda curatio, & si nihil profecerint, ad extremum ignis adhibetur.

**XXIX.** Quæcunque passiones plus jumentis periculi inferre consueverunt, & difficilioribus obscurioribusque indigent curis, has primo amplectimur libro, ut & facilius reperiantur; quæ in exordiis ipsius occurrent, & legentibus fastidium non possint afferre. [ De curis quæ prima sunt.] Febribus itaque animalibus primum convenit subvenire. nam non amplius, quam triduo, caloris vim sustinere posse creduntur. intra quod si curata non fuerint, moriuntur. Oportet igitur prius passionis hujus signa causasque praedicere, & mox medicinas exponere. Febris jumentum dejectum caput e terra allevare vix poterit, erit oculis apertis, labii

demissis, tristitia turpis & gravitas totius corporis insequitur, testiculi tumidiores laxius pendent, membra caloribus fervent, venæ vehementi pulsū saliunt, anhelitusque creber & calidus, tussis asfidua, incessus nutans, fastidium cibi, bibendi cupiditas, vigiliæ juges. Causa autem hujus passionis ex magno labore & fatigatione est, si negligentia consequatur. Interdum æstu nimio, aut perstrictione vehementi, vel ex cruditate ciborum, aut sudoris subita iøfrigidatione, vel ex fervore hordei novelli evenire consuevit. Curatio autem ista solemnis est. Continuo sanguinem eis de facie, vel de temporibus, aut palato oportet emitti, ab omni esca prima die penitus abstineri, foeni optimi aut herbæ viridis subinde pusillum offerri oportebit, & quiescere etiam ab omnibus rebus, & etiam sequestratum temperato tempore, & inambulationibus levibus animal commoveri, calidis quoque locis coopertum stabulari. Cum cooperit melius esse, herbam minutatim concisam porrigit. quæ si defuerit, hordeum maceratum, ablatisque suis folliculis tusum, in modum ptisanæ paulatim offeratur, & frequenter exiguum.

XXX. Plerumque autem equi ultra vires ad cursum coacti, aut ponderibus prægravati, ac sudore defecti, similia febricitantibus signa demonstrant. Quos sic intelliges: Oculi sublacrimationes erunt, & tanquam subfusi sanguine, præterea spiritum crebrius agitat, foenumque fastidit, & de posterioribus pedibus melius se sustentabit. nam primos quasi subtritos tardius ponit.

XXXI. Quod si febris interna fuerit, non facile animal dormiet, & quotidie deterius fiet, interdum furunculos in dorso vel in lateribus habebit: scias, eum a morbo, qui superius disputatus est malleus, detineri. Cui lotium aliquot dierum tam hominum, quam arietum, per nares infundes. Et sic potiones, que de isto morbo supra scriptæ sunt, dabis.

XXXII. Si autem auctumni tempore cœperit febris jumentum, statim de cervice sanguinem detrahes, vel gradu tertio de palato; post herbæ traxaginis sextarium, draganti, rosarum ana unciam & in pila lignea pistabis, cernesque subtiliter, ex aqua cum mulsa & oleo potionabis, atque ita restitues sanitatem.

XXXIII. Si autem æstate febrire cœperit, totum sudabit, sataget salientibus venis minaturam & naturam simul dimittere, ad terram transverse ambulabit. De coxa media quatuor digitis ab ano venam inquiris, & ex ea sanguinem detrahes. Si autem non inveneris, de cervice tollendus est. Cui hanc potionem pro tempore dabis: Herbam portulacæ plenam manum tundis, succumque ejus cum dragante & ture, & succo rosæ campanæ mulsa addita offeres, potionem non satis grandem, ne plus, quam oportet, infringides: quia cum quasi splene careat, simul & defectione sanguinis calore privatur.

XXXIV. Hieme vero si febrierit, supra dictas species aridas contundito, diligenterque misceto, & per finistram narem dato: sanitas consequitur. Febrientibus autem hæc potio utilis traditur: Man-

næ turis uncias 2 semis , yrisillyricæ uncias 6 ; piperis unciam 1 , baccarum lauri , semenis apii ana unciam 1 , cum passo potionabis. Item post detractionem sanguinis de matrice aut de palato sic potionabis febrentem : Hysopi libram unam , abrotani uncias 6 , lactis caprini sextarium , amili cyathum , olei optimi uncias 3 , herbæ urceolaris succi cyathum unum , misce cum ceteris , & per cornu faucibus infunde , erit salutare remedium. Item alia potio. Lactis sextarium , olei cyathos 2 , croci scrupulum 1 , myrrhæ scrup. 2. appii semenis cochlearium plenum , miscebis pariter , & dabis ad cornu. Hieme farinam triticeam cum aqua tepida , æstate autem farinam hordeaceam cum aqua frigida dabis in potum. Si febrent , mensuram non des , iliorum autem loca cauterio inurenda sunt , & usta curanda. Item alia potio. Lactis caprini heminam , amili cyathum , ova 4 , olei cyathum , succum herbæ urceolaris quotidie potum dabis usque ad sanitatem. Item unctio , qua perficandi sunt febrentes. Rosæ libram , olei veteris libram 1 , aceti heminas 3 , lactis caprini libram semis , portulacæ semenis & nucis amaræ ana uncias 6 , menthæ vel rutæ quantum expedit. si , teres & commisces , & tepefacto utere , ita ut diutissime confrices contra pilum , & in loco tepido unctum animal coopertumque statues. Item potio alia , si hieme febrierit. Gentianæ unciam unam , aristolochiæ , hyssopi , absinthii , abrotani , singulorum unciam unam , caricarum uncias 6 , semenis apii uncias tres , rutæ fasciolum 1 , omnia in cacabo cum aqua decoques ad tertiam ,

&, cum nigrescere videris, coctum est. Exinde vini heminam misceto, sicut supra scriptum est, & per cornu faucibus infundito.

XXXV. Si quod jumentum ab indigestione vel pletura febricitaverit, naribus spiritum ducet, & ilia frequenter agitabit, anhelitusque erit fervens & aridus, spinam facilius flectet: nam qui ex perstrictione febrit, rigidus est; quia calor membra dissolvit, frigus adstringit. Ex pletura igitur febrenti copiosus sanguis emititur de cervice, nares aceto perflicantur, ut sternutet saepius. Venter quoque febrentis si durior fuerit, per anum injecta manu, sterlus extrahatur, a cibo abstineat, paucissimum potum per intervalla suscipiat, & unctum supra scripto medicamine, diuque fricatum, loco stabit calido horis tribus aut quatuor coopertum, postea ad ambulandum producetur, nihilominus involutum.

XXXVI. Si quando ex vulnera aliquo vel suppuratione oris aut faucium nascitur febris, de temporibus, nec non etiam de palato detrahendus est sanguis. De maxillis quoque sive de cervice, & adest postremum quicunque locus febrenti doluerit, ex eodem cum mensura sanguinem oportet auferri. Quod si cibum penitus respuerit, farinam aquæ mixtam ad cibi instar faucibus ejus infundes. Offas quoque de passo facies justæ magnitudinis, & septenas cum oleo digeres, ut possit habere substantiam. Ita denique febrenti utilis est, ex quacunque parte detractio sanguinis fiat, si consideratis viribus animalis mensura servetur. nam ut emensus ratio-

nabiliter relevat , ita enormiter ablatus evirat vel turbat.

XXXVII. Coactio in animalibus passionis est nomen , ex qua ægritudinum diversa genera nascuntur , ideo sic appellata , quod ab injuria vel labore vel ex coactione contingat. Quoties enim lassum animal fatigatione itineris , vel nimietate cursus , vel magnitudine ponderum , non studiose refovetur ; vel æstate fitire , vel hieme algere compellitur , vel certe penuriam sustinet cibi , aut hordeo novo , aut foeno pessimo læditur ; & per dies aliquot circa curam ejus nulla adhibetur industria : sic totius corporis compago , & interiorum viscerum dispositio per injuriam & fatigationem vitiatur.

XXXVIII. Ex qua coactione hæc passionum genera nascuntur. Ex perstrictione enim fiunt epistomici , podagrici , phthisici. Ex æstu autem evenit gravedo , febris , insania , capitis dolor. Ex sudore oritur tumor in cruribus , suffusio in pedibus , febris , spasmodus , & tussis. Ex humore quoque , qui de naribus profluit , passio apertissima declaratur. A cerebro enim vel a capite venit multa pituita crebra & spissa. A perstrictione erit humor tenuis , aquaticus , & frigidus : ex qua re fiunt coriaginosi & hepatici & phthisici. A colibus & glandulis & arteriis humor erit candidus & viscosus , ex quo evenit fastidium & faucium præfocatio & synanche. A pulmone autem humor crassus , sanguinolentus , & male odoratus emanat , colore pallido. Ex qua causa fiunt peripleumonici , vomicosi , ortomici , & phthisici. A morbo autem malleo venit humor mul-

tus & crassus, & pallidus. Ex qua re fit ortomicus, profluvius Atticus, & susprium articulare. A jecore humor erit lividus, yricus, & viridis, & tabidus, non valde crassus, neque olidus. Ex qua re sunt sciatici, hydropiti, febricosi. Ideo autem signa passionum causasque divisimus, ne ingratus error noceret, & facilius evidens doctrina curaret. Absyrtus hujusmodi de coactionibus prodidit medicinas: Si equus, inquit, coactus de via venerit, oculi ejus intro abibunt vel versabuntur, spirat calidum frequenter atque suspirat, & auriculæ hujus ac reliquum corpus extensem erit. Cujus talis est curatio, ut parum hordei accipiat, fœnumque non multum. Potio autem hujusmodi præparabitur: hypersopi, abrotani ana unciam 1, sampuci uncias 6, fœnugræci libram unam, lini seminis pondo duo: haec omnia tusa & cibrata in cacabo novo cum sex aquæ sextariis infundis, addisque novem duplices ficus, quæ cum ad partem dimidiā decocta fuerint, universa conteres atque liquabis, præterea vini veteris optimi sextarios tres, mellis heminam, piperis triti drachmam adjicies supra scriptis, rursumque fervere facies omnia, ex qua calidam potionem plurimis diebus dabis, quæ mirifice juvare consuevit. Si de labore itineris suffusio pedum forte provenerit, cave, ne sanguinem calido detrahas, sed quietum pausatumque flebotomabis, hujusmodi beneficio potionis usurus: Turis masculi drachmas 2, foliorum caprifisci libram, grana piperis 25, fermenti uncias 3, croci drachmam: omnia bene trita in tres partes divides, & expausatum junen-

tum triduo cum oleo potionabis & vino : si hiems fuerit, tepida os ablues, æstate frigida : si tardius, aut non recte ambulat, sulphurem & resinam calentem unguis imponis, non semel tantum, sed aliquoties, donec rectus intcedat. Si vero ista non profuerint, semissabis eum, ut de unguis sagitta contactis competenter profluat sanguis, & vulnera traumatico curabis pharmaco. De laxis hæc signa erunt : toto corpore gravabitur, & posteriora crura quasi intelligata habebit. posca itaque & pulegio nares ejus & totam faciem fovebis, panem & merum dabis, ut manducet, offeresque ei lactucas vel gramen diligenter lotum atque concisum, consequenter durus hujusmodi potionem : Succum ptisanæ, pafsum, ova, oleum rosatum, quæ omnia pariter mixta per triduum dabis, ita ut hordeum primo decoraticatum siccatumque manducet. Præmonendum autem est, ne jumento ex coactionis injuria laborantibus venas calenti. continuo enim nervorum contractio & debilitas consequitur. Oportet autem armos eorum & genua vino calido & oleo tepido suffundere, totumque corpus multorum manibus diutissime confricare, & loco statuere tepido, molilia de siccato stercore vel de paleis strata præbere. Posteriorem partem flebotomo laxis non oportet contingi, ne penitus evirentur. Quod si venæ in cruribus tument, & plenæ sunt humore, de coronis sanguis auferatur.

XXXIX. Non minus multæ & obscuræ valetudines in internis animalium, quam hominum, exsistere consueverunt. immo, si verum quærimus, pro-

pe pares atque consimiles sumus. Nam animalibus ; quia rationales sumus, sola mente præstamus : corporis vero natura communis est , maxime in doloribus. Dolorem ventris in jumentis Veterinorum imperitia putat facile posse curari , quod grave , nescit : & ex ventositate vel constipatione vitium , torsiones vocant & interiorum incisiones , quibus aut præcantationes anicularum more , aut aliquod quasi physicum remedium afferre conantur. Cum quid enim intrinsecus jumentis dolere inceperit, statim se allidunt & volunt , & solius ventris creditur esse causa , cum plures & difficiles sint passiones , ex quibus dolor & voluntatio illa contingit. & nisi singulis pro causarum genere competens medicina subvenerit , sanitas redire non poterit. Efficaciter autem curare potest nemo , nisi qui internarum ægritudinum signa rationesque cognoverit.

XL. Primum venter ipse , qui aqualiculus nominatur , totius corporis obtinet dominatum , in cuius capacitatem cibus porroque miscetur , ac per digestiōnem naturali calore decoctus , separatis humoribus , partem ad substantiam membrorum convertit in sanguinem , & partem in urinas resolvit , partemque secum trahit in stercore. Quod si loca illa præstrictio longi temporis vitiaverit , intestinorum dolor , & corruptio digestionis necessario sequitur. nam pars humoris coagulatur ex frigore , & fit conglutinosa in præcordiis , atque in intestinorum partibus , quæ ducuntur ab aqualiculo usque ad colum , quod appellatur enteron , retinetur & hæret , quod Latine jejunum dicitur , per quod in colum

humor pessimus transit , & interclusione sua cibum non patitur ad interiores partes more solito pervenire. Hinc etiam tortura & extensio ventris dolorque cum magno periculo generatur : quæ passio Græce emphragma, Latine præoccupatio dicitur.

XLI. Exoritur & alia causa doloris asperior , quæ Græce chordapso appellatur , cum præclusa intestina viscerum vento fumove se urgente colligant , usque eo , ut aquam , & cibum , & sterlus animalia etiam interdum removere cogantur. Præterea ad similitudinem hominum propter inflations injuriam , coli quoque dolore vexantur , propter quam necessitatem animalia diverse vehementerque volvendo rumpuntur , quod curari jam non potest , & ideo moriuntur.

XLII. Ille quoque vitia ex perfrictione hujusmodi humoris nascuntur : qui cum intestina majora & præcluserit , & in eorum finibus stercora cœperit detinere : prohibet illa ad catachlytum longanonis decurrere ( Longanon autem intestinum vocatur , per quod sterlus egeritur : ) tunc venter crassus vel præclusione ipsa intra viscera increscit , ac fibimet dolores morsusque excitat vehementes , ex quo jumenta se projiciunt ac volunt , extensisque pedibus calcitant . sed per impatientiam se sæpe jam jactando ventus increscit , & mixtus stercori usque ad intestina descendit , nec jam , ut supra , rumpitur , sed jumento , quod in vitium , qui Illeos vocatur ( ex eo , quod intestina locis suis exclusa , animal quasi elices facere faciunt ) inciderit , ea valedictio periculosa est , nisi cum celeritate subyeneris.

Hujusmodi autem sunt adhibenda remedia: Aqua calida renes animalis diutissime fomentabis, fœnumque cum calida, ut vapor magis penetret, frequenter apponis, post ciliciis diligenter absterges, oleum vetus & picem liquidam, & oleum laurinum misces, calefacies, & diutissime perfricabis, ita & testiculos ejus perunges, & in auriculas calidum medicamen infundes. Tam diu autem fricabitur, ut sudare incipiat & ventum emittere, ex quo spes ostenditur sanitatis. Quod loco calido statues, ac sagis cooperies diligenter, hanc datus quotidie portionem. Piperis grana quinquaginta, petroselinum quantum quatuor digiti comprehendunt, cimini Alexandrini tantundem, cimini quoque Africani tantundem, semen apii, murrham, nepitam, trixaginem, æquis ponderibus, quibus ad dimidiam omnium partem nitrum admiscere te convenit. Quæ omnia bene trita ex vino calido & oleo æquis ponderibus, & melle, quantum satis fuerit, dabis. Hæc autem potio & calefacit, & ventrem resolvit. Quod remedium si tardius subvenerit, faccellos cum furfure calentes per totum dorsum & renes animalis imponis. Clysteriabis etiam ex aqua calida & oleo, quod cum sale & melle Afro, & nitro, ovoque miscebis, & ita ventre laxato, & stercora emituntur & ventus. Quod si clyster defuerit, sal bene tritum & mel coques, pastilloisque longos & duros facies, & in anum jumenti interius immittes. Quæ res omnem spurcitiem humoris intus stantem abstracthit, & ad sanitatem perducit, nec est aliud, quod magis valeat subvenire.

**XLIII.** Sunt animalia, quibus affidue ventris impedit dolor, qui strophus appellatur, & hac ratione concipitur. Interdum sudor animalium vel nimio cursu, vel labore profluens, in internis resedit intra ventris intestinorumque compaginem, qui punctiones doloresque praestat interius. & cum totum a labore cessaverit, ac refrixerit corpus animalis, cessat & dolor. Sed cum a labore calefieri coepit, rursus exoritur, & ideo strophus vocatur. nam frequenter volutatur, & cum surrexerit, terram pedibus tundit, & interdum terram quasi manducare conatur, & jacens videtur quasi pusillum requiescere, & surgens citius ambulare se cogit. Sed ex hac injuria frequenter volutando ventum sibi nutrit intrinsecus, & fit tympanites, ex quo & jumentum rumpitur, & praesens vitæ periculum consequitur. Quod vitium si in perpetuum auferre volueris, paracentesim facies sic : Quatuor digitis sub umbilico veretrum versus, medio climate ventris sagittam injicies, ut non solum cutem, verum etiam peritonæum ipsum aperias. Peritonæum enim dicitur membrana, quæ intestina omnia continet. Ad mensuram autem cum magna cautela peritonæum aperies, ne intestina laedas, & praesens discrimin inferas. Post exempta sagitta subjicies fistulam centimalem, quam mulomedici portare consueverunt ; minutis foraminibus multisque pertusam, per quam foras humor emanat, quem suscipies in vase, & invenies limpidio lotio similem, tolles vero non minus sextario. Hæc cura etiam illa animalia sanabit, quæ vel stupida vel macra sunt ex coactione longi

temporis, quibus nitrum diligenter cibratum in hordeum debes aspergere, quod omnes aspermos humores & spurcitas corporis purgat. Sed strophofis dabis potionem superius declaratam plurimis diebus. Etiam acopo termantico renes eorum, totumque corpus perunges, & diebus aliquot a pluribus facies confricari. Ad ultimum renibus eorum causticum induces, & sic revoces ad laborem.

XLIV. Intolerabilem dolorem intestinis inferunt lumbrici, vermes, & tineolæ, quas alii pediculos appellant. nam coagula & aqualiculum intus eridunt, & vulnera faciunt. ex qua necessitate animalia macrescunt, & coriaginosa fiunt, & sine febre non erunt, & celeriter moriuntur. Hujusmodi passionis signum est, cum invenitur humor in ano fabæ coctæ similis: est namque sanies ex illis vulnibus, quæ bestiolæ intrinsecus ficerunt. Jejuna animalia ex hac necessitate vehementius torquentur. nam cum his deest cibus, magis vitalia consumuntur a vermis. Hi non sunt inflati, & tamen per dolorem se volvant, & in spinam se projiciunt, & caput sibi intra pedes mittunt, & ostendunt doloris sui locum, dentibus ilia sibi quasi scalpunt; & rodunt nonnunquam lumbos, & caudam parietibus confricant. Cum ista signa ostendere coepérint, & crebro clamare, hoc est, vehementer hinire, scias, eos jam morti esse vicinos. Quibus adhibetur ista curatio: Olei viridis & amari sextarios 2, fasciculum absinthii Pontici concoques: præterea nasturtii seminis, santonici, coriandri seminis, radicum seminis, sinopidis Pontici uncias fin-

gulas , mirtis & foenigræci selibram : hæc infusa & decocta in oleo illo facies permanere ; ex quo heminam olei , & aquæ tepidæ heminam dimidiā per cornū dabis . quæ virtus medicamentorum , & lenitas olei , animalia ipsa intus occidit , & foras ejicit . Ex qua potionē si per multos dies acceperit , permixto nitro tunso & castoreo , omnes lumbricos & tineolas & vermes discludit a corpore , & cum stercore ejicit , & restituit sanitatem . Alia potio ad lumbricos , tineolas , & cossos : Santonici , absinthii Pontici pulveris , lupini crudi , feminis nasturtii , scobis cornū cervini , feminis radicum uncias ternas , sinopidis Pontici pastillos tres , pollinis ervi uncias 3 , vini austeri sextarios tres , olei Hispani sextarium unum , opopanacis unciam 1 , feminis coriandri heminam : hæc omnia diligenter trita decoques , & quotidie jejunis heminas singulas dabis .

XLV. Sed quia pestes ipsæ sæpius ad coagula se conferunt , & potio , quæ per os data , ad loca , ubi morantur , rarius pervenit , ideo etiam per anum adhibenda sunt clysteria : aceti acerrimi sextariorum unum semis , olei viridis tantundem , opopanacis unciam 1 , centaureæ uncias 2 , absinthii Pontici uncias 3 , santonici uncias 3 , farinæ lupini crudi uncias 3 , ervi uncias 3 , feminis rafani , feminis coriandri uncias ternas , nitri triti uncias 3 , radicis capparis tunsaæ uncias 3 . hæc omnia decoques cum oleo & aceto , & per triduum singulos sextarios bene calentes per anum de clystere diffundis animali . Memento autem , quoties per os potionem das , animal contra clivum teneri debere , ut facilius ,

quod acceperit, ad interiora descendat. quoties autem clysteriabis, caput animalis in valle statues, & clunes ad altiora convertes, ut, quod per clysterem diffundis, ad interiora perveniat. Diutissime autem post potionem in talibus locis animal retinetur, ut facilius necentur vel ejiciantur pestes internæ. Ad coffos & lumbricos specialis potio. Herbae cameleontis radicem ex aqua ad tertiam decoques, & cum opopanaxis duabus unciis misces, ac vini heminam, & ad cornu per sinistram narem diffundis. Item alia ad lumbricos. Seminis coriandri quantum una manus ceperit friges, nastrum quoque seminis tantudem diligenter teres, quæ utraque cum aqua tepida per triduum faucibus infundes. Ad matricis dolorem medicamen. Aloe epaticum, masticem, castoreum, lauri baccas, amonium, vino & melle mittis in ollam, & bullita atteres, dabisque ad bibendum.

XLVI. Si quod jumentum calculosum fuerit; hæc signa monstrabunt: torquetur, gemit, extendet se ad conatum mingendi, stillat veretrum ejus guttis materiam, modicum mingit, & plene mingere non potest, quod quotidie patitur. Sed hujusmodi vitium teneris ætatibus plerumque contingit, quod sic invenies: Manum ad interiore partem mittes, & a cervice vesicæ sub ipso ano ad hippocentaurum versus palpabis digitis, & calculum ibi invenies. Quod vitium difficile curatur. Nam interdum nimio conamine prope ipsum anum vesica disrumpitur, & lotum per anum emittit, & quasi aquæ assimilatur. Ideoque missis digitis per foras

men , quod fecerit , longanonis , & ipsius vesicæ , aculeo calculum eximis , & curabis clysteriis collecticiis , [ id est , quæ glutinent , ] ut foramina illa sanentur. Potionabis autem illos durifica potionē. Difficilis autem hujusmodi cura est , quia vim patientes ex corruptione vesicæ tortione moriuntur.

**XLVII.** Quocunque jumentum ex qualibet causa inveneris volutare , oleo manum perunges , & ipsum anum oleo satiabis : post quod manum in interiorem partem longanonis protendis , & si inveneris ipsum longanonem cibano subtili patere , scias eum strophum pati , & continuo stercore ejicies paulatim ad manum , quibus egestis cito novitis animal percurandum. Si vero manu injecta longanoris præclusionem inveneris , & stercoris modicum , hoc est , duas aut tres pilulas squibala , & præfocatum longanonem , qua manus vix introeat , scias eum emphragma pati & periclitari , & ideo curandi sunt renes medicaminibus supra scriptis , & clystere utendum , quod indignationem intestini resolvat & curet.

**XLVIII.** Si manum injeceris , & totum ventrem tympano similem pertractando fenseris , scias eum ileum pati , & cito periclitari. Et ideounctionibus calidis fricandus est vehementer & diu. Si ventum cœperit emittere , tunc in illo spes incipit esse vivendi.

**XLIX.** Item si manum miseris , & inveneris valde patere longanonem , & stercore non multa habere , nec esse vehementer inflatum , scias ipsum ventrem dolere , id est , aqualiculum. Cito requie-

scere solet, si celeriter supra dictas & calidas accepit potiones, diligenterque ex calido unguento fuerit perficatum. Si moram curationis non abstuleris, difficile evadet. nam ex hac passione chordapsus fieri consuevit.

L. Si manum miseris, & similiter longanonem patere sine ulla inflatione repereris, & non frequenter voluntatem se, sed projicientem subinde in dexteram partem, & quasi extensionem interdum ad conamen minctionis, invenies duritiem in intestinis ingentem cucurbitæ similem, scias animalcoli dolore vexari: & quanto durus intestinum inveneris, tanto pluribus diebus dolore cruciatur. Ex qua causa raro periclitantur, & dolent biduo, vel triduo, vel si nimium quinque diebus. Sed quanto inveneris molliorem ipsum locum, tanto velocius mitigabitur dolor. nam quædam stercore in longanone repieres. & erit salubris curatio, si post clysterem vel potionem multum stercoris adsellatus ediderit. quo facto, statim intestinum, quod a colo induratum fuerat, & tumebat, non apparebit, redita sanitate.

LI. Si [vesica] currendo fuerit inversa, similis dolor sine inflatione ex cursus injuria & nimietate frequenter emergit. Huic manum subjicies in anum, & deprimes usque ad veretrum versus, ubi invenies vesicam ejus lotio plenam, quam a dextra & sinistra parte leniter adducis sursum ad anum versus [cum oleo, ] & minctionem provocas tam diu, donec urinam faciat: liberabitur periculo, de quo animalia difficile evadunt.

LII. Sunt alii, qui assidue dolorem ventris patiuntur sine ulla inflatione, nec vehementer se volunt, & quasi in cursu provocant, aliquando se projiciunt, & ilia fibi corrodunt, & quasi scalpunt. In hujusmodi dolore manum immittis in longaninem per circuitum, & interiore parte per plurima loca diligenter tentabis, & invenies vermes collectos exisse in singulis locis, & intestinum pertundere. ex qua necessitate nascitur dolor periculosus. Digitis evelle eos, qui quidem vix evelluntur, & ipsa tibi in manu cohærent, ut difficile eos projectias. ex qua ratione multa jumenta caudam frequenter parietibus fricant, propter morbum vermium, quos purgare de longanone studiose debetis, & potionem dare per plurimos dies. eam, quæ ad lumbricos faciat. ita omnes vermes, quos cossos appellamus & tineolas, purgabis. Similiter etiam qui lumbricos habent in ventre, sic eos convenit mederi. Pice liquida & oleo calido renes & totam spinam cum dorso perfricare oportet tam diu, donec calefactionem patiantur ex manibus. & auriculas eorum & anum ex oleo complebis. ventrem quoque & testiculos perunges. sal tritum cum melle decoctum mixtum in anum subjicies, animal [potionibus] crebris ambulationibus potionatum exercebis. Si ex hac ratione non mitigaverit, clysterias eum calida, & afronitro & sale. Præterea super renes & dorsum saccellos calidos ex furfure plenos imponis, & tam diu innovabis calefactionem, donec ventum reddat. Potionabis cum potionibus supra dictis & clysteriis, ut a discriminè liberetur.

LIII. Si quod jumentum syncopaverit, his agnos-  
citur signis: Pigrius ambulabit, tanquam suffusio-  
ne constrictum. Inter suffusos autem & syncopa-  
tos hæc distantia est, ut suffusi, licet tardius a terra  
levent pedes, flectentes crura incedere solent: syn-  
copati autem universo corpore constricti & rigidi  
sunt, etiam cum se projiciunt, non sine gemitu &  
toto corpore decidunt. Hi vero non sine febre  
erunt, cibum & potum fastidiunt, magis jacere cu-  
pientes. qui cum se levare voluerint, impetu co-  
natur exsurgere, sed propter dolorem omnium  
membrorum tardius exsurgunt. Quod contingit ex  
magno labore & cursu nimio, vel ex humoribus  
nimis, cum plurimus sudor fatigatis nervis mem-  
bra conquasset, unde syncope, id est, defectio na-  
scitur: cuius ista curatio est. Calida cum flore fœni-  
cum fomentabis a spina, armis, & renibus, tepefa-  
ctumque diligenter tergendo siccabis, tunc vino &  
oleo calido totum perunges, diutissimeque confri-  
cabis: coopertum deinde locis calidis statues, mol-  
liaque substernes, ut dormiat. Quod cum per tri-  
duum feceris, hac potionē refovebis. Myrrhæ un-  
cias 2, draganti uncias 4, croci drachmas 4, me-  
liloti unciam unam, anagallici libram, turis ma-  
sculi pondus unum. quæ omnia cribrata in pulve-  
rem rediges, ex quo duo cochlearia cum aquæ ca-  
lidæ hemina, & mellis cochlearibus duobus, &  
olei rosei cyathis duobus potionem dabis plurimis  
diebus, donec sanum fiat. Etiam vulsis hæc potio,  
& tensione laborantibus prodest.

LIV. Sæpe ex cursu nimio jumenta sanguis infes-

stat , & per nares emanat , qui difficile , veluti ru-  
ptis venis labore & calore , substringitur , & velo-  
cissimam etiam postulat medicinam . Succum itaque  
viridis coriandri , vel si defuerit , porri sativi suc-  
cum in naribus periclitantis infundes : pollinis tri-  
ticei drachmam , turis pulverizati drachmam 1 ,  
anagallici unciam 1 , amyli semiunciam , commixta  
& in tres partes divisa , ex vino nigro suffundes  
naribus , sanguinemque præcludes .

LV. Animal sanguine laborare hæc signa decla-  
rant : Oculi tumebunt , frigidum erit corpus & cer-  
vix , tristitia fastidiumque jungetur , difficileque cu-  
rabitur . Hac ratione qurandum . A cibo potuque  
temperabitur , somnique indulgebitur copia molli-  
bus stratis , tum de matrice , quantum ratio postu-  
laverit , sanguis auferatur , nec potionis cura cessa-  
bit . Succum itaque viridis coriandri , vel si defue-  
rit , porri sectivi , trixaginis quoque & centaureæ  
violaceæ , & nitri æqui pônderis mixtura inun-  
gitur . Ex quibus tunsis atque cribratis diutnum  
cochleare ex hemina aquæ tepidæ infundatur fau-  
cibus . Quæ potio humores & sanguinem , imminèn-  
tesque alios morbos purgat , prohibet & sanat .

LVI. Obscuras difficilesque curas prima fronte  
digessimus , consequenter ad cetera pergentes : sed  
necessarium credimus ostendere rationes , ex qui-  
bus incolumitas jumentorum incorrupta servetur .  
Melius enim est diligenti studio custodire sanita-  
tem , quam ægritudinibus præstare remedia . Dili-  
gens itaque dominus stabulum frequenter intrabit ,  
& primum dabit operam , ut stratus pontilis emi-

neat, ipsumque sit non ex mollibus lignis, sicut frequenter per imperitiam vel negligentiam evenit, sed roboris vivacis duritia & soliditate compactum. Nam hoc genus ligni equorum ungulas ad faxorum instar obdurat. Fossa præterea, quæ lotium recipiat, deductorium debet habere cuniculum, ne pedes ju-  
mentorum redundantis urina contingat. Patena, quæ appellatur, hoc est, alveus, ad hordeum ministrandum, sit munda semper, ne sordes aliquæ cibariis admisceantur & noceant. Loculi præterea, vel mar-  
more vel lapide vel ligno facti, distinguendi sunt, ut singula jumenta hordeum suum ex integro, nullo præripiente, consumant. Nam sunt animalia ad edendum a vidissima: quæ cum celeriter propria de-  
voraverunt, partem confortis invadunt. Alia vero naturali fastidio tardius comedunt, & nisi separa-  
tim acceperint, vicinis rapientibus macrescunt. Cra-  
tis, quæ jacca vocatur a vulgo, pro equorum sta-  
tura nec nimis alta sit, ne cum injuria guttur ex-  
tendatur, nec nimis humilis, ne oculos contingat  
aut caput. Luminis plurimum stabulo infundi opor-  
tet, ne tenebris affueta, cum producuntur ad solem  
vel caligent, vel aërem visus imminuant. Æstate in apertis locis, tam noctibus, quam diebus, ju-  
mentis libera aura præstanta est. hieme vero tepere  
debent stabula potius, quam calere. nam nimius ca-  
lor licet custodiat pinguedinem & reficere videa-  
tur, tamen indigestionem facit, & vehementius no-  
cet naturæ. Propter quod diversa genera morbo-  
rum ex vapore ipso animalibus generantur. Si pro-  
ducuntur ad frigus insolitum, statim ægritudinem

ex frigoris novitate percipiunt. Curandum est præcipue, ut five fœnum, five paleas, vel manipulos viciæ pro regionum usu vel copia animalibus præbeas, iþcorrupta ac bene olentia & musda mittantur. De hordeo quoque non erit sollicitudo diffimilis, ne aut pulverulentum sit, aut lapidosum, aut mucidum, aut vetustate corruptum, aut certe recens de areis sumtum, & ipsa novitate præfervidum. Aqua etiam limpida ac frigida, etiam perennis ac profluens ministranda est. Nam quidquid importunius fluit, virus non admittit. Bis in die multorum manibus animalia sunt toto corpore confri-canda. quæ cura & mansuetudinem docet, & laxata cute pinguedinis præstat augmentum. Hordeum quoque non semel nec bis, sed pluribus portionibus præberi conveniet. quidquid enim paulatim acceperint, legitima digestione conficiunt: quod vero semel & enomiter sumserint, cum summo indigestum integrumque transmittunt. Vicinum vero stabulum convenit esse loco arido, stercore vel paleis mollibus adopertum, in quo ante potum animalia volutentur. Quod exercitium & sanitati proficit, & ægritudinis vitium commonstrat. nam quoties animal, aut non solito more se transvolvit, aut omnino detrectat accumbere, scias illud ex tædio laborare, & ideo separari debere, atque curari. Ad quod opus quoque plurimum juvat, si saepius & cum moderatione animalia sedeantur. Nam imperitia rectoris & incessus eorum debilitat, & mores, præcipue servorum impatientia, qui, absentiibus dominis, ad cursum equos vehementer stimu-

lant, & non solum flagellis, sed etiam calcaribus cædunt, dum aut inter suos velocitatem cupiunt experiri, aut cum alienis vehementi obstinatione contendunt, nec revocant aliquando currentes, nec temperant. neque enim de damno domini cogitant, quod eidem contingere gratulantur. Quam rem diligens paterfamilias summa severitate prohibebit, & jumenta sua idoneis & moderatis hominibus, scientibusque tractare committet. Post sudorem quoque si æstus sit, pusca os ablui convenit: si hiems, muria. Vinum quoque & oleum faucibus infundi oportebit ad cornu, æstate frigidum, hieme tepescutum, ita ut hieme meri sextario, olei unciae tres, æstate autem duæ tantummodo misceantur. Nec convenientium potionum debet cura cessare, nam languor, macies, & tussis, & internorum dolor facile submovetur, si sulphuris vivi semiunciam [ 1. scrup. 12 ] myrrhæ scrup. 4. redactos in pulverem, ovoque crudo immixtos cum hemina vini optimi per os dederis. Est alia sumtuosior, sed accommodatior potio ad omnes morbos, quæ & celeriter reficit, &, cum intrinsecus purgaverit, curat omnes morbos, tussim veterem, phthificos, vulfos, & quæcunque vexata sunt in opertis. Ptisanæ sextarium 1, seminis lini heminam, foenigræci heminam, croci unciam 1, acronem falsum porci pinguis, vel longanonom, vel si porcina defuerint, caput hædinum depilatum, cum pedibus suis, & cordulis intestinorum mundis, hyssopi fasces duas, cochleas germanas xv, bulbos xv, ficus duplices xx, rutæ fasciculum 1, baccarum lauri, cum vi-

rent, sextarium, da<sup>c</sup>tylos xx, allii capita tria, sevi caprini uncias 6, pulegii siccii fasciculum. hæc omnia purgata leniterque contusa decoques in aqua cisternina, donec acron ille, vel certe caput hædi liqueseat & dissolvatur ab ossibus. propter quod assidue aquam refundis, ne comburatur, sed fervendo pinguescat, vel succus ipse pinguior efficiatur. Post hæc diligentissime colabis ad colum, tum draganti unciam in tres divides partes: ita quod exinde in unam potionem missurus es, pridie infundas in calidam, ut inturgescat, tunc addis passi sextarios 3, & tribus diebus singulos sextarios dabitis, ova numero sex, (in die secundo olei rosati ova plena numero 2) butyri uncias 3, (in die tertio) anagallici uncias 3, amyli uncias 3, pulveris quadrigarii selibram, lomenti fabæ selibram. Quæ omnia misces, ut dictum est, æquis ponderibus per triduum divides, & jejenum animal potionabis, & horis aliquot deambulare facies, usque ad septimam, a cibo abstineatur & potu. Animalia vero mactie attenuata, non absque studio diligenter revocantur ad corporum firmitatem. Nam oleo veteri vinoque permixtis, & tepefactis in sole, per totum corpus unguntur, & contra pilum multorum manibus perflicantur, ut & nervi mollescant, & cutis laxetur, & sudor erumpat. Quo facto cooperta in pontili strato collocentur. Et si hiems fuerit, condita cum semiuncia apii seminis triti, & olei tribus unciiis calefacto per os ipsius oportet infundi. Si aestas fuerit, absinthium vel rosatum cum 4 scrupulis croci, & duabus unciiis olei frigidum per os si-



scat, quod itineris attriverat injuria. Allii capita tria, rutæ veteris fasciculum, aluminis scissi & cri-brati uncias 6, axungiæ veteris pondo 2, stercoris asinini recentis manum plenam, quib[us] commixtis atque decoctis domi, ut volueris in itinere uteris ad vesperam. Præterea aliud, quod unguis nutrit & firmat. Picis liquidæ libras 3, absinthii libram 1, allii capita 9, axungiæ libram 1, olei veteris libram semis, aceti acrioris sextarium unum, universa contundes & misces, & decoques, & ex eo coronas vel unguis animalium confricabis. De palatis singulis mensibus minuente luna sanguis detra-hetur. quo facto, si qua est, capit[is] passio relevatur, & ciborum fastidium tollitur. Oportet autem ferramento concisorio animalium soleas ramulaf-que purgari, quod evaporat atque refrigerat, & fortiores unguis reddit. Si animal domi forisque perfrixit, calidioribus unguentis, quæ multa sunt, lumbi eidem confrentur & cerebrum, potionibusque & pigmentis, & herbis, quarum ferventior est vis, per os continuo oportet infundi, ut perfri-ctionis incommodum evincatur atque pellatur. Nam si in visceribus permanerit algoris injuria, diversos periculososque procreat morbos. Si vero die-rum canicularium tempore æstu animal fatigabitur, vel aquis frigidis est perfundendum, vel in mare flumenve mittendum, frigidis etiam potionibus recreandum, ut necessitat[i] laboris aut temporis aptior medicina succurrat. Sed in equis non solum utilitas, verum etiam decoris ratio servanda est. Nunquam itaque, nisi necessitas passionis exegerit,

de articulis refecandi sunt cirri. Naturale enim ornementum pedum natura in illis constituit. Cervicem etiam ipsam diligens debet ornare tonsura. Multi enim sicut curulibus, ita & sellaribus jumentis pressius colla radunt. Quæ res licet præstare creditur augmentum, tamen sub honesto selliore deformis est. Alii ita tondent, ut arcum videantur imitari. Nonnulli Armeniorum more crines aliquos in tonsura ipsa per ordinem derelinquunt: sed gratiore sunt, quæ translata de Persis posterior usus inverxit. Nam media juba ad omnem accurationem ex sinistra parte tondetur, a dextra vero omnino insecta servatur. Et nescio quo pacto plurimum deceat, quia illud, quod naturaliter laudat Virgilius, imitantur:

*Densa juba, & dextro jadata recumbit in armo.*  
 Quod si bicomis fuerit, ut vulgus appellat, medie cervicis setas equaliter oportet attondi, ita ut tam dextri, quam sinistri limitis continuata serie juba relinquatur intacte. Quod mitilomitus inventum confitat a Parthis, quibus coherendo est, equorum gressus ad deficiens dorsorum hac arte mollire, non enim circulis acue ponderibus prægravant, ut soluti ambulare consenserent, sed ipsos equos, quos vulgo Trepidianos, militari verto Tottorianos vocant, ita edomant ad levitatem, & quedam blandimenta vestire, ut Aduccorios similes videantur. In secco iugone aquæfucue solo quinquegrana pafus in longum, & omnisque in latum plenis copiis digeritur per crines creta, at similitudinem facit, quæc autibus agerius fit, tum dñe-

ficultate coronam velocitatis optantibus ingerit , in quo spatio cum equus frequentissime exerceri cœperit , in illos aulices necessario offendit , & priores & posteriores ungulas impingit , & aliquando vel cadit , vel sic offendit , ut cadere videatur , post quod admonitus injuria , tollit altius crura , & inflectibne geniculorum atque gambarum molliter vehit . Præterea minutos gressus imitatur , ut inter aulices ungulas ponat . nam si extendere voluerit , offendit in cumulum . Minutim autem equus ambulans commodius vehit , & pulchrius videtur incedere . Potiones etiam hiemales æstivasque conscripsimus , quibus aut conservetur sanitas perpetua , aut vehe mens ægritudo pellatur .

LVII. Dum æstus incanduit , hæc pótio animalibus commoda est , quia humectat & refrigerat : Croci unciam unam infundes in vino veteri , dragni uncias tres infundes in aqua calida , his adjunges fasciculum viridis postri 1 , item fasciculum viridis apii , herbæ portulacæ succi heminam , lactis caprini sextarios tres , ova septem , olei rosei libram , mellis uncias 3 , passi sextarium 1 , vini veteris quod sufficiat . ex quibus omnibus diligenter commixtis atque contritis , ad cornu per triduum sextarios singulos animalibus dabis . Alia quoque refrigeratoria potio : Vini veteris sextarium , olei libram semis , ova tria , succi coriandri cyathum 1 , lactucarum cyathum 1 , sollerter admisces , & in tres divides partes , datus per triduum jumentis æstuantibus salutare remedium . Tamen eo momento , quo potionem defusurus es , per singula ani-

malia singulas heminas aquæ frigidæ & recens sumtæ potionis debes adjungere.

**LVIII.** Hieme quoque potio ista præbetur : Vini veteris sextarios 3, olei selibram, piperis unciam 1, rutæ viridis uncias 6, cerefolii viridis vel feminis ipsius uncias 3, draganti uncias 3, feminis feniculi uncias 3, baccarum lauri unciam 1, mellis uncias 6, ova quot volueris, & passi quantum usus exegerit.

**LIX.** Vere vero & autumno hæc detur potio. Costi semiunciam, cassiæ fistulæ unciam, Celticæ semiunciam, petroselini semiunciam, betonicæ semiunciam, gliceriacæ semiunciam, fagapini semiunciam, spicæ Indicæ semiunciam, faxifragæ, eupatorii, meliloti, iris Illyricæ, ana semiunciam, centaureæ, gentianæ, aristologiæ longæ, ana unciam 1, amomi, aristologiæ rotundæ, ana semiunciam, scinoanthos semiunciam, asari, aloe, ana semiunciam, murrhæ unciam, opopanaxis, radicis draconis, ana semiunciam, croci unciam, draganti uncias 6, castorei unciam, absinthii Pontici fasciculos 2. hæc omnia in pulverem redacta ad XII animalia per triduum sufficere creduntur, ita ut cum vino optimo digerantur.

**LX.** (Alia potio, quæ omni tempore exhibetur.) Costi, meliloti, hyssopi, iris Illyricæ, aristologiæ, sampsuci, draconis, asari, draganti, centaureæ minoris, marrubii, gentianæ, spicæ Celticæ folia, æquis ponderibus misces, redactaque in pulverem cernes. sed si aestivam dare volueris potionem, commisces croci, mellis, & draganti quod sufficiat. Si autem potionem facies hiemalem, addis feminis

piperis, appii seminis, & seminis finapis. Utroque autem tempore cum boni vini sextario plenum cochleare miscetur, faucibusque animalium diffunditur.

LXI. De urinæ difficultatibus ordine suo multa dicenda sunt, sed viatorum istud, & physicum, & semper paratum te scire convenit. Lutum ex cujusunque equi lotio factum vino permisces, colatumque per nares infundes, & confessim provocat urinam. Item allium conteres, & in anum injicies & veretrum, mox egerit lotium. Item, pulverem quoque turis cum ovo vinoque permixtum, addito succo apii & caulium, si potionem dederis, provocabit urinam. Item, betas ac malvas ad tertiam decoques, ex quibus aquam calentem ad medium sextarium cum melle commisces, & per os digeres, proderit minctioni. Item, cimicem quoque vivum in aurem equi mitte, & alterum supra naturam in ipso foramine, quo mingit, confrica, facillimum certumque remedium est.

LXII. Itinerum casibus subvenire cupientes, de pluribus pauca, sed manifesta libabimus. Nam animalia sub sessiore vel onere dolor ventris frequenter afflit, ut volentur & procumbant. Semen itaque rutæ silvestris vel hortensis, si illa defuerit, diligenter tritum cum vino calido per fauces operet infundi. Præterea aquam, in qua usque ad tertiam betæ decoctæ sunt, succumque earum nitro trito solleter admisces, oleique addes heminam, tepefa&taque in intestinum per clysterem diffundes, cum prius primum animal statueris, ut injectum ad interiora

perveniat, quæ si forte defuerit, mel coctum cum tertia parte salis triti cogis in pilulas, ita ut collyria ad ovi magnitudinem facias, similiterque prono animali in intestinum vel quinque, vel septem, aut novem collyria inserere curabis. post solvitur venter & mitigatur dolor. Item, physicum traditur os limacis, neque manu immunda, neque terra, neque dente contactum alligare umbilico dolentis, curare continuo.

LXIII. Plerumque dorsum animalibus aut sarcina laedit, aut sella, propter stramenti negligentiam vel oneris injuriam. quod in itineribus interdum necesse est evenire, sed recens tumor hac ratione curatur: Mallonem ceparum, vel ipsas cepas in ferventi aqua decoques, & calentes, quantum corium valet sustinere, tumori superimpones, & fascia ligabis. una nocte omnis aufertur inflatio. Præterea sal tritum cum aceto miscebis, additoque vitello ovi, loca, quæ tumere cœperint, perfricabis, recens indignatio destrica ficcabitur.

LXIV. Cui curæ est animalium salus, potionem superius declaratam, quam specierum numero dia- penten Græco vocabulo nuncupant, gentianæ, aristologiæ, murrhæ, baccarum lauri, rasuræ eboris, paria pondera diligenter trita atque permixta, domi, sive in itineribus prius condita, habere oportet in promtu, ut, quoties moestum aut horridum videris animal, aut morbi alicujus labe tentatum, statim plenum cochleare ex pulvere memorato cum sextario vini optimi per fauces diffundas, & per triduum, etiam equo in labore constituto, digeras,

190 VEGETII LIB. I. ARTIS VETERIN.

ut aduersus virus internum subveniat. probata cu-  
ratio. Tussienti autem cum passi heminam dabis, &  
statim sentiet curam. Si liber, cui jam ponendus est  
finis, legentium non offendit auditum, sequenti vo-  
lumine inchoantes a vertice usque ad ungulas ex di-  
versis auctoribus enucleatas animalium publicabi-  
mus curas, ut ordo, qui a natura datus est, in me-  
dendi dispositione servetur, ne indigesta ac mem-  
brorum consequentiae repugnans pagina quæren-  
tem confundat, aut tardet.

---

VEGETII RENATI  
 ARTIS VETERINARIAE  
 SIVE  
 MULOMEDICINÆ  
 LIBER I.

---

PROLOGUS.

MULOMEDICINÆ ars jamdudum vitio cupiditatis & exigitate mercedis, nullo studiosius discente, collapsa est. Numquid vero exemplo Hunnorum sive gentium aliarum artis ipsius etiam usus intercidet, dum homines refugientes expensas, barbarorum consuetudinem imitari velle se simulant, & incurata animalia hibernis pascuis, & negligentæ casibus dedunt? Quæ res nulli compendium, plurimis attulit damnum. Primo quod barbarorum animalium aliæ naturæ, & ad omnem injuriam durius corpus est. Deinde quod sic instituuntur a parvulis, ut nec potionem medicinalem requirant, & hibernis pascuis vigeant, ac sine pernicie frigora pruinasque sustineant. Nôstra vero jumenta & molitoris generis sunt, & tectis frequentioribus assueta, calidissimis etiam stabulis imbuta, cum indignatio-

nem ex aliqua necessitate contraxerint , continuo in aliquod genus incidunt morbi. Diligens itaque paternfamilias , cum mortibus animalium suorum & cum medicinæ expensis atque mercedibus faciat rationem , intelliget , unius vilissimi jumenti pretium ad multorum , quæ sine dubio peritura sunt , si curata non fuerint , salutem posse sufficere.

## C A P U T I.

**I**N universo animantium genere caput obtinet principatum , quod eminentius ceteris , dominatum quendam circa loci ipsius conditionem sortitur. In eo est odor , gustus , auditus , ac visus : quod quantum habet potestatis , tantum sustinet ex labore discriminis. Causas itaque , ex quibus ægritudines gerentur , & signa , per quæ qualitas eorundem possit agnosci , curas etiam , quarum medela sanitas revocetur , per ordinem indicare tentabimus. Plerumque autem in corporibus jumentorum indigestionis vitio sanguis corrumpitur : quod evenit , cum ex æstu vel frigore debilitata sunt membra , & in capite frixus sanguis vertitur in virus. tunc enim repletis venis cerebri membrana distenditur , & somni salubritatem frequenter excludit. Ex quo necessario dolor capit is , mœstitia , & imbecillitas subit. Quæ valetudo & prima videtur , & levior , si velox medicina subvenerit.

II. Ceterum cum noxius sanguis membranam cerebri & ex una parte pertuderit , & eandem dolore nimio cœperit prægravare , efficitur animal appio-

sum : cuius & mens hebetatur, & visus. Nam cerebri incolumentis & oculos pascit & sensus. In qua passione , quia una pars capitinis prægravatur , tanquam ad molam vadit in gyrum.

III. Cum vero medium cerebrum corrupti sanguinis virus infecerit, animal freneticum redditur , ut repente saliat, & velut effugere velit, parietibus se tanquam irregibilis impingat, nec possit ratione aliqua contineri.

IV. Cardiacus is est, cui cor dolet. Cardiacus autem fit, quoties sanguinis illa corruptio stomachi vel thoracis impleverit venas , cerebrumque percussiterit, cor etiam pestiferi humoris laße constringerit. Quæ valetudo inducit mentis alienationem, & corporis sudore monstratur, ex quo difficillime liberatur.

V. Quod si appiosum simul passio thoracis invenerit, facit continuo rabiōsum. Ex ardore enim nimio jecinoris & sanguinis, venæ cordis nervique præfocantur , ex qua constrictione fit dolor ipsius loci usque adeo , ut mordendo se comedat. Ex quibus valetudinibus si animal fuerit liberatum, & post curationem aliqua pars cerebri fuerit immunita , vel tumor subcreverit , ineptum jumentum , pigrumque redditur. & in illa parte capitinis , ubi vitium remansit, difficile se gyrbabit, & ex eo latere se parietibus jungit, & tarde incedens, non sentiens plagam , ambulaturæ gratiam perdit , & erit submissio capite, & cum stare cœperit, cum tarditate se movet, minus etiam videbit , nec cibum nec potum recusat. Quem si curare volueris, cyclo-

curabis. In omnibus supra scriptis valetudinibus , primum de temporibus minuendus est sanguis , sed & de matrice aliquando tollendus. Cura autem pæne omnium similis est , cuius ordinem sequentia declarabunt.

**VII.** Memineris autem , omnes valetudines capitis ; præcipue veteres , periculosa , cyclo oportere curari. Cui hæc observantia & ordo est adhibendus : Triduo ab hordeo abstinebitur animal , temperabitur etiam mollibus cibis , post diem tertiam de dextra ac sinistra , prout ætas aut vires , vel valetudo permiserint , de matrice sanguis auferetur. Quo facto , per triduum viridi caulinorum ac lactucarum sustentabitur cibo. Primo uno die a cibo eum sustinebis & aqua. novo autem die offas caulum cum liquamine & oleo optimo temperatas non minus viginti digeras , cui nihilominus lactucam dabis in cibo ter in die. post potionem bibere semper incipiat. Si vero venter vehementer solvi inceperit , caulum offas dare desistes : sed dabis paleas & furfures , ita ut sequente die penitus nihil manducet , sed solam aquam percipiatur ad bibendum , ac posterius die inducatur in cellam balnei calidam , & sudet. Opus est autem diligentia , ut reducatur celeriter de calore , ne intercluso spiritu pereat : tunc extergetur diligenter , vinoque & oleo largiter perfricatus , accipiet cum nitri pulvere folia rafani conspersa , quantum commodum est. Postmodum cum radicibus cucumeris asinini viridis minutatim concisis oleum optimum misces , & in vase novo ita decoques , ut tertiam perdat. ex quo singulas

heminas per capita animalium per triduum dabis, ut potio ventrem resolvat. Sed si ultra modum fluerre coeperit, lenticulam & hordeum pari mensura friges, & de his singulas bilibres per dies singulos cum furfure & paleis dabis. Quinque itaque diebus operam refectioni ejus impendes, & leviter exercebis, ut intelligas, quantum vires corporis sanitasque profecerit. Post haec eum pro arbitrio despumabis. Sequente die caput ejus purgabis exorica, vel radice Dianaria, quam Artemisiam dicimus: si haec non fuerint, ex liquamine optimo cum oleo mixto, cuius caput pedesque connectis. Cum bene purgatum agnoveris, solvito, butyrum ex oleo roseo solutum infundes in nares, ut illo purgationis mitigetur asperitas, ita ut singulæ cotylæ singulis naribus infundantur. Si supra dictæ portiones non solverint ventrem, mellis, hellebori albi pondus unius denarii cum hemina dulcis vini bene tritum in potionē recipiat, vel certe scammoniæ pondus duorum denariorum diligenter tritæ cum dulcis vini hemina simili ratione diffundes in fauces. Quod si venter ultra modum dissolutus discrimen importat, anagallicum succo ptisanæ ad restrictionem ipsius dabis, lenticulamque & hordeum frixum, singulas bilibres cum paleis & furfure præbebis in cibo. Ad ultimum, partes, quæ in causa sunt, finapizabis diligenter, finapizatum cautere ferreo, vel, quod utilius creditur, cuprino combures, usfa curaturus ex more. Potionem quoque ex antidoto polygresto per dies plurimos dabis, & exercebis leviter, & ad cibaria ipsius aliquid per partes semper

adjunges, donec ad pristinam consuetudinem revo-  
cetur. Insanabiles valetudines cyclo affirmantur  
posse curari, id est, insani corroborari. Caduci cy-  
clo curati uruntur in capite: morbi vero, dysen-  
terici, coriaginosi, orthopnoici, strophosi, cyclo-  
curentur in renibus.

VII. Cerebrum plerumque diversis passionibus commovetur, quod his deprehenditur signis: Ambulabit pravus, & frequenter offendet, & toto se corpore commovet. Cujus ista curatio est: Baccas lauri numero **xx**, nitri selibram, rutae manipulum: quæ omnia diligenter trita, cum aceto non acri, & oleo optimo rosaceo commixta, hieme calefa-  
cies, perunctoque oleo capite ejus & cerebro, vel auriculis cerebellum de lanata pelle convolvis. Quæ si forte defuerint, farinam hordeaceam refinamque miscebis, ex quo cataplasma confectum cerebro oportet imponi. Præterea ceram oleo cyprino con-  
jungis, & linteolo inter auriculas ad ceroti instar imponis. Sed & reliquum corpus potionibus refo-  
vendum est. Tres fluviales cancros conteres dili-  
genter, & cum duabus unciis succi caulinum, addito lactis sextario, olei duobus cyathis, permiscebis,  
& colatum per os diffundes ad cornu. Quorum si inopia est, mellis cyathos duos, aquæ calidæ sex-  
tarium 1, coquito: ex quibus pastillos facies, &  
in aqua frigida dilues, & dabis in potum. Præterea si hieme curaveris, farinam triticeam; si æstate, hordeaceam, aquæ frigidæ adinvicem amuli per-  
mixtam, in potionē præbebis.

VIII. De capitis dolore multi auctores multa

dixerunt. Cujus hæc sunt signa : Tumor circa oculos apparebit , pabulum recusabit , lingua ejus & palatum labiaque tumebunt , quanto vehementius increverit morbus , tanto exoritur amplius tumor : ambulantes toto corpore vacillant , umbramque stiam vélut odorantes expavescunt. Cujus passionis ex corruptione sanguinis nascitur causa , cum indigestio ciborum naturali meatu intercluso , vel certe derelicto , in eas venas , quæ circa tempora sunt , defluit , membranamque cerebri vitiat. Cui sanguinem de temporibus oportet minui , & continuo oleo acetoque permixto caput largiter perungi. Quod si hiems fuerit , hordeum pridie infundes in aquam & decoques , calidamque in saccellos immites , jumentorumque caput fumentando diutius vaporabis. Alii auctores tolli de palato sanguinem jubent. Tunc cimoliam cretam ex aceto infusam , & merdam bubulam recentem cum nitro trito miscent , & in cacabo super carbones decoquunt , calidumque cerebro languentis imponunt , aceto rigantes , ne creta adstringatur ad pilos usque , cum prius calida fumentaverunt caput. Dolorem capitum prope ad insaniam ista signa demonstrant : Quoties grave est , & in præsepio se deponit , lacrimæ frequenter oriuntur , auriculæ stabunt , oculi graviores erunt , anhelitus creber , aridus pilus , tremores frequentes , tristis aspectus. Quem inprimis ab aqua abstinebis , ne nimium bibat ; de utraque parte collis sanguinem detrahes ; caput , sicut scriptum est , curabis.

**IX. Distentionis quoque valetudo ad capitum præ-**

cipue causam refertur. cuius hæc erunt signa: Impediente caligine obscurabitur visus, tremor & sudor totius corporis insequitur. quod vitium contigit ex aqua, si sudans jumentum biberit: vel ex indigestione cibi, si non dormiat, vel substrictus manserit. Huic capitis membrana distenditur. quæ passio ceterarum valetudinum & fons probatur & mater, nisi enim inter initia curaveris caput, ut animal dormiat competenter, fiunt appiosi, infani, rabiosi, frenetici, cardiaci. Igitur cum animal distentio-  
nis ægritudo comprehendenterit, de cervice eidem sanguinem tolle pro magnitudine corporis & ætatis. Et si æstas erit, oleo & aceto caput totumque corpus perunges, & diutissime confricabis, loco refrigerato & opaco inclusum continebis, substernes etiam stercora sicca vel paleas, ut provocet ipsa mollieties ad cubandum. locum calidum declinabis, nam impedit somnum. furfure, vel paleis, vel foliis lactucarum reficies. præterea potum præbebis exiguum. cum convalescere coeperit, modicis ambulationibus exercebis. ubi idoneum visum fuerit, ad cibaria largiora infusum hordeum ad pristinam consuetudinem paulatim per incrementa revocabitur. Si die septimo non profecerit, sanguinem iterum de temporibus emittes, & caput sine intermissione curabis. Potionem dabis, qua sanantur appiosi: Na-  
sturtii seminis, apii seminis, seminis lactucæ, ana-  
gallici, petroselini, aneti, papaveris silvatici semi-  
nis uncias singulas, piperis scrupulos 3, croci drach-  
mam unam. Quæ omnia bene cribrata atque com-  
mixta ex aqua temperabis. trochischos facies, ut

habeant non minus, quam singulas drachmas. In dieta unum trochischum in aqua dissolutum per os digeres, quod quotidie oportet fieri, donec sanitas redeat. Si non appetit cibum, singulos trochischos solutos cum succo ptisanæ quotidie præbebis. Vinum nunquam dabis. Capitis enim valetudo sumto mero deterior efficitur.

X. Si quod jumentum appiosum fuerit, in præsepio incumbit, oculos tensos habebit, micabit auriculis, visus caliginem patietur, & gyrat in circulo tanquam ad molas.

XI. Quod si etiam fuerit conversus in rabiem, sic intelliges: Subito hinniet tanquam sanus, parem suum appetit morsu, vel hominem, præsepiam, aut ilia sibi mordicans rodit: quem sicut appiosum curabis. Prorbus abstinebis ab hordeo, mollibus cibariis sustentabis. Præcipue tamen apium viridem, quantum voluerit, præbebis. Sanguinem de temporibus aut de service emites, loco tenebroso statues, caput eidem hujusmodi acopi confectione curabis: Opopanacis libram 1, resinæ, terbentinæ uncias 2, galbani unciam 1, resinæ frixaæ uncias 3, masticis tritæ uncias 2, olei veteris libram 1. ex hoc ei cerebrum & auriculas confricabis, oleum tamen solum ac liquidum in aures ejus suffundes. cuius tamen prius quam acopo utaris, saccellationibus caput cerebrumque vaporare te convenit, & caput apposito cerebello communire. Potiones quoque ex trochischo superius memorato quotidie præbebis, collyrio acri inungis assidue, ut caligo ex oculis possit auferri. Quæ cura si non profe-

rit , caput & tempora sub ipso protocomio semisse inuris cauterio , quod & super venas temporales facies . Plerique tamen , facies ne deforment jumentum , solo tabulare palati confecto , sani fieri possent . Fervor enim foci debilitatem capitis tollit , & membranam menti pristinæ , sanitatique restituit .

XII. Alii auctore's infariantis jumenti ardentes & sanguineos oculos & humore suffusos , stantes auriculas dicunt vel micantes , ut ad instar indomitorum nec capi possit , & captum , parietibus se illidens conetur effugere . terram pedibus fodiet , & multum flegmatis ex ore profundet . quod hac ratione curatur , ut auferatur ei sanguis de angularibus venis , de palato , & post de cruribus . a cibo eadem die abstineatur & potu . Alia autem die aquam frigidam dabis ei bibere . Auferantur stercore , quæ in ano ejus sunt , per quatriduum continuato clystere , curabitur venter , ungetur cerebrum , secreto collocabitur loco , accipiet in substantiam porros , & herbam mollissimam , aut mollissimum foenum . His potionibus percurandum : Pulveris turis drachmam 1 , aceti albi sextarium 1 , radicis panacis unciam 1 , herbae saxifragæ uncias 3 , ex aqua mulsa per os dabis . Laetis caprini sextarium unum defundis in fauces . quod si defuerit , ciminum rusticum pondo duo in pulverem rediges , additoque olei optimi uno ebulo , ex aqua mulsa diffundis ad cornu . Sed ceteris potio hæc aptior creditur : Apii unciam 1 , jusquiami unciam 1 , seminis apii unciam 1 , seminis laetucæ uncias 2 , papaveris silvestris unciam . quæ omnia in pulverem redacta commisces ,

& unum cochlearium magnum ex aqua dabis, vel si cibum non accipit, ex succo ptisanæ. obscuro & frigido, & laxiore loco statues, silentiumque præ-bebis, ut dormiat. prius tamen oleo ac pice liquida caput perunges, auresque complebis, tempora etiam munies cerebellare vel fasciis, myrtam quoque aridam conteres, & aceto oleoque miscebis, corpusque ejus totum diutissime confricabis. Solent constringi & obrui stercore, ut sudent & dormiant. Quibus si somnus venerit, afferet sanitatem. Rabiosum vero jumentum eadem omnia, & majora ostendit, quam insanum nam & alia animalia comedit, & facit ipsa contagione rabiosa. Plerumque etiam morsibus intestina sua extrahunt, & hinniunt fortiter. Quæ valetudo ex nimia sanguinis abundantia & ardore contingit. Curatur autem observatione & potionie superius declaratis.

XIII. Chirurgia appellatur, quodcunque secatur ferro, vel cauteriis uritur. quæ cum sit omnibus membris animalium, præcipue tamen capitis necessaria est medicina. Quodcunque igitur jumentum in qualibet parte fregerit caput vel nudaverit casu, sollicite curandum, ne indignatio vulneris in nervos cerebrumque penetrando periculum generet. nec in primo medicamentis uti acrioribus convenit, sed magis melle curare. cum ad maturitatem venerint illa, quæ fracta fuerant, ossa laxantur, tenta sollerter, & mobili manu vel forcibus extinco. Reliqua fragmenta ossis, quæ asperata sunt, ferramentis cædito atque perradito, ut carnem facilis inducant. nunquam enim clauditur vulnus,

si non raseris, donec sanguis per os ipsius respondeat. In quo major est adhibenda cautela, quia solet in locis ossuosis & commissuralibus fistula fieri. quæ cum evenerit, parumper injuria afficit vulnus, per quod non sanies, sed humor liquidus emanat. nec unquam deducta cicatrice solidatur. Quod si evenerit, hac ratione curabis. Papyrum per ipsam fistulam trajicies, ita ut capita papyri, quæ extra fistulam eminent, ex utraque parte alligas lino, ne cadat, & diebus v, vel pluribus, donec callositas fistulæ papyri distensione turgescat, & majus vulneris foramen fiat. Tunc ad mensuram vulneris ex fistulari medicamento collyrium faciens, exempto papyro intra fistulam injicies, ut impleatur ex integro, plane ne excidat, munies diligenter. Post dies quatuor vel quinque solvis. si fistula ceciderit, traumatico curabis, quod vulneri semper immittes, donec spissa sanies & non multa in eo loco reperiatur. Cum autem jam limpidum videris collyrium, fac pollinem herbi, & tus masculum tritum æquis ponderibus cum melle decoquito, & plagæ ipsi imponito, per dies plurimos quotidie curato ita, ut deprimas ipsas partes vulneris, quatinus junctæ ciuitius cohærescant. Si graviter offenderit caput, ut cerebrum vexet intrinsecus, continuo de temporibus sanguinem eidem oportet auferri, & spongiam aqua, si æstas fuerit, oleo roseo, & aceto æqua parte commixto capiti ejus imponi, fasciaque connecti, & cibos virides præberi. si nec ipsos appetit, quia omnem cibum recusat, fabam moles & convertes in pollinem, farinam quoque triticeam pa-

riter admisces, & cum mulsa per cornu ad substantiam animali tam diu faucibus ejus infundes, donec cibos virides appetat, quos aqua marina vel falsa oportet aspergi.

XIV. Aurium ut vicinitate proxima, ita periculi non discrepans cura est. quæ si casu aliquo fuerit a radice contusa, & collectionem fecerit, eam cum maturaverit, scalpello secato, & pus sinito fluere. tum linis aceto acerrimo & oleo per triduum, quarta die traumatico curato, donec sanetur. Etiam si cartilaginem vexaverit, ejusdem medicinæ observatione proficiet. Si vero a radice auriculæ, vel commissura capitis tumor magnus cum duritia existabit, ex fœnigræci & lini semine, & tritici polline cataplasma imponito, maturatam collectionem scalpello secato, ita ut inferius plaga spectet, quatinus humor per prona decurrat. Vino, oleo, & sale mixto infusos lemniscos inducis, & vulnus per quatriiduum fovebis, post traumatico uteris. sed difficilis cura est, quia fistulæ in talibus locis frequenter oriuntur. quæ si evenerint, supra scripta curatione curantur. Si tamen ægritudo vulneris ulterius etiam post medicamenta procedat, vicinæ urendæ sunt partes, & cauterio in ipsis collectiōnibus infigenda sunt puncta vehementius, ut & cutis, & causa perrumpatur interior. post sollerter usta curanda sunt. Non enim aurium est negligenda curatio, ne ex dolore nimio generetur insania. Primum purganda est auris diligenter intrinfecus, ut auferatur, quod dolorem moveret, aut laedit. Si nihil invenitur, spongiam nitro & aqua molliter in-

fundes & dilues, unamque noctem intra auriculam infusam spongiam manere patieris. Die tertio nitro & aqua calida fovere incipies frequenter & diu, donec dolor recedat. Quod si aqua fuerit ingressa, oleum vetus & acetum æquis ponderibus adjecto nitro in aurem mittito, & succidam lanam superimponito. Si vulnera fuerint, lyparem auribus infieres, & curasti.

XV. Quocunque jumentum in oculis tritiacem patietur, id est, ut pili aliam palpebram urentes lacrimas moveant, visumque conturbent, hac ratione curatur. Non longe a pilis ab interiori parte scalpello plagam dabis in cute palpebræ, post forpicibus per longum ad mensuram oculi fasciolam præcides, & impositis fibulis consues palpebram foris versus, ut oculus sine deformitate recipiat visum & gratiam naturalem. Tunc vero optimo oleo, nec non etiam muria infusam spongiam superpones, & oculum fasciabis. Post die quinto solvis, tunc intrinsecus oculum collyrio curabis: deforis vero tetrapharmacum impones, non prius fibulas ablaturus, quam duxerit cicatricem. Nihilominus & cadentibus fibulis, collyrii cura non deerit, ne caro rursus superflua excrescat. Sed plerique adhibent cum deformitate compendium, ut partem, quæ prominet, ad mensuram naturæ forpicibus amputent, pusca, quæ frigida sunt, propter fluxum sanguinis foveant, oculum collyrio intrinsecus current, ne indignationis necessitate lædatur.

XVI. Suffusio sicut hominum, ita jumentorum impedit visum, cuius tria genera ab auctoribus in-

dicantur: stenocoriasis, platycoriasis, hypocoriasis, Græce pupula nominatur. Stenocoriasis dicitur, cum constringitur visus & vires amittit. Quæ hac ratione curanda est, ut sanguis de temporibus auferatur: radicem quoque foeniculi, & herbam chelidonium, vel rutam decoquæ ad tertias, & cotidie ex ipsa aqua, quantum manus patitur, oculus foveatur. Inunges etiam collyrio oopobalsamo, quod suffusionibus prodeße consuevit. [Adversus instantes pilos tertia cura est, ut leni tenuique cauterio genæ, quæ procreverint, inurantur, quo facta, ducta cicatrice contrahitur pellis, & palpebra altius elevata a pupilla cursu pilorum arcet injuriam.] Platycoriasis autem est, cum se ultra naturalem modum pupilla diffundit, & eripit visum, nec curari ullatenus potest. nam sicut ovi vitellus casu aliquo disruptus in priorem formam coire non potest, ita semel pupilla diffusa recipere non potest usumвидendi. Quod evenit equorum sudore, dum membranula, quæ continet lumen, indignatione caloris disrumpitur: vel certe sollicitudo longi itineris ad indignationem jumenta compellit, aut læsum oculum dominus curare neglexerit. Quod cum accedit, oculus videtur incolumis, nullis lacrimis, nullo sanguine, nulla indignatione prodit injuriam, sed visus tantum declaratur indicio, quod in pupilla ipsius imaginem tuam, tanquam in speculo, videre non potes. Hypocoriasis autem a capitis humore descendit, & in uno oculo sese primo ostendit, postea etiam ad alterum transit. Intelligitur au-

tem humore vel lacrimis. Continuo sanguinem ei de supercilio, vel de ipsa parte temporum detrahes, fo-mentabis ex tepida aqua, in qua radices fœniculi decoctæ fuerint cum ruta. Præterea inunges colly-rio opopanato & opobalsamato. Quod si institeris medicinæ, per lacrimarum cursum consuevit sæpius caligo sanari. Temporales quoque venæ cauteriis inuruntur, & meatum humoris excludunt.

XVII. Quod si viñ passioñis intulerit cicatri-  
cem, diligenter attende, quo colore sit membrana,  
quæ apposita pupillæ impedit visum: si auroso co-  
lore fuerit, insanabilem scias: si candida nimium,  
etiam neveris non posse curare ipsam. Si vero spis-  
sa fuerit, colore oleagino, muco similis, per para-  
centesin ad hominum similitudinem, cum fuerit ma-  
turata, curatur. Jumentum igitur pridie temperabis  
a cibo, vel potu maxime prohibebis, in loco molli-  
elides, caputque ejus & cervicem apte collocabis.  
Ita patentem oculum facies, ut claudere non possit.  
deinde ab ipsa fronte paracenterium inter tunicas  
oculares subjicito, ne pupillam tangas, aut aliquid  
lædas interius, sed ipsum album de superiori par-  
te, ubi hypochyfis posita est, capitello paracenterii  
deorsum deprimis ad palpebram inferiorem subti-  
liter. Quod si depositum fuerit, non prius paracen-  
terium eximas, nisi clausum oculum penicello ca-  
lido diutissime vaporaveris. Solet enim resiliare.  
Quod si ita evenerit, reprimito, donec ita compo-  
natur, ut resiliare non possit. Cum itaque intellexe-  
ris claritatem pupillæ sine ullo obstaculo hypochy-  
fis, tunc eximes ferrum, & invenies animal vide-

re. Curabis sic. Ex oleo roseo & ovi albo anacolima facies, lanam infundes, & super oculum cùratum impones, ac desuper fasciabis. Caveto, ne ipsa die manducet, & moveat oculum agitatione maxillæ; sed tamen, si voluerit, bibat. Altera die solvis, & calida fomentabis diutissime. deinde foenigræci succum in oculo subfundis, & rursum anacollima supra dictum similiter imponis, fasciabisque. Quod cum per triduum, aut quatriduum feceris, oculum solvis, & foenigræci succo fomentabis, ex melle optimo Attico unges, donec cicatrix se confirmet & oculus.

XVIII. Est aliud vitium ejusmodi, ut interdum oculo album inducat, interdum limpидet: ex qua passione lunaticum oculum veteres nominavere. Cujus ista curatio est, ut de ipsa parte temporum detrahatur sanguis. interpositis diebus, sub oculo nihilominus sanguinem oportet minui. Cotidie quoque calido fomento oculum curabis deforis; intrinsecus autem inunges collyrio thermantico & acerimo per plures dies, donec recipiat sanitatem. Si nihil ex hac ratione profecerit, venas superiores in temporibus supra ipsum locum, qui sustinet passionem, diligenter perquires & inures, ut humor noxius possit arceri.

XIX. Quocunque jumentum in oculo habuerit staphyloma, incurabile est: talis tamen curatio consuevit adhiberi: Desub oculo sanguinem ei detrahes, & fomentabis calida cum radicibus foeniculi & rutæ decocta, inunges etiam collyrio non valde acri: si vulnus fecerit & deplanaverit, ex succo

fœnigræci fomentabis, & inunges collyrio leni; quod facit ad tunicas ruptas, donec se cicatrix cum planicie claudat, tunc uteris acriori collyrio, & per dies plurimos, donec quæcunque pars æquari possit ad naturæ similitudinem, compleaturque, ut non deformetur obtutus.

XX. Si casu aliquo animal oculum impegerit aut confricaverit, vel ex percussura læserit & album induxerit, etiam si totus oculus præclusus sit, tamen experimentis hac ratione probatum est cito posse curari. Hederam colliges terrestrem, & in pila mundissima diutissime contundes, succum exprimes, ex hoc animal inunges: potestate medicaminis, quamvis desperata, consumitur albugo. Sed si terrestrem hederam non inveneris, sive baccas hederæ, sive folia contundes, & succum exprimes, & ex eo succo inunges. Si hoc quoque difficile videbitur aut morosum, paululum aquæ frigidæ cum foliis hederæ diutissime contundes, succum exprimes, & per siphonem ei in oculum defundis. Quod cum per dies plurimos tam mane, quam ad vesperam feceris, album omne tolletur. Sed si vinum misericordia optimum & recens, efficacius curata sanat.

XXI. Aliqui auctores dixerunt, si dexter oculus suffusionem susceperit, vel album incurrerit, dexteram partem naris, si sinister sinistram diligenter inspiciet: in ipsa callositate narium foramina subtillissima inveniet, quibus tenuis inferenda est fistula, per quam ille, qui curare debet, os plenum vino insufflet, ut merum per foramen illud penetrret. Quo facto oculus incipiet lacrimare. Velocius autem pro-

ficiet, quia per interiores venas meri virtus ad oculum penetrat.

XXII. Jumentum in oculo in osse percussum, si tumorem fecerit durum, callosum, & ossilagini similem, hac ratione est curandum. Dejecto animali contra causam ipsam cutem aperito, & ossis cisorio gingivulam, vel cartilaginem, vel os, quod ex se excrescere coeperit, cædito, ut deplanes ad similitudinem partis alterius. Si apte deplanaveris, aceto & oleo linteolis vel licinio addito, locum ipsum compleas, & fasciabis. tertia die solves, & similiter curabis per dies 5, donec fervor desinat. post traumatico uteris. Catastolico quoque medicamento libraturam cutis consumis, quam diu limpidum vulnus curetur & adæquetur. Quod si ipsum os concarnari non potuerit, tam diu cotidie eradicate, donec sanguinet atque concarnet, ita ut medicamenta congruentia vulneri imponas. Quod si post sanitatem causa eadem crescere coepit, punctis cauterio subtiliter urito. Oculorum epiphora infra oculum detractus sanguis emendat, si usque ad sanitatem melle optimo inungatur assidue. Praeterea prodest eidem passioni: myrræ pondus denarii unius, crocodili stercoris semiunciam, salis armoniaci semiunciam, sepiæ ossium semiunciam, mellis Attici cyathos 2: ex quibus omnibus tunsis atque permixtis oculum perungenes. Magnæ lippitudini adhibetur tale remedium: Myrræ troglotidis unciam 1, turis masculi, croci Siculi, limpidis Cypriæ, æris usci, ana uncias 2, teres simul, consparges & cernes, aquæ coelestis, & Falerni vini,

mellis Attici adjicies quantum sufficit, in vase vi-  
treo condes, &, cum necesse fuerit, uteris. Si casu  
cilium ruperit, fistulam dabis, & mannam turis cu[m]  
ovo impones. Discutit cicatricem oculorum ejus-  
modi compositio : Spicæ nardi unciam semis, salis  
armoniaci uncias 3, catimiæ unciam semis, croci  
unciam 1, piperis semiunciam, in pulverem con-  
vertes, & uteris. Albi vitia deterget ista curatio :  
Sepiæ marinæ ossis rasi scrup. decem, croci scrup.  
duos, salis armoniaci scrupulos 2, myrrhæ, cro-  
codili stercoris scrupulos duos. Item, album sive  
glaucomata emendat, vini Aminei veteris sextarii  
tres, gariofili sextarius, mellis unciae tres, quibus  
omnibus decoctis titeris. Album tollit, si ex humore  
vel percussura evenerit : Sandaricæ unciae 2, ossis  
sepiæ combusti unciae 4, piperis albi semiuncia,  
salis armoniaci unciae 2, cum melle permixtis. Ci-  
catricibus oculorum medetur jejuna saliva, si cum  
sale mandatur in ore, & expiatur in oculum. Sal  
quoque tritum cum osse sepiæ, & finapis agrestis  
semine. Collyrium nardinum : Opopanaxis scrupu-  
los 2, violæ uncias 2, spicæ nardi, cassiae, marru-  
bii ana semiunciam, croci Siculi unciam semis,  
olei semiunciam & scrupulos 4, piperis albi uncias  
sex, gummi scrupulos 5. Item alia confectione col-  
lyrii : Æruginem æris & salem optimum æquis pon-  
deribus; & aceti quantum sufficit misces. Neces-  
saria compositio : Rutæ scrupulos 4, turis masculi,  
stercoris columbini, murium, olei, croci, mellis,  
catimiæ, olei rosati ana scrupulos 4, diligenter trita  
miscebis & uteris. Si vero oculus istu vulneris in-

fanabilis redditur, & , ( ut mulomedici dicunt , ) canchremata fecerit, ne periculum mortis incurrat, ervi pollinem cum oleo roseo & ovo simul immittito. Cum purgatum vulnus fuerit, cum melle Atlico inungito. Sunt & alia multa collyria, quæ , quia eandem vim easdemque species continent, enumerare superfluum duximus.

XXIII. Plerumque strumæ, vel parotides, aut scrophulæ jumentorum guttur infestant, & fau- cium tumorem producunt. Nam & subrecto sunt capite, & tanquam ab stranguria præfocantur. Hos primum fomentis calidis, & cataplasmate ex polli- ne hordeaceo, & resinæ unciis tribus mero vali- do coctis curari expedit : & cum collectio fuerit maturata, scalpello secari opus est, & quidquid col- lectum fuerit, emittere, & aceto, & sale, & oleo infusos lemniscos subjecere. ceteris quoque diebus traumatico & medicamentis aptis sollerter curare, si vulnus pateat, dum sanetur. Nam in his locis ex præclusione cito solet fistula fieri : quæ si evenierit, ut supra demonstratum est , papyro & collyrio poterit persanari.

XXIV. Glandulæ quoque animalibus, & præci- pue pullis, usque ad periculum interdum molestæ sunt, & in morbum transeunt aliquando ; quæ in- ter maxillas inferioresque fauces nascuntur, & ad similitudinem pilularum majores, aliæ vero mino- res connexæ ex carne obdurescunt, & tumorem fine doloribus faciunt. Quæ inter initia perunæ oleo, picula perfricari solent, vehementiusque ma- nibus corrupti, & ita velut vanescendo sanari.

Quod si excreverint amplius , dejecto animali , ita ut per medium secentur scalpello subtiliter , cum radicibus eximuntur , ne aliqua vena tangatur. Quo facto , aceto & oleo cum sale medicamentisque superius declaratis sananda sunt vulnera. Plerique urenda dixerunt. Sed si parva sint , prodest : certum majores exsecandæ sunt ferro.

XXV. Dum caput pullorum caleficerit prima dentitio , inter gingivas atque maxillas tumor collectioque generatur , quæ pullaria vocatur. Cujus passionis tanta tensura est , ut manducare vix possint. Sed cataplasmatibus studiosissime maturinganda sunt , deinde scalpello aperienda , post sale , & acetato , & oleo curanda. Plerique etiam , cum ferro exemptæ fuerint glandulæ , propter sanguinis fluxum loca uri debere præcipiunt , post sale & oleo octo diebus utuntur. nec non ex nitro & aqua calida diluunt. Si nitri inopia est , lotio calido aut lixivio utuntur. Deinde vinum & oleum , & farinam de ervo imponunt per triduum , consequenter de vi no ac oleo , & farina hordeacea , & melle percurant. Addentes , quæcumque plaga fuerit , aut strumæ , vel parotidis , glandulæ , quæ tolluntur Lycio medicamento , vulnera percurari ita , ut de malis granatis siccis pulvis aspersus , celeriter afferat sanitatem.

XXVI. [ *De confaciendo collyrio fistulari.* ] Si ex aliqua hujusmodi curatione jumentum fistulam in ore fecerit , hac ratione curabitur : Papyrus injicies in fistulam , ut pars ejus in ore extet , quam lino diligenter ligabis , ne possit elabi : pars vero fo-

ris exeat, quæ nihilominus constringenda est lino, ne cadat. triduo permaneat, quarta die papyrum eximes, collyriumque ad longitudinem & cavataram vulneris ad arctum fistulae subjicies, &, ne forte labatur, fasciabis locum, ita ut ad manducandum possit maxillas agitare: tertio die solves. Si fistula ceciderit, diebus septem unguento traumatico curabis. deinde collyrium ex melle & ervi polline decoctum subjicies ad plenitudinem foraminis diebus plurimis. Ad ultimum, anapleroticum ipsi vulneri medicamen imponis, donec omnis plaga, ducta cicatrice, solidetur. Fistulare autem collyrium hac ratione conficies: Anisi unciam 1, ferulae unciam 1, aeruginis aeris unciam 1, batis calcis unciam 1, cimini seminis unciam 1, teres cum aceto acerrimo, & secundum qualitatem vulorum, cum usus exegerit, collyria formabis.

XXVII. Fistulae nascuntur, quoties nervus, aut cartilago, aut os negligenter vel imperita curantur, ex plague alicujus tabido humore irritatur. Tunc enim, que commoverent, ad instar cubiculi, carnem indurat & incalitat, & sic fistula, que nulla ratione facili potest, nec aliquando corre, nec solidari, nisi penitus extirpatur. His a diversis auctoribus tradita est diversa curatio. Alii enim scapello sefocari & apertis iubent, & syringotomio decanari, medicamentisque acerimis confici, & secundummodum valvam ad cicatricem corre. Quod cor laboris ac discrinimis habet plurimam, multo tanta perdet. Am vero cancerio cassere fistulas inserviant, rationeque partes ejus puluis aeru-

tibus prærumpendas esse duxerunt , quatinus per ignem callositate submota , astalticis medicamentis vulnera percurentur. Sed melius est fistulam , sicut superius declaratum est , papyri injectione curare : quia neque nervus , neque vena , neque commissura vexatur. Nam scalpello vel cauterio sæpe fit causa deterior , & periculum creant. Collyrium vero omnem callositatem fistulæ de alto a radice ejus eximit. Quod si os fuerit vexatum , quod oporteat radi patens vulnus , per medicamenti curam non potest impediri. Si vero in alto tabes aliqua vel nervus aut cartilago remanserit , ex eodem collyrio pulverem facies , & frequenter injicies. Omnia enim vulnera elimpidat atque persanat.

XXVIII. Interdum ad similitudinem synanches animalibus fauces & caput interius intumescunt , adeo ut bibere aut manducare non possint. Cujus totum & os & lingua aqua calida fomentatur , & taurino felle perlinitur. Potio autem datur hujusmodi ad cornu. Olei veteris libras 2 , vini sextarium 1 commisces , novem quoque caricas cum novem capitibus porrorum decoques , & diligenter conteres , & in aqua ipsa nitrum Alexandrinum tritum , quantum sufficit , misces , & ex his omnibus potionem mane & ad vesperum heminas singulas dabis , ut tumoris ipsius relaxetur & mitigetur asperitas. Manducet autem herbam viridem , aut , quod melius est , pascatur. Quæ si defuerint , farinam de hordeo facies , cui nitrum admiscebis , & sic apponis. Fœnum quoque mollissimum eliges ; quod nihilominus nitro & aqua consperges. San-

guinem non detrahas, nisi forte de palato despumes. Cum cœperit convalescere, nitrum tunsum & cibratum, pulveres de radicibus cucumeris afi-nini silvatici commisces, & vini sextarium, cochlearia pulveris ipsius junge, ut hujus potionis vi resoluto ventre purgetur. Alii auctores tumorem capitis ac linguæ, vel faucium, etiam obduraverit, ita festinantes propter periculum curare nituntur: Lapidès molares plures igne succendunt: cum candere cœperint, caput equi cooperiunt, & vas plenum lotio sub ore & naribus supponunt, & per vices fingulos candentes lapides in lotium immittunt, ut ille vapor ac fumus, a calore lapidum concitatus, os equi & nares impleat. Nam & fustem transversum, ut apertum os habeat, debet accipere. Quod cum diutissime feceris, aquam marinam calefacito, vel certe salem in aqua dulci miscebis, fervendoque dissolves; addito aceto acerrimo, caput ejus & os, & gingivas diutissime confricabis. Postea fimum bubulinum cum acri acetè miscebis, & tepefacies, ex quo caput totum frontemque & labia perunges, tunc farinam hordeaceam cum aqua tepida sufficienter pro cibo dabis & potu.

XXIX. Quod si ex sanguine tumor ille indignationis evenerit, ita intelliges, si venis tensis obturabitur halitus, & oculi sanguinei apparebunt. cui de temporibus, si non tumebunt, aut certe de palato, si ibi indignatio non erit, sanguinem oportet auferri. Cretam Cimoliam duabus partibus, & tertiam partem cretæ nigræ, ex vino austero temperabis, &, dum calet, illinis caput.

**XXX.** Sciendum est autem, tubera in corporibus frequenter excrescere, quæ Græci onomatæ vocant. Horum variæ qualitates & diversa sunt nomina. Steatoma est tuber, quod in se adipem vel pinguedinem continet. Meliceris est tuber, in quo caro inspissata, quomodo in verrucis, invenitur. Aneurysma est tuber, in quo sanguis conspiratus uberis venæ similis invenitur. Atheroma est tuber, in quo farinosa congeries reperitur. Ganglion est tuber, quod fit ex duplicatione nervi, similis tubero cum dolore immobili. Horum omnium una est curatio. Jumentum colligatum deponit, & contra locum causæ sagitta aut scalpello in longum dextra ac sinistra pro mensura tumoris aperitur, ita ut media fasciola cutis, quæ supra tuberum est, intacta permaneat. Post egestis vel eversis omnibus, quæ tumorem moverant, medicamentis competentibus, ea, quæ supra declarata sunt, producitur ad cicatricem.

**XXXI.** Si jumento lingua fuerit incisa, statim cum fibulis consuito, deinde vino lavato, post gallam tundito & pulverem cernito, ex eo imponis, donec sanetur. cui dabis scenum mollissimum concisum, & pro hordeo furfures. Alii, postquam fibulas acceperint, linguaque vino fuerit elota, mel imponendum esse duxerunt, ut plagam purget & curet. Ad ultimum ex malo granato pulverem injecerunt.

**XXXII.** Si jumento loculamenta dentium, id est, gingivæ vel dentes doluerint, his agnoscitur signis: Hordeum solidum glutiet, macefit, saliva-

rum plurimum effundit, gingivæ intumescunt. Cretam Cimoliam cum aceto acerrimo macerato, & calentem extrinsecus maxillis inducito, ne minus quinque diebus: gingivas autem interius cum pulvere corticis mali granati & melle tertia die diutissime confricato, donec egesta sanie convalescat. Quod evenit, cum humor acrior ex capite in maxillarum defluxerit venas.

XXXIII. Quod si animal juxta collum vel molares, vel alio oris loco os fregerit, ut morsum claudere non possit, & apertis dentibus horreat propendentibus labris, continuo calida fomentabis, & labrum & quæ sunt disrupta componis, fasciola tenuissima aceto & oleo madefacta diligenter unam partem, deinde alteram compingis ad locum, & similiter fasciato, ne iterum dissipetur: cui & corbem constrictam oportet imponi, ne depravet dentes & labia. Cum solveris ad curandum, manu, quæ ante composueris, contineto, furfurem & farinam hordei mixta in cophino ad manducandum dabis, ita ut, quamdiu manducat, manus tua a loco, quem continet, non recedat. Cum jam manducare noluerit, offerto ei aquam, ut bibat. Cum biberit, curato similiter, ut supra scriptum est. cui & succum ptisanæ convenit dari, si minus fortasse manducaverit. Quem tali observatione per dies quadraginta curatum restitues sanitati.

XXXIV. Jumento narium cartilago si corrupta sit, & sanguis reprimi non possit, spongiam Afram & turis masculi pollinem commixtum impone ad locum, qui læsus est, & si vulnus factum fuerit in

cartilagine , hac ratione curato. Interdum animal despumatum remissus semel de palato sanguis non potest reprimi , propter quam necessitatem , sicut supra scriptum est , in loco , in quo sagitta ruptum est palatum , spongiam imponis , caputque ejus sursum constringe , & aqua frigida renes cerebrumque testiculosque perfundis. Quæ res si tardius subvenit , acutam nigram & turpis pollinem æquis ponderibus ex aceto acerrimo temperabis , totumque caput illinies , donec sanguis ipsa constrictione claudatur.

XXXV. Mature periculum creat , cum incisa vena claudi non potest in palato: sed continuo sanguinis profluvium inhibitetur , si aut candenti cauterio fuerit meatus ille combustus , & suspensum altius caput. Cum per nares sanguis defluit , nec potest aliter retineri , coriandrum viridem sufficienter tundes , succumque ejus expressum , substribo equo , naribus infundes , frigore naturali venas protinus claudit : chartam etiam & lanam combures , ipsumque pulverem per fistulam insufflabis naribus.

XXXVI. Mucorum etiam qualitates , qui per nares effluunt , convenit nosse , ex quibus genus passionis ostenditur , & causa cognita facilius curari potest. Mucus limpidus cotidianus est , & , nisi nimius fuerit , non debet esse suspectus. Crassus autem & candidus a cerebro defluit , & admonet ad medelam capitis festinandum. Rubens , tenuis , frigidus , veteris perfrictionis prodit injuriam. Propter quod thermanticis potionibus calefieri animal oportet. Cæruleus , id est , fuscus , levis ab interioribus

venit, qui indicat febrem: & ideo conveniens leptiperisis, id est, piretran adhibenda curatio est. Crassus autem, spumosus, & pallidus, a pulmonibus nascitur, qui suspiriosos ostendit: quibus difficile, nisi festioatum fuerit, subvenitur. Fabaceus vero a glandulis serpit, quæ celeriter aut eximendæ sunt, aut ferro curandæ, ne convertantur in morbum.

XXXVII. Sæpe istu vulneris animalibus per narres sanguis fluit, quod vitium euferon vocant, quod præcipue contingit, si equus ultra vires agatur ad cursum: omni corpore oleo & aceto perungendum est animal, ac loco tepido statuendum, cooperiendum etiam diligenter, dandaque opera, ut molliter cubet, nec ad deambulandum cogatur, sed cibo diligenter reparetur. tunc eruce unciam cum lacte coheres, & per cornu naribus infundes. Quod si eruca defuerit, aristochizie unciam cum croci semisunciam cum visco dulci conterito, & dejicio per narres. Similiter coriactri viridis succum exprimes, & naribus infundes.

XXXVIII. Si polypas orierit in naribus, prædicto spermine strangulatior, sterter, invictus proficeret, pericula patens pectoris. hæc exalatam fibrosa. Si prope polypas fuerit, acutissimo extirpator fermentum. Curarece ista rebus, quibus circumdata sumuntur. Si vero alium fuisse, certe non plures operae utiles facies, ex cuius cuncta ex polypis expellerentur menses, ut hæc polypa farata.

XXXIX. immunita si fuerit scirra, hæc agor

scitur signis. Labia ejus & maxillæ, nec non etiam nares ejus depravantur in parte, ita ut vix cibaria dentibus illidat. Quæ etiam humoribus plena reperies, & cum voluerit bibere, os usque ad nares demerget in aquam; quia infirma sunt labia, quibus haustus attrahitur. Aceto & sale lingua ejus & labia diutissime perfricantur, donec sanguis emanat. Tertia die causticum crudum in illa parte labii imponis, quæ sentit injuriam, cum cautela, ut prius aliges linguam, ne medicamenti violentia noceat. Cum medicamento labia perusta videris, aqua lavabis, deinde aceto & oleo sovebis, sicut alia vulnera, & hac ratione curabitur. Si vero maxillam sideratam habuerit & tortam, hæc est cura. De temporibus partis ipsius sanguinem detrahes, sumum bubulum acerrimo aceto permiscebis, & diutissime decoques, & parti temporum, ex qua sanguinem extraxeris, calidum induces saepius, ut exsiccatur & curet, hac usus potionē. Trixaginem, hyssopum silvaticum, origanum, serpillum, aristolochiam, mannam croci, pro æquis ponderibus contundito atque cibrato, ex quo pulvere plenum cochleare, cum aqua mulsa, oleo & vino per narem sinistram ad unam heminam quotidie oportet infundi.

XL. Convenit de cervicis curatione dicturo observationem indicare flebotomi: quia circa ea loca frequenter operatur. Detracturus sanguinem animal a cibo abstinebis & potu, æquali loco constitues. tunc locum supra cervicem aliud teneat, & adstringat ad normam, ut vena facilius appareat. Deinde supra laqueum, de sinistræ manus police venam

deprimas, ne ludat, tum sagitta tangas. Duæ autem venæ a capite summo descendunt, & convenientur se sub maxillis usque ad gulam, inde a geminis venis inferius quatuor digitis ferramentum deprimis, ne in gulam mittas, & bifurcum tangas, & jumentum occidas. Statim sagittam duobus digitis tenebis, nec plus ferri imprimas, quam extra digitos eminebat. Nihilominus etiam mediano digito manum tuam moderando suspende, ut sit levior, ne vehementius imprimas, quam oportet: quia non plus debet, quam mucro, descendere. Si parum apte profluat sanguis, jumento fœnum dabis, aut aliquid, quod manducet. Agitatione maxillarum plus sanguinis vena profluet.

XLI. Si jumentum cervicem ejecerit, aut laxaverit, aut certe vertibulas ejecerit, vel extorserit, hac ratione curabitur. Deponito jumentum atque constringito, & cervicem ejus extēndito supra fosfam, donec omnia vertibula laxentur. Post oleum, vetus & axungiam veterem tunsam colatamque permisce, & cum calefacto eodem unguento cervicem diligenter infundis, in locum reponis, & fasciam tenuem & amplam ex oleo tepido & vino madefactam alligabis ad corporis. Lanas quoque succidas ex oleo & vino infusas supra convertes, post regula soleaginii non minus quatuor digitis, ita ut tantum spatii sit inter regulas alligatas & connexas, & lino constringes. Et si æstas fuerit, quater in die suffundis; si hiems, bis. Cum modum fecerit, regulas solves. hoc die quinquagesimo & primo, post undionibus uteris, donec ad sanitatem perducas. Si

tardius confirmabit vires , regulatim & solemniter usta curabis:

XLII. Si jumento malandria de cervice auferre volueris , ita facies. Cudentia prius cauteria præparabis , deinde ferramento decarnabis sic , ne nervos tangas , & venulas quascunque videris emittere sanguinem , aduris , ut possit cruoris fluxus inhiberi. Cave autem , ne cauteris plus aduras , & indignatione nervorum periculum facias. Post axungia veteri cervicem perfricabis , & fascia munies. Sequenti quoque die cataplasma imponere incipies , ablataque ferunta lotio calido fovebis , deinde acetato & oleo dilues , & medicamentis aptis curabis. Si jam videris cicatricem pilos renovare , pulverem ex canino capite combusto , & adipem suillum recentem permisces , & inducis : ex quo medicamento & sanitas consequitur , & pilorum reddit ornatus.

XLIII. Si cervix destillationem patiatur , tumidior videbitur , quam oportet , foetorem habebit canceraticum cum humore nigro & liquido. Cujus foramina scrutaberis diligenter , ne ulterius inter nervos aut armorsimum destillationem fecerit. Quod si accidit , pauca hinc difficuler evadunt. nam his signis discrimen ostenditur : stridet de pectore , & per nares humorē liquidum projicit. hac ratione curabis. Foramina desuper marrubio & sale pariter contuso implebis , atque calcabis , subter autem cataplasmate apposito laxabis. Et si loci conditio patietur , diæresin dabis , ut foras per plagam humor emanet. Tertio quoque die calida urina lavabis , deinde traumatico & pannis lineis limpida & pu-

rata jam vulnera sanare incipies, cuius compositio talis est: Ervi pollinis sextarium, iris Illyricæ uncias 2, turis masculi uncias 2, niscebis & facies cephalicum medicamentum, quo uteris ad consumptionem medelæ.

XLIV. Quod si jumento scapulæ fuerint disolutæ, diligenter inspicias, ne quas inter nervos & commissuras pendigines faciat. quod si inveneris, quacunque parte plagas accipere poterit, cataplasmatisibus mollire, & scalpello vel cauterio aperire curabis, ut sanies illa atque collectio defluat. Foraminibus autem traumaticum & linteola sicca dabis. Si quod inter nervos foramen factum fuerit, cautissime curato, ne ulterius aut ferrum aut cauterium procedat, neque putorem neque putredinem lavis, sed magis siccis omnibus curare festina. nam omnis humor destillationi præstat augmentum. Cum incisa vel usta duxerint cicatricem, pro confirmatione in ultimo causticum imponitur.

XLV. Si armus læsus erit, in medio crure utræque solventur venæ, & pulvere turis cum eo, qui profluit, sanguine copiosissime immixto armi liniantur. Quod si plus profluat, quam necesse sit, stercus ipsius jumenti fluentibus imponitur venis, & fasciis alligatur. Postero quoque die quasi epaphæsis fit, & ex eisdem locis sanguis detrahitur, atque similis in omib[us] cura procedit. Ab horde abstinabitur, soeno sustentabitur exiguo per triduum. deinde porri tres cyathos, & olei hemisam miscebis, & per cornu faucibus infundes. Post sexum diem lente ingredi cogatur, &c, cum ambulare

rit, mittatur in piscinam vel flumen aut mare, uti nater, cum sparte & pannis vincto pede. postea firmoribus cibis ad saginam pristinam revocandus. Si leviter dolebit, vino & oleo tepefacto perfricitur in sole: si validius dolebit, ventum in armum mittito atque pertundito, a summa juba infra digitos octo, ne cartilaginem tangas. Et cum inflaveris, ferula vel virga molli armum cædito, sale & oleo perfricato, ipso die postero stracta uteris, cuius hæc erit compositio: Similæ sextarios duos, si defuerint, pollinis triticei sextarios duos, cum aceto acri & cum tribus ovis miscebis; sed ovorum solum album mittes: adjicies etiam pulveris turis unciam semis. quæ omnia manu subigis, & in armos inducis, & per dies multos armum aqua calida cum flore foeni fovebis diligenter, ut mollescat, strætam quotidie imponito, de vino puro armum lavato, additur unguentum: Baccas lauri selibram, olei sextarium, vini boni sextarium, nitri uncias 3. sed nitrum & baccas lauri in pulverem rediges, & cribrabis. Ex quo in sole, cum calida armus fomentatus fuerit, inungatur ex tepido, & diutissime confricitur. Post syncrisma ad curandos armos inducitur, & cum melius habuerit, natatum mittito. Quod si ejecerit juxta consuetudinem ad rotam armum, reponito, & supra scriptis medicamentis cuzzato. Si non senserit, ultimum est, ut uratur. Armis doloris hæc sunt signa: Pedem priorem tentum quasi rigidum aforis extrahit. sed convenit inspici diligenter, utrum ex percussura vel casu coeperit causa; & si ex ictu fuerit, prius locis suis repo-

nenda sunt membra, & sic reliqua facienda. Quod si ex humore vel sanguine armi gravabuntur, sanguinem emittis a pectore, vel unctionibus uteris.

XLVI. Genu vel basim si semoverit ad tormentum rotæ vel machinæ, locis suis ejecta restitues, lanam succidam ex oleo & aceto infusam imponis, & alligabis ex more, tertio die solves fomentabisque, post resinam induces & piculam, ad ultimum malagmate uteris aut caustico.

XLVII. Impulso axium vel rotarum in circo vel in aliis locis varietate casuum animalibus crura franguntur, aut coxæ vel articuli: in qua necessitate si extra cutem fractura ossis eruperit, hoc est, si exbercen fecerit, difficultem noveris & prope insanabilem curam. Similis desperatio est, si coxam fregerit, aut acroteria, aut supra gambam, insanabilis est casus, quia non recipit ligaturam. Si vero fractura sit sine vulnero in his locis, quæ constringi possunt, hac ratione curabis. Primo fracturam recompones, & fasciis mundis scissilibus infusis ex vino & oleo conligabis, insuper lanarum munimenta conjunges, & regulas circumduces, jumentum autem in cantero vel in scalis vel in suspenso loco, ne fractura flebiliter commet, cui quotidie mane & ad vesperam suffundes, tertio die solves, & expleta curatione ligabis. Quinto quoque, vii, aut ix die eadem facies, donec corpus inducat. Post hæc adjicies muscum de vitice, aut salicis radicem, & ova cruda quinque, verum non regulis, ut prius, sed circumductis serulis alligabis. die tertio solves & fomentabis, de resina & axungia

perunges : ubi cura profecerit, malagma vel causticum inducis , non ante tamen permittis stare jumentum , quam dies quadraginta prætereant. hoc autem tempus est , quo divulsa vel fracta solidantur.

**XLVIII.** Plerumque in genibus , vel articulis , aut phlegmon oritur , aut marmora , aut mallones. Quæ vitia ex malo humore generantur , & passionem cum deformitate tumoris ostendunt : sed ista distan-  
tia est , quod phlegmon tuber est molle , marmor duritiam ostendit ex nomine , mallo inflatus tuber est sine dolore. quibus recentibus potest facilius subveniri. Primo lanam succidam ex oleo & aceto induces , contra aquam frigidam & currentem ani-  
mal constituas. post sine ferro hac ratione curabis. Sinapis & salis Alexandrini scrup. 4 , aceti cyathos 2 , axungiæ veteris selibram , simul conteres & in-  
duces , post diem tertium solvis. Si aperturam fe-  
cerit , spongiam cum aceto & lasere imponis , vul-  
nera styptico curabis. Præterea locum , quem cu-  
rare volueris , inducto psilothro decalvas , radicem filicis , & ervum , & ficus aphros contundes in pila ,  
& induces in panno , per triduum ligatum patieris manere. Alii radicem filicis & ervum cum axun-  
gia veteri & aceto acerrimo putant oportere mi-  
sceri. Item cineris quoque de foco uncias 3 , calcis vivæ uncias 6 , vino subigit ad crassitudinem oxy-  
mellis , & , antequam obdurescant , tubercula obline. Quod si assidue in recenti feceris , passionis mole-  
stia siccabitur. si vetustiora sint , punctis subtiliter inurantur , ne vi & igne vitientur. Talis quoque

compositio spargere phlegmon afferitur. Rhododaphnes uncias 3, bituminis, nitri ana uncias 3, axungiæ veteris colatae uncias 3. Plerique dixerunt, cauterio cuprino candenti duobus punctis debere perrumpi, & phlegmon effundi, licinio quoque intorto cum axungia, & aceto, & oleo loca, de quibus muscus ejectus fuerit, satiare: per foramina etiam ustionis lemniscum trahi debere, ut, quidquid humoris est, egeratur. Post haec cataplasma & fœnugræco & vino confectum inducis, cum usta cediderint & tumor resederit, lemniscum eximis, traumatico curabis, ad ultimum causticum inducis. Alii sagitta pertuso corio phlegmon effundunt, & lanam madidam cum aceto & lasare plagis inserunt; sic spongiam cum pusca acri & lasare supra vulnus imponunt: tertia die solvunt, lanam eximunt, & tetrapharmaco curant quinque diebus vel septem. Si vero marmor habuerit, ex quo validius claudicit, & vix flestat articulos, inurendus est leviter. Cui post feruntam malagma, quæ cupressina appellatur, oportet imponi ex qua curatione sanitas redditur, & deformitas permanet. Si autem mallon in genibus vel articulis excreverit, continuo curam adhiberi oportet, ne, neglecta passione, deformitatem tumor augeat, vel obduracione diurna convertatur in marmor. Apries in pedibus sive genibus dextra ac sinistra vel ferro vel cauterio cuprino, sicut superius declaratum est. lemniscum trajicies cum aceto, & sale, & oleo, ut supra. cataplasma imponis, donec fervor definit & saniem faciat. Post, purgatis vitiis, lenaniscos eximis, & trauma-

ticum imponis, & ternis diebus interpositis solves, & medicamentum renovabis, donec sanetur.

**XLIX.** Si aquatilia in articulis vel in gambis fuerint frigido ferro omnino non sunt tangenda, ne abundantia humoris jumento discrimen importet. Sed utendum est scarificatione subtili, & detractione sanguinis: post quæ lavis validissimis, tam cum aceto, quam cum optimo sale tunso, & oleo, vel axungia, per dies quinque colliganda sunt loca. Si tardius hæc cura profecerit, utendum est ferventissimo caustico, ut faciat ustiones. Alia quoque ratione sanantur, si sletam, qua tristores utuntur, & salem pro dimidia parte commisceas, lanamque succidam ex aceto alliges, post diem tertium soluturus. Si aperturam fecerit, farinam hordeaceam ex melle coctam cum lini semine & fœnigræco inducis, ad ultimum malagma crudum impones. Præterea atramentum sutorium, gallulas minutas, & alumen æquis ponderibus funsum cum axungia miscebis, addito pulvere mali granati, nitro, & acetato: quæ in commune decocta, vitium, si adjungatur, emendat. Ficus sicca cum sinapi contusæ mixta aceto imponuntur. Post diem tertium soluto medicamento, si tardius profecerit, eadem cura renovatur. Cum melius habere cœperit, alliccem imponne articulis. Alii opoponaceum cum farina hordeacea coctum in modum cataplasmatis imponunt. Nonnulli fabam fractam in aqua decoquunt, & mixto melle deterunt, & in panno inducentes curant. Ad ultimum malagma cupressinum imponunt. Plures calcem vivam & cineres ex melle & vino com-

miscent, & ozænis frequenter imponunt. Ad ultimum caustico utuntur. Quæ genera curarum & posterioribus pedibus adhibenda veterum censet auctoritas. Usus invenit, addito sale & aceto ciliciis ozænas defricare, donec cruior aut tumor emanet. Quæ observatio etiamsi non perfanaverit, sequentes tamen adjuvat curas.

L. Interdum reumatici jumentorum, interdum ventosi sunt pedes : quæ vitia nunquam tangenda sunt ferro, sed exficcanda per malagmas vel causticum, & aliquando urenda leviter per venas, ut catheriis meatus, qui humorem suscipiunt, angustentur, & constringantur, ut pro tempore afferant medicinam : quia in totum, etiamsi intercisæ & adustæ sunt venæ, non poterit talis causa sanari.

LI. Impetigines quoque in articulis vel genibus inter nervos commissuralibus locis aliquando nascuntur, & sit vulnus simile rhagadio, & non facile sanatur, nisi stalticis vel stypticis rebus, non sine alligatura, vel interdum adustione, curetur. Malagmas quoque convenientes oportet imponi.

LII. Uligines etiam in pedibus, cruribus, unguibusque, vel sub armis aliquando generantur, quas quidam dulcedines vocant : habent similitudinem scabiei. Quæ cum se diffuderint, pedes exulcerant ad similitudinem lepræ, & , urgente prurigine, animalia sibi partes illas corrodunt, vel alternis pedibus confricando vulnerant. Quod vitium a crudo vel putrido humore consuevit generari, & idem curatur detractione sanguinis, unctionibus, & purgationibus ventris. si radix cucumeris silvatici cum

nitri pulvere misceatur infusa per fauces , humores  
peſſimos purgat.

LIII. Podagra vero nonnunquam ſolet occupare  
jumenta , cum hominum vitium transit in pecudes.  
cujus paſſionis hæc ſunt signa : Nec ſtare potefit , nec  
ambulare ; ſed , fi cogatur , claudicat , & ſæpe ſe  
projiciet , ſicut indigeta ex hordeo animalia fa-  
ciunt , quæ propter dolorem non coquunt cibum.  
& ideo fit horridum , & corpus ejus calebit , venæ  
etiam exſtabunt , natura ſubmissa erit , in pedibus  
ſtercus hærebit propter nimium eorum calorem ,  
ſicut ſubtritis ſolet evenire. Cui proderit , fi non  
ſinatur accumbere , ſed minutim deambulare & lo-  
co ſiccō , donec ſudet , multorum manibus conſri-  
çandum eft , ut vehementius ſudet. ſanguinem ei de-  
trahes a capite a ſuperioribus venis , ſed non mul-  
tum. ſequenti die de posterioribus locis detrahes  
ſupra talos. tertio de gambis , vel defub ipſis do-  
lorum locis. Memineris ſemper , parum oportere de-  
trahere. Aquam calidam dabis in potu , in qua ad-  
jicies pulverem nitri , & triticeam farinam , polli-  
nen quoque turis acetabulum plenum in vino ma-  
ceratum infundis , & triduo per nares ſingulas cotylas.  
betas etiam excoques , & aquam earum ad  
tres cyathos ſuffundes , & exercebis eum ſingulis  
diebus. ventrem quoque eidem expurgabis , ut aufe-  
ratur humor peſſimus , qui dēcendit in venas. Hoc  
genus purgationis adhibebis : Thymi acetabulum  
plenum in vino veteri dulci macerabis , & ſingulas cotylas per nares eidem infundis , foenum viride ap-  
ponis. quod fi defuerit , ſiccum nitro aspersum da-

bis. Si nihil profecerit, castretur, & vitio carebit. nam podagra raro vexat eunuchos.

LIV. Orthocola etiam jumenta vel stillosa dicuntur, quæ contractionem nervorum patiuntur in pedibus, & de capitibus ungularum calcant, & sunt rigidi articuli, plenas ungulas in terram ponere non possunt. Quod vitium nascitur ex enormitate onerum & labore confragosarum viarum. sed hac ratione curantur: sanguinem ei desub cirro vel de coronis detrahes, ungulas bene compones, pollinem ex hordeo & resina cum axungia decoques, & ter in die perunges. tepida quoque, in qua verbenae decocta fuerit, confovebis, & tota ejus crura acopo perfricabis. Post dies quinque cataplasmas eum ex polline hordei & lini semine & fœnigræco æquis partibus ex vino decoctis: cataplasma imponis in omnibus cruribus ante acopo perunctis ab articulis usque ad genua: quæ loca lanis succidis munies & fasciabis, & ter in die paulatim incedere facies. Si hoc non profecerit, malagmam hanc articulis ejus imponis: Armeniaci, galbani, opoponacis, medullæ cervinæ lib. 2, resinæ terbentinæ uncias 2, apochymatis libram, resinæ frixæ libram S. oleum vetus, quod sufficiat, lento igne decoques & colabis, impones in alutam per dies plurimos omnibus pedibus, donec fani sunt. Sed necessaria festinatio est, quia sic solent remanere, si tardius cura præstetur. Alii vero urendos censent paulatim in articulis, sed raro etiam prodest ista medicina.

LV. Animalium ungulæ asperitate ac longitudine

itinerum deteruntur, & impediunt incessum. Ex tortura quoque, si in aspero vel lapidoso itinere jumenta coguntur ad cursum, indignationes oriuntur. Postremo etiam, si nulla causa præcesserit, otiosa in stabulis ex collectione humorum incipiunt claudicare. Oportet autem solum ungulæ celeriter aperiri, ut per inferiores partes apostema digeratur, ne eruptionem super coronulas faciant, & difficile ac tardius cura procedat. Cujus hæc sunt signa: Pedem priorem planum ponet: quod si suspendere videris gressum, ut diligentius intelligas causam, ungulam subradis, & locum, quem videris nigrom, digito pulsabis: si cesserit in dolore, & maturum fuerit, aperies, & saniem emittis. pendiginem circumcidet ad vivum. ex oleo roseo, & acetato & sale cum stercore ipsius linteola imponis, animal calceabis, tertio die solvis. si caro excrescit, gramen decoques cum oleo, & impones. Si videris carnem ipsam nigrescere, inspicias, ne aliquam fraturam habeat, neque clavum aut lapidem acutum, aut spinam. propter quod fomentis & resina utaris, ut possit educi. Cum purum videris vulnus, traumaticum impone. Post quod adjicies fuliginem siccam. Cum autem compleveris curam, resinam remissam & sulphur imponito. Quod si adhuc in alto apostema fuerit, hordeum vel fabam in aqua decoques, & exinde fomentabis, ut exinde ad maturitatem possit adduci. Subtritos pedes fomentabis aqua calida, axungiaque veteri perunges. deinde testa candenti decoquis, oleo post & sulphure pariter contrito lamina candente leviter ures per triduum.

Si vero contuderit , sanguinem de corona emittes , & calida fomentabis , axungia veteri perunges , ovinum quoque sterlus cum aceto permiscebis , & imponis : quamvis alii caprinum efficacius credant.

LVI. Si jumentum ad aperturam pulmunculum fecerit , scias totum solum , hoc est assem , hac ratione tollendum : Ungulam subradis , deinde inter commissuram calcis & assis in circuitu incidis , sublevabis a parte priore , & solum calcis retroversus expelles , ubicunque pulmunculus fuerit , radis ad vivum , & adjicies lanamentum ex oleo , & aceto , & sale , & stercore ipsius [imponas] & calceas , tertia die solvis & tollis , post hoc fomentabis : farinam hordeaceam , resinam , & acetum decoques , per triduum impones ; hoc enim medicamento etiam fracturam curabis , si frequenter apponas . post etiam traumaticum cum liniamento impone , & , cum corpus fecerit , corium mali granati & bitumen Judaeicum ex aceto decoques & impones triduo , & , cum solveris , iterum impone , donec obdurescat in cornu .

LVII. Si exungulaverit jumentum , cura difficultis , sed profutura , si non egebit industria , papyrus candelarum purgatam , subtiliter carpis , intingis in ovi crudi albumento , circa nudatum pedem in circuitum pones , panno & fasciolo superligabis , post diem tertium solvis , fomentabis farina frumentacea , resina , aceto & melle pariter decoctis , interdum lomentum pro farina mittis . Si vulnus non erit purum , vino tepido lavabis , liniamenta cum melle imponere : cum purgaverit , traumatico uteris . Cum

autem duxerit cicatricem , corium fabæ cum pelle cervina combures , ex melle temperabis , addito pulvere bituminis Judaici & mali granati , cum acetato , alternis diebus medicamentum renovabis , donec cornu ungulam faciat. Ad ultimum sparteam veterem contundes , ex aceto in olla nova decoques , ex quo ungulam obdurescensem obvolves , & ad plenam revocas sanitatem. Si suffusiones pedes patiantur , fucus siccus cum sale pro æqua parte contunde , & unguis impone.

LVIII. Animalibus exiguæ unguæ crescunt , vel attritæ reparantur , si allii capita 7 , rutæ manipulos 3 , aluminis tunsi & cribriati uncias 7 , axungiae veteris pondera 2 , stercoris asinini plenam manum commisceas , ac decoques , & utaris. Prudentius consilium est , pedum tueri sanitatem , quam passionem curare. Corroborantur autem unguæ , si jumenta mundissime sine stercore vel humore stabulentur , & roboreis pontibus consternantur. Articuli quoque vel suffragines post iter calido foveantur vino. Naturaliter autem molles unguæ solidantur , si hederæ seminis duas partes & aluminis rotundi unam partem pariter contundas , & calceatis pedibus per multos dies inducas. Item subtritis pedibus prodest , picis liquidæ selibrām , aceti heminam , salis librām ; hederæ foliis , quantum sufficit , pariter contundis , & laboranti quotidie pedes perunges. Mollissimæ unguæ hoc uno medicamine , quo potentius nihil est , assolent indurari. lacertum vivum viridem in ollam novam mittis , adjicies olei veteris librām 1 , aluminis Judaici selibram , ceræ libram , absinthii

tunsi felibram, & decoques cum lacerto. Cum fuerit resolutum, calentia universa colabis, abjectisque ossibus & purgamentis, liquatum medicamen in ollam remittes, &, cum unguis indurare volueris, ungulam subradis, & factum unguentum in cannam viridem mittes, adhibitis carbonibus prope fervens, per cannam instillas unguis: provisurus, ne coronam tangas aut ranulas, si his exceptis, in solo & in circuitu solidaturus ungulam confricabis. Memineris autem, unguis ex crescendo renovari, & ideo interpositis diebus vel singulis mensibus talis cura non deerit, per quam naturae emendatur infirmitas.

LIX. Animalium dorsa ut laboris plurimum sentiunt, ita diligentius sunt curanda. Exceptis enim his, qui deputati sunt circo, reliquum mulorum, equorum, asinorumque genus sub sellis aut sagmis solo tergo præstat officium. Unde laudabilior industria est, quæ incolumitatem tuetur, quam quæ cupit læsa curari. nam diligentia defendit a vitiis, si centones vel saga primum sufficientia, deinde mollia imponantur, & lota, atque ad tempus diligenter excusia, ne aliquid sordidum aut asperitatis inhæreat, quod sub pondere inulceret pelle. tunc sagmarum vel sellarum mensura conveniens, & apta qualitas debet adhiberi. Si enim ista minora fuerint, vel majora, angustiora, vel ultra modum lata, vel quæ non congruunt, graviter nocent. Hinc enim collisiones, suppurationes, apostemata que nascuntur, cu[m] nimis locis inæqualibus premitur pondere, vel discentes fracturam mercurius aut

spina deteritur. Ipsorum quoque pondere , etiam si in stratis nulla sit culpa , enormitas nocet , & ideo temperanda est mensura , ne inferat vulnus.

LX. Quod si dorsum sedentis injuria tumere jam cœperit , in recenti statim mallonem ceparum , id est , calamos siccos , unde fasces dependent , in aquam ferventissimam mittis , & aliquamdiu mace- ratum , calidum super tumorem impones , fascia constringes , vel cordiscum superimpones , una quoque nocte manere patieris. absque suppuratione palpabitur tumor. Quod si clavum fecerit , farinam hordeaceam cum foliis caulium contundis pariter , & tepidam impones. Cinerem quoque cum oleo miscebis , & inducis , quamdiu clavus cadat : cum ceciderit , lipara utere cum minutissimis pannis , vel mel cum linteolis : cum ulcus purgaverit , Lycio percurabis.

LXI. Si pulmunculus natūs fuerit in dorso , difficile est , eum medicamentorum appositione siccarī : sed si parvulus fuerit , cautere , & præcipue cu- prino aperiendus est , ut sanies , quam collegerat , egeratur : tunc curandus est , sicut moris est usta curari. sed commodius est , pulmunculum decussatim ferro secare & eximere , ita ut pellem ad modum præcidas , ne , cum cicatricem duxerit , inveniatut epidermis : oleum , acetum , & salem continuo ad- dis in plagam , & , ne nimius sanguis erumpat , ster- cus ipsius vulneri superponis , & colligabis , die ter- tio folia caulium tunsa cum oleo & aceto im- punctionur per dies quinque. Cum jam ducere cicatri- eem cœperit , Lycio curabitur.

LXII. Si vero fecerit vulnus, indulgebis otium, ut diligentius curetur, & recepta sanitas confirmetur induciis, nec imponendus est labor, qui rescindat adhuc teneras cicatrices. Sanatur autem ulcus, si gallas Syriacas combustas cum melle superimponas. Pulveres quoque corticum pini & flos calcis vivæ æquo pondere miscebis, & vulneribus inspernas. Pilulas quoque cypressi tunfas & cibratas, & cornices quercus tritos & in pulverem redactos mitras. Crætereæ ossa sepiarum & testas etiam ostreorum in pulverem rediges, & ærei quoque vasis fuliginem pariter miscebis, quæ bene tunsa si frequenter asperseris, siccatum vulnus ducet celerius cicatricem.

LXIII. Quod si pili tardius crescunt, vivam testudinem supramenta combures, & cineres ejus in novum cacabu[m] mittes, addidis unciis 3 aluminiis crudi, medullæ cervinæ quod sufficit, & vino infuso decoques, ac diebus plurimis imponis. revocare pilos credur. Pulvis de fabis combustis vel de lupinis crassis, vel de foliis fici combustis, sevo commixtu superponitur assidue. Quod si nul[lo] præcedente causa decidunt pili, spicam nardi, & lichenas pariter tundes, & ex aceto decoques, calidumque medicamentum glabro corpori impones.

LXIV. Si album pilum nigrescere cupias, atramenti futoricii scrupulos 7, rhododaphnes succum

838 VEGETII LIB. II. ARTIS VETERIN.

scrupulos 4, sebi caprini quod sufficit, pariter tem-  
perabis & uteris.

LXV. Si e diverso albos pilos facere volueris,  
cucumeris silvestris radicum libram unam, nitri  
scrupulos 12, in pulveres cogis, heminam mellis  
edificies, quibus permixtis uteris.

---

VEGETII RENATI  
 ARTIS VETERINARIAE  
 SIVE  
 MULOMEDICINÆ  
 LIBER III.

---

PROLOGUS.

MULOMEDICINÆ me commentarios ordinante, civium atque amicorum frequens querela, accepti operis continuationem suspendit, deflentum ægritudines, mortesque clamosissimas boum, cum magnopere peterent publicandum, si quid pro salute tam commodorum animalium scriptum reperiretur in libris. Cedens itaque familiarium honestissimæ voluntati, ex diversis auctoribus enucleata collegi, pedestriique sermone in libellum contuli. Cuius erit præcipua felicitas, si eum nec scholasticus fastidiat, & bubulus intelligat. Maximo autem incitamento mihi fuit ipsorum boum utilitas & gratia, sine quibus nec terra excoli, nec humanum genus sustentari ulla tenus poterunt. Cuncta igitur legumina sive frumenta bobus merito aratriisque debentur: vinearum ipsarum usus periret, nisi eorum adminiculis

subvehendis carpenta sudarent. Quid de diversorum onerum comparatione referamus, dum inter mobilia & quidquid gravius est, absque vehiculis pñne reddatur immobile? Reliqua quoque animalia, ipsæque cohortales aves ex eorum capiunt labore substantiam. Unde enim equis hordeum, unde cibum canibus, unde porcis pabulum dominorum sollertia ministraret, ni pararentur boum labore frumenta? Et ne longum faciam, bobus debent alimenta, quidquid ali potest. Apud alios genus mulorum, apud alios camelorum, apud paucos elephantorū licet exiguis usus est: nulla potest natio esse sine bobus. Postremo ut ad providentissimorum virorum scripta redeamus, quorum firmatur auctoritas, Justitiam jumentorum cæde violenta derelictis terris ad siderum remeasse consortem. Quid potest laudabilius reperiri, quam ut nomen æquissimum, boum fugaretur interitu? quod, dum homicidia fierint, permanebat in terris. Duplicem igitur sollicitudinem oportet impendi, ut sanitas incorrupta maneat, & ægritudo, quæ ex casu, vel negligentia, sive labore contracta est, competentis medicinæ curretur ratione.

## C A P U T I.

**U**t longævi & sani sint boves, bubulcum convenit providere vel dominum, quatenus frigoribus calidissimo cubili muniantur, &, si fieri potest, semper foco vicini sint boves. Quodam enim beneficio naturali ejusmodi animalibus semper ignis commo-

dum est, sive quod inutilis & pestifer humor exudat, sive conceptum ex pastu vel opere frigus expellitur, sive in flamarum halitu interna curantur. Præsopium oportet exstructum esse diligenter, ne quid pabuli inter pedes animalium pereat. Bovile autem loco sicco statuendum est, assidueque mandandum est, ita quod quotidie pabulum ad edendum inutile substernatur, ut boves siccios & mollius cubent. Par quoque studium est, cum boves revocantur ex opere, ut colla eorum ex vino tepido perfundantur, & diutissime perfricentur. Cum vero de via vel pastu redeunt lutulenti, adhibita priusquam deducantur ad bovile, aqua diluendi pedes, ne inhærentes corpori sordes ulcera generent, vel unguias faciant moliores, vel certe molestiam manducantibus, vel inquietudinem afferant dormituri. Sed hieme omni sollertia frigus est prohibendum, velut æstivis mensibus pura aura quærenda. Per diem igitur sub umbra, per noctem sub divo boves stare convenit, non enim pauciores, si æstuaverint, quam si alferint, colligunt morbos. Præterea unum ovum crudum cum hemina salis, & sextarium vini per singula capita septimo diffundi percommodum est. Juvat etiam, si allium tunsum hircino misceas sevo, herbam quoque verbenam additam deteras, rutam herbam, etiam pollinem inungas, & cum vino per os digeras. Cavendum præcipue est, ne aut cursu nimio, aut longo itinere fatigentur, vel ullis gravioribus certe oneribus affligantur. nimiam enim lassitudinem sequitur ægritudo, & omne animal est debile, si rumpitur.

Aquam quidem istius generis animal non requirit nitidissimam, nec usque adeo laeserit, si sordidam biberit. Sed tamen bubulci diligentius est procurare, ut mundam semper & optimam bibant. Maxime autem studendum est, ut competentibus redundantibusque saturi semper habeantur & pingues. Omnis enim ægritudo exordium sumit ex macie. Exhaustum animal celerius labor frangit, æstus vexat, frigus penetrat. Non solum enim æstivis mensibus pascuum sufficit, ubi frondes diversi generis abundantur, & minuat varietas ipsa fastidium. Hieme non tantum paleis, sed foeno quoque & hordeo, & saepius ervo saginandi sunt boves. Nullus autem ubiores ciborum repudiabit expensas, qui considerare voluerit, botum per inopiam pereuntium quam cariora sunt pretia. Adversum boum morbos non minor adhibenda est diligentia, quam equorum.

II. Nam equinum genus morbus, qui appellatur malleus, diverso genere passionum emigrans per plures contagione consumit, boves quoque idem morbus interficit, sed a diversis diverso nomine vocatur, quem plerumque vulgus appellat. Hic morbus bovem si quando tentaverit, istis agnoscitur signis: erit pilo horridus, & tristis, stupentibus oculis, cervice dejecta, salivis assidue per os fluentibus, incessus pigrior, spina rigidior, fastidium maximum, pauca ruminatio. Cui si inter initia subvenire tentaveris, discrimen evadet: si per negligentiam adhibeatur tardior cura, vetustioris morbi non potest superari pernicies roborata.

Inter exordia igitur tædianti bovi aduersus omnes morbos potio ista succurrerit: Tres semis uncias squillæ minutatim concisas, præterea radices teneræ populi effossas & diligenter lotas contundes in pilâ, & tria ex iis pondera, addito sextario salis, in vini septem sextarios mittes, & per septem dies per os bobus singulos sextarios digeres. Quod si totò anno aduersus omnes ægritudines desperatas boves stagnare volueris, incipiente vere, id est, ab Idibus Februarii quindecim diebus continuis, hanc potionem dabis omnibus diebus, quæ usque adeo salutaris est, ut approbatum sit, integro anno boves sic curatos nullius morbi contagione tentari. Talis etiam compositio & morbis resistit, & vires animalium firmat: Folii caprinis, folii myrti silvestris, folii cypressi ana uncias tres diligentissime deters, infundes in congium aquæ, & una nocte sub divo manere patieris, & inde unoquoque bove tepefacto per triduum singulos sextarios dabis. quæ potio ad stagnanda animalia quater in anno facienda est ultimis temporibus veris, æstatis, autumni, & hiemis. Morbos ægritudinesque depellit. tres uncias baccarum lauri, gentianæ, aristolochiæ longæ, myrrhæ, betonicæ diligentissime detere, & misce cum mero, ex quo trinas heminas triduo jugiter jumentato per os dabis. Spicæ quoque allii tritæ, cum vino quoque per nares infusæ, purgant capita jumentorum. Ova cruda cum melle jumentorum faucibus inseruntur, atque ita fastidium ac nausea difficitur. Expedit tamen, salem pabulis misceri, marubium quoque tritum mane cum oleo vinoque dif-

fundere. Turis pulverem cum mero sive per na-  
res injeceris, sive per os dederis, prodest. Nec mi-  
nores medicinæ bobus horum copia subministran-  
tur. Nam porros, rutam, apium, & herbam fabi-  
næ si quis large deterat, & misceat vino, ternasque  
heminas præbeat ad potandum, ægrotantibus sub-  
venit. Plurimique caulem *vitis* albæ concisam at-  
que serpillum & squillæ partem in aqua macerant,  
ternasque heminas per triduum digerunt, quæ potio  
ventrem purgat, vires quoque confirmat. Ad in-  
terna autem curanda præcipue amurca creditur sa-  
lutaris, si tantundem aquæ misceas, & animal bi-  
bere consuescat. Sed quia, licet fitiat, potum fasti-  
diat ignotum, primo cibi asperguntur, deinde aqua  
exigua potio medicatur, ad ultimum pro mensura  
misctetur, & usque ad saturitatem fitientibus datur.  
Quocunque autem tempore, sed maxime æstate, si  
boves concidentur ad cursum, aut alvus eorum ad  
perniciem solvitur, aut febriculæ commoventur.  
Natura enim pigrum, & labori potius quam velo-  
citatí accommodum, vehementer læditur, si ad  
opus cogatur insuetum. Periculosum quoque est,  
si ad præsepio sues aut gallinæ pervenerint. Nam  
bos, cum gallinæ fīnum inter pabula sumserit, sta-  
tim nimio ventris dolore torquetur, inflatusque  
moritur. cui hac ratione succurri convenit: Apii  
seminis uncias 3, cimini sextarium semis, & duas  
lib. mellis commisces, & tepidum per os infundes,  
ac tam diu ambulare compellis, & confricas mani-  
bus plurimorum, donec ventrem potio moveat.  
Gisni quoque cum vino deterere, & per os dare

creditur salutare remedium. Lixivium quoque ex arbore ulmi , vel cuiuscunq; generis ligni cincrem , dummodo bene coctum , cum oleo miscebis , & liquidum ac tepidum diffundere per fauces , adversus sterlus plurimum prodest. Si autem porcnum sterlus bos devoraverit , statim pestilentiam contagionis solius mallei sustinet morbi. Qui cum semel in gregem vel armentorum vel domitorum incesserit jumentorum , statim omnia animalia , quæ levem suspicionem habuerunt , de possessione tollenda sunt , & distribuenda illis locis , ubi nullum pecus pascitur , ut nec sibi invicem , nec aliis nocent. nam pascendo herbas inficiunt , bibendo fontes , stabulo præsepio : & quamvis fani boves , odo re morbidorum afflante depereunt. Usque eo etiam mortua cadavera ultra fines villæ projicienda sunt , & altissime obruenda sunt sub terris , ne forte ipsorum corporum interna sanorum contingantur & pereant. Uno quidem vocabulo pestilentia appellatur ; sed habet plurimas species , quas enumerare non licet [ vel riget ] : facilius ipsa principia a diligentibus intelligi possint. Est itaque humidus [ humor ] , quoties per os & nares humor effluit bobus , & fastidium ægritudoque consequitur. Est siccus , quoties nullus humor appetit , sed animal quotidie macescit & fit deterius , nec iuxta consuetudinem appetit cibos. Est articularis , quoties interdum de prioribus , interdum de posterioribus pedibus claudicant boves , cum habeant unguis fanas. Est & subrenalis , quoties a posterioribus debilitas appareat , & quia lumbi dolere creduntur. Est farcinosus ,

quoties per totum corpus bōbus tubercula exeunt, aperiunt se, & quasi sanantur, & iterum in aliis locis exeunt. Est & subtercutaneus, quoties humor pessimus in diversis partibus corporis bobus erumpit & decurrit. Est elephantiosis, quoties velut scabies minutæ cicatrices exeunt extra corium, & ad similitudinem lenticulæ. Est mania, quæ refectis bobus eripit sensum, ut nec audiant more solito, nec videant: ex qua passione celerrime moriuntur, quamvis hilares pinguesque videantur. Hi omnes morbi contagione sunt pleni, & si unum animal apprehenderint, celeriter ad omnia transeunt, & sic interdum aut integris armentis, aut omnibus domitis afferunt interitus. Unde omni studio, quæ semel tentata fuerunt, segreganda sunt animalia, & ad ea loca mittenda, ubi nullum animal pascatur, ne contagione sua omnibus periculum generet, & negligentia domini (sicut solet a stultis) divinas imputetur offendæ. Evincendi tamen sunt, & exquisitis remediis expellendi quamvis acerbissimi morbi. Panacem supplassariis comparas. Eryngion autem herba dicitur, quæ in litore nascitur prope undam maris, florem habet quasi aureum vel galbineum, folia ejus sunt quasi folia cardui silvestris, inter arenas litorum largissime spargitur: has effodies, & in umbra siccatas servabis. adversus morbum tam equorum, quam boum, plurimum prosunt. Ex quibus potio componitur ista: Radicis panacis, itemque radicis herbæ eryngii ternas uncias, feminis quoque foeni uncias 3 pariter deteres diligenter, addisque farinæ triticeæ sextarium, ita ut prius

frumentum frangas & molas : quæ omnia de calida fervente conspergis , & cum melle vel sapo novenas offas singulis diebus digeres. Præterea sanguinem marinæ testudinis colliges , & cum vino per os dabis. quam quia invenire difficile est , vulgarium testudinum prodesse aestimant. quod utrum bene opinantur , usus viderit. nam auctores de terrestri testudine tractaverunt. Pulverem & cassiae fistulæ , nec non etiam turis pro æqua parte admisses , ex eo unam semis unciam cum sextario vini veteris in die per nares bovis infundis. Quod medicamentum per triduum facies. Morbi quoque , quos superius nominavimus , amari sunt , & non nisi amaris potionibus superantur. nam contraria contrariis potionibus curantur ratione medicinæ. Ideoque pulverem herbæ absinthii & crudorum lupinorum , herbæ quoque centaureæ vel peucedani æquis ponderibus diligenter misces & in sextario vini veteris trina cochlearia singulis diebus , additis unciis 3 olei , per os dabis. Præsens quoque remedium experimentaverunt : radiculam herbæ confiliginis ( quam alii pulmonariam vocant , alii tantudem radiculam ) sinistra manu ante ortum solis collige , ( quia sic majorem vim habere creditur , ) tunc ad acutum , vel acutum cuprinum pars auriculæ , quæ lata est , quasi in circulo signatur , adprematque , ut rupta cute leviter sanguis exeat. Quod cum ex utraque parte feceris , medium orbiculum pérforas ad acutum , & in eodem foramine inferes : quod ubi exierit , omnis pestilentiae virus per ipsum defluit vulnus , donec ille solus locus , qui designa-

tus est , putrefeat & decidat , atque ita animal libe-  
retur. Visci folia cum vino trita defunduntur in  
nare s , atque ita singulis bobus , five universis gre-  
gibus , cum morbum incurrerint , subvenitur. Suf-  
fimenta quoque plurimum juvant , sulphur , bitu-  
men , allium , origanum , semen coriandri , carbo-  
nibus insperge , & cooperta boum supra vas , in  
quo suffimenta incenderis , diutissime continebis ,  
ut fumus os eorum capiat , ac nares impletat , atque  
ita ad cerebrum & interna salutari remedio pene-  
tret. Sed & totum suffimentare percommode est ,  
ut ab eodem morbi pernicies expellatur , & cetera  
pestilentiae contagio non coinquinet. Generalia igi-  
tur remedia adversus morbos generales contagio-  
fosque retulimus : nunc adversus valetudines , quæ  
singulis animalibus accidunt , nec in alia transeunt ,  
remedia subjungemus.

III. Cruditatis plurimum nocet , cuius hæc sunt  
signa : crebri ruetus , cibi fastidium , sonitus ventris ,  
intensiones nervorum , oculi hebetes : propter quæ  
nec bos ruminat , neque linguam detergit , ut solet.  
Prodest itaque , ut duos congios , ubi bibi possit ,  
digerere per fauces . post quos statim brassicæ triginta  
caules modicas decoques , & ex aceto dabis , suspen-  
sumque animal ab alio cibo penitus abstinebis. Alii  
cruditate laborantes , clausos in bovili detinent , nec  
cibos præhent. præterea lentisci & oleastri cacu-  
minum pondera 4 deterunt , & cum lib. mellis atque  
aquæ congio miscent , quæ una nocte sub divo mit-  
tunt , atque ita faucibus digerunt. Deinde interpo-  
sa hora , macerata , infusaque ervi 4 lib. objiciunt ,

ab alio quoque cibo vel potionē prohibentur. nam si neglecta fuerit cruditas, ventris inflatio intestinorumque subsequitur, exprimit gemitus, cibosque capere non finit, nec in loco consistere, decumbere & volūtare cogit, caudamque frequenter commovet. De experimento medicina est, caudam juxta clunes resticula vel lino vehementer adstringi, viniq[ue] sextarium cum hemina olei tepidum dare per fauces, atque ita per mille quingentos passus bovem currentem trahere: si dolor permanferit, unguis ejus secare, & uncā manu per anum fīnum extrahere, & rursus agere currentem. Si tardius proficit, tres partes lauri diu conteruntur, & cum duplice aquæ calidæ dantur. Si ista non valent, myrtæ silvestris foliorum duæ lib. tunduntur in pilâ, & duæ ex calida aqua miscentur, ac per vas ligneum faucibus infunduntur. atque ita sub cauda quatuor digitis ab ano percussa vena sanguinis emitatur. Qui cum satis effluxerit, papyro ligata cauda restringitur. post concitatus bos agitur, usque dum anhelet. Ante detractionem tamen sanguinis adhibentur ista remedia: Tribus heminis vini, quatuor unciae contriti allii permiscentur, postque potionem cogetur currere: duæ quoque unciae salis cum decem uncisi ceparum atteruntur: mel quoque decoctum admiscetur, ex quo facta collyria longiora non parum valida immittunt in anum, ut ventrem resolvant: atque ita bos currere cogitur. Ventris quoque & intestinorum dolor sedatur, si anseres natantes, & maxime anates, animal aspexerit. nam anas mulos, etiam equinum genus conspectu sui ce-

leriter sanat. Sed interdum nulla medicina conuenit, sequiturque terminum vitium, quorum signum est, si cruentum mucosumque ventrem ediderit. Singulare remedium est cupressinæ quindecim, verbenæ quindecim, gallæ diligentissime tritæ, quantum utræque ponderantur, tanti ponderis vetustissimus caseus, quibus pariter detritis admiscentur vini austri sextarii 4, & in potu dantur, ita ut lentisco mixtaque oleastri cacumina præbeantur. Si venter coepit fluere, & videris egere corpus, & vires capito plerumque inutilem reddit, quia ex cibariis ad medelam bovis nil pervenit, [quod sic videris, per ventrem projicit, quam quod manducaverit.] Quæ cum acciderint, prima die a cibo & potu abstinendum est, ita quod nec secunda die bibere permittatur, cacumina tamen oleastri & canneæ silvestris, itemque baccæ lentisci & myrti dandæ sunt, nec post triduum etiam potestas bibendi, nisi perparum, concedenda est. Sunt, qui ex foliis lauri teneris libram 1, abrotanum hortense pari portione, deterunt cum aquæ calidæ 2 sextariis, atque ita fauicibus infundunt, pabulaque superiorius præbent. Aliqui vero 2 lib. ex vinaceis ad focum torrent & conterunt, & cum sextario vini austri ad bibendum dant, & commemorata sèpius cacumina objiciunt. Quod si neque proluvies ventris erit, neque intestinorum dolor, recusat tamen cibos, & prægravato capite erit. lacrimæ quoque oculis & pituita naribus currit, usque ad ossa frons media uratur, auresque ferro discindantur, sed usturæ igne factæ ut sanescant, veteri urina bovis ipsius

conficandæ sunt. aures vero scissæ picula oleoque curantur. Periculosum fastidium bobus ranulæ faciunt, quæ aperiendæ sunt, & allio cum sale pariter trito ipsa vulnera conficanda, ut omnis humor exeat provocatus. Melius creditur, si ad acutam cannam exfices ranulam. post vino os lavatur. Interposito unius horæ spatio virides herbæ vel frondes dantur. Tam diu autem sustentantur molibus cibis, donec facta vulnera cicatrices ducant. Si neque ranula fuerit, & non appetent cibum, allium tritum cum oleo naribus infundes.

IV. Bos si febrire coepерit (quod ex venarum inquietudine, & calore totius corporis vel oris intelliges) una die a cibo est penitus abstinentus, ita ut postero jejuno eidem sub cauda exiguum sanguinem detrahas, atque interposita hora triginta parvos aculeos decoques, & ex oleo ac liquamine per os digeres, eamque escam per dies quinque jejuno dabis. Præterea cacumina lentisci, vel olivarum, vel tènerrimum quemque frondem, ac pampinos, si eodem tempore sunt, præbebis in cibo. Labra quoque ejus deterges ad spongiam, & aquam frigidam ter in die offeres ad bibendum, ita ut infra testum bos febriens teneatur, nec, antequam sanatus est, dimittatur in pastum. Febrentis autem ista sunt signa: lacrimæ profluunt, gravatur caput, oculi semiclausi sunt, labra salivis madida, longior & cum quodam impedimento tractus spiritus, frequenter & gemitus. Tussis boum non minus diligenter sananda est, quam equorum: si recens fuerit, sextarius farinæ hordeaceæ cum uno

ovo crudo & hemina passi per os datur jejuno : gramen quoque concisum tunsumque admixta farina fabæ frixa & pollinis lenti, sextario aquæ calidæ miscetur, agitataque diligenter per os diffunditur. Veterem tussim sanant duæ libræ hyssopi maceratae ex aquæ sextariis tribus, quod infusum teritur, & cum duabus partibus farinæ miscetur, & per os datur, super quod aqua hyssopi, in qua [ decoctum ] infusum decoctumque etiam propinatur ad cornu. Porri etiam succus expressus cum oleo & ipsi febri cum hordeacea farina remedium præstant. Radices quoque ejus diligenter lotæ, & cum farre triticeo contusæ, jejunoque datæ, discutiunt vetustissimam tussim. Idem præstat ervum, si in pabulis cum ptisana hordei molitum, & cum aqua tepida vel mulsa in fauces salivanti ore dimissum. Suppuratio, quam apostema dicunt, melius ferro aperitur, post, cum expressum pus aut sianies fuerit, sinus ipse, qui eam continebat, urina bubulina calida lavatur, ac linamentis ac stupris five linteolis pice liquida & oleo infusis curatur. Quod si colligari ea pars, ubi est ulcus, non potest, lamina candente sepum caprinum aut bubulinum stillatur. Ali quanti, cum vitiosam partem inunxerint, tunc urina veteri humana lavant, atque ita æquis ponderibus pice liquida cum veteri axungia incoquunt & liniunt. Sanguis cum ex aliqua necessitate ad pedes venerit boum, claudicationem affert. Quod cum accidit, inspicio ungulam, invenies eam ultra solitum calere, & vitiatam partem premi vehe menter bos non patitur. Sed si sanguis adhuc super

ungulas in cruribus est, ad triduum triti salis perfricatione discutitur. Quod si tantum in unguis descendenter, cultello leniter inter duas unguies aperties, & mundabis deintus, & postea stupram sale atque aceto infusam applicabis ad solum, sparta opere calceatur, maxime quæ datur operantibus, & in aquam non mittat pedem, sed, ubi ficcum est, ambulet. Qui sanguis nisi emissus fuerit, sanie creabit. Quo suppuratione etiam curabitur. Nam primo ferro circumcisus expurgatur ad vivum. Deinde pannis aceto & oleo & sale madefactis impletur, mox axungia veteri & sepo hircino pari pondere ferro candenti stillantibus curatur, & perducitur ad sanitatem. Si sanguis in interiori parte ungulae est, nec aperturam facit, & tantum claudicat animal, extrema ipsius ungulae ad vivum refecuntur, & ita remittitur, ac stupra vel linteolis cum sale & oleo aceto infusis pes involutus spartea munitur. Medium vero ungulam ab inferiori parte non expedit aperiri, nisi eo loco, in quo suppuratione facta est. Si claudicat ex dolore nervorum, oleo & sale genua poplitesque & crura confricanda sunt calido aceto, & lini semen aut milium detritum infusumque aqua mulsa imponendum est, & spongia quoque ferventi aqua infusa & expressa, conspersaque postmodum melle, genibus circumdatur ac fasciis alligatur. Quod si humor est cum tumore, fermentum vel farina hordeacea ex passo aut aqua mulsa incocta imponitur, & cum maturaverit suppuratione, scinditur ferro, emissaque sanie (ut supra docuimus) percuratur. Potest etiam radix lilii vel

squilla cum sale , vel herba fanguinalis (quam polygonon Græci appellant) vel marrubium , ferro aperta sanare. Omnis autem corporis dolor , si sine vulnero est , recens fomentis mellinis discutitur : vetus autem uritur , & supra vulnus vel butyrum , vel caprina instillatur axungia. Scavies sanatur trito allio defricata : eodemque remedio rabiosi canis sanatur morsus , vel lupini vulnus illatum. Vetus quoque falsamentum utramque perhibetur plagam curare. Ad scabiem quoque præsentior medicina ista est : si cunila bubula sulphurque conteritur , admixtaque myrrha cum oleo atque acero decoquitur , & cum tepecere cooperit , alumen scissum tritum inspergitur : quod medicamentum candente sole illinitum prodest. Ulceribus gallarum tritarum pulvis inspergitur. Succus quoque marrubii impositus cum fuligine sanat. Infesta pestis est bubulino pecori (quam coriaginem rustici vocant) cum pellis ita dorso hæret , ut apprehensa manibus deduci non possit a costis : quæ res non aliter accidit , quam si bos ex languore aliquo ad maciem deductus est , aut sudans in opere faciendo refriguit , aut si lapsus sub onere vehementer est infusus in pluvia. quæ quandoque pernicioса sunt , custodire debemus , ut , cum ab opere redierint boves adhuc æstuantes anhelantesque , vino aspergantur , & offula panis viño infusa faucibus eorum inferatur. Quod si prædictum vitium inhæserit , expedit decoquere laurum , & cum calida & oleo & vino spinam dorsumque animalis confricare contra pilum , ac per omnes partes apprehendere pellem , & velut a co-

stis separare. Quod aut in loco calidissimo faciendum est, aut sub divo sole fervente. Aliquanti fæces vini & axungiae commiscent, eoque medicamento tepido post fomentum prædictum utuntur. Est etiam gravis pernicies, ut cum pulmones exulcerantur, unde tussis & macies, ad ultimum vero phthisis invadit, quæ mortem afferant. Radix consiliginis, succus porri, omnium hemina per mensuram olei miscetur, & bibendi sunt cum vini sextario per dies plurimos. Nonnunquam & tumor palati ciborum fastidium facit, crebrumque suspirium. Prodest palatum ferro aperire, ut profluat sanguis, cui ervum sine corio maceratum ad manducandum dabis, viridemque frondem, vel quodlibet aliud molle pabulum, dum sanetur. Si in operibus contuderit collum, præstantissimum remedium est, sanguis ab aure emissus. At si id totum in tempore, quæ vocatur amati amaticum sale tantum & impasto. Si cervix mota & dejecta est, considerabimus, in quam declinet, & ex diversa parte sanguinem detrahimus, ex ea vena, quæ in aure videtur amplissima, quæ faremento prius verberanda est, & cum intumuerit, ferro aperiatur, effusoque sanguine postero die ex eo loco emititur crux, & biduo vacatio operis datur. Tertio vero die levis injungitur labor, & paulatim ad operis consuetudinem revocatur. Quod si cervix in neutram partem dejecta est, mediaque intumuit, ex utraque auricula sanguis emititur. Qui si inter triduum, quod bos vitium coepit, emissus non est, intumescit collum, nervique tenduntur, & ita nata durities ju-

gum non patitur. Tali vitio comperimus aptum esse medicamentum, ex pice liquida & bubula medulla, hircino sepo, & axungia veteri, oleo quoque veteri æquis ponderibus impositum concoquitur, quo utendum est, cum bos ab opere disjungitur. & in piscina in quolibet tumore cervix lavatur, confricaturque diligenter prædicto medicamento, detersaque diluitur. Si ex toto propter tumorem cervicalis jugum recusat, paucis diebus requies ab opere danda est, & cervix cum aqua frigida lavanda, & spuma argenti linienda est. Celsus quidem tumenti cervice herbam, quæ vocatur avia, ut supra dixi, contundi & imponi jubet. Quæ cervicem infestant, minor est cura. nam facile sanantur per ardentem lucernam oleo instillato. Melius tamen est custodire, ne nascantur venæ. Etiam colla calvenscunt, quæ non aliter glabra fiunt, nisi cum sudore aut pluvia cervix madefacta est in opere. Quod si acciderit, pulvere lateritio trito, priusquam dejungatur, bovis colla conspergi oportet: & cum exsiccati fuerint, exinde oleo iterum infundi. Si talum, vel ungulam vomer læserit, picem duram & axungiam cum sulphure & lana succida involvito, & candente ferro supra vulnus imponito & ungi: quod remedium optimum facit, si clavum calcaverit, aut acuta testa vel lapide ungula pertunditur: quæ tamen, si altius vulnerata est, latius ferro circumciditur, ita inuritur, ut supra præcepi. Deinde spartea calcea per triduum aceto suffuso curatur. Quod si vomer intraverit, lactuca marina, quam Græci cyniolam vocant, admixto sale impo-

nitur. Subtriti etiam pedes eluuntur calefacta bubulina urina. Deinde favillam fermentorum ferventem calcare compellitur, & pice liquida cum oleo vel axungia cornua ejus unguntur. Minus tamen claudicant, si ab opere disjunctis frigida pedes lauentur, & suffragines coronæque ac scissura ipsius ungulearum, veteri axungia defricentur. Frequenter etiam vel ab asperitate itineris, vel in proscindendo duritiam soli, aut obviis radicibus obvolutatus convellit armos. quod cum acciderit, ex prioribus cruribus sanguis emititur, si dextram ex sinistro. Et si vehementius utramque vitiaverit, etiam in anterioribus cruribus venæ solvuntur. Perfractis vero cornibus, linteola, sale, atque aceto & oleo imbuta ponuntur, superligatisque per triduum eadē infunduntur. Quarta die tantum axungia cum pice arida & cortice pini pari pondere imponitur, & ad ultimum, cum jam cicatricem producunt, subito infricatur. Solent autem neglecta ulcera vermes creare: quæ, si mane ex aqua frigida perfundantur, rigore ejus contracti, decidunt; vel si hæc ratio nihil profecerit, marrubium aut porrum conteritur, admixto sale imponitur, vel calcis vivæ pulvis inspergitur, aut cucurbitæ viridis succus cum aceto mittitur. Ideoque universis ulceribus picem liquidam, oleum vetus & axungiam oportet adhiberi, & extra vulnera etiam eodem medicamento circumliniri, ne infestentur a muscis, vel vermes creent, cum vulneribus inciderint. Serpentis quoque iæctus mortiferus est bohus, sed & minorum animalium noxiū virus. nam vipera & Cæcilia, cum in pa-

scuis bos improvide supercubit, stimulo morsus imprimunt. Araneus quoque, quem Græci Mygalen appellant, parvi quidem corporis, non parvam sollet inferre perniciem. Verum viperæ venenum depellit, supra tumorem, qui inflatur ex ictu, scarificatio ferro facta, ita ut herba, quam personatam vocant, imponatur trita cum sale. Creditur, radix si contusa ponatur, vel filer montanum reperiatur, & trifolium Symonianum, quod fragosis locis efficacissimum nascitur, odoris gravis, bitumini similis, propter quod a Græcis asphaltion appellatur, nostri autem propter figuram acutum trifolium vocant. nam longis & hirsutis foliis viret, caulemque robustiorem facit, quam pratense. Hujus herbæ succus cum vino faucibus infundatur, atque ipsa folia cum sale trita imponantur in plагam. Quod si viridem minime reperiunt, semina ejus collecta & trita dantur ad potandum cum viно. Radices quoque ejus cum succo caulis tritæ, addita hordeacea farina & sale, cum aqua mulsa scarificationi superponuntur. Est etiam præsens remedium, si fraxini cacumina tenera conteras cum sextariis vini quatuor vel olei, expressumque succum faucibus infundas. Itemque cacumina ejusdem arboris cum sale trita lœfis naribus superponas. Cæciliæ enim morsus tumorem, suppuratumque generat. idemque facit muris aranei. Sed Cæciliæ morsus natura, si acu ærea locum lœfum compungas, & creta Cimolia ex acetō oblinis: muris vero pernicias, si animal ipsum oleo mersum neces, & plagam dentium ex eodem confrices. quod si non fuerit,

contritum cimimum cum picula & axungia , ut similitudinem malagmæ habeat , impositum plague , perniciem submovet . Quod si , antequam tumor discussiatur , suppuratio fuerit generata , optimum est ignea lamina vel cauterio collectionem aperire , quidquid vitiosum est inurere , atque ita cum liquida pice & oleo illinere . Quidam vivum murem araneum creta figurari circumdant , & collo boum suspendunt , morsusque ipsius bestiæ submovent . Oculorum vitia plurima in illis sanantur . nam five intumuerunt , aqua mulsa tritacea farina conspergitur & imponitur : five album in oculo est , salis fossilis Hispani vel Armeniaci , vel cum melle permixti vitium extenuant . Idem præstat trita sepiæ testa , & per fistulam oculo ter in die insufflata . Prodest etiam radix , quam Græci silphion vocant , nostri autem laferpitium , hujusmodi quantum volueris ponderis cum decima parte salis Armeniaci & cum fistula oculo insufflas . quæ radix tunsa , & cum oleo lentisci mixta , vitium expurgat . Si genæ humorem profundunt , lacrimisque visus confunditur ( quam epiphoram vocant ) potenta ex hordeo mulsa aquæ conspersa super genas superciliaque imposta reprimit humorem . Pastinaca quoque agrestis , quam armoneaceam vocant , cum melle trita oculorum sedat dolorem . Memineris vero , quoties mel aliosve succos remedio adhibes , ut prius pice liquida cum oleo circumlinias oculos , ne a muscis apibusve vel vespis infestentur , quas dulcedo mellis invitat . Plurimumque hirudo , id est , sanguisuga , cum foris juxta fauces hæret , sanguinem trahit , eam a jumen-

to digitis oportet auferri: sed si interius sit, ut manu detrahi non possit, cannam vel fistulam perforatam inserito faucibus, ac per eam calidum oleum infundes. nam eo contactu bestiolæ importunitas recedit. Odor quoque cimini, super carbones impo-siti, ubi sanguisugam afflaverit, evellet a vulnera. Quod si stomachum vel intestinum tenuerit, calido aceto per cornu infuso necatur. Machina quoque describenda est fabrica, qua conclusa cujusvis generis jumenta bovesque curantur, ut ei tutus ad pecudem medendum accessus sit, nec luctando quadrupes aut membra conuxet, ac sic remedia despueat. Roboreas assestris constringis, solium, quod in longitudine novem pedes debet habere, in altitudinem pars posterior duos, semipedem: pars vero, quæ ad priora animalium pertinet, quatuor pedes: texuntur ita, ut velum in caudam ductum non possit exire. Sed a parte posteriori paululum latiore, a priore strictiore machinam compingi oportet. Cui transversum tigillum ad modum jugi confirmandum est, ad quod equorum capita, vel boum cornua religantur. nam reliquum corpus ad temones socios, vel funibus alligetur, ut juvamentum præstetur ad medentis arbitrium. Quæ machina ad omnium majorum animalium medelam solet esse communis.

II<sup>b</sup>. Si vulnus in dorso, aut quacunque parte corporis coepit habere vermes, & timetur, ne putredo vulneris transeat in cancrum, nepitam & cedrinam sive cyminum vel cicutam conteres ex aceto & impones. Calcem quoque vivam ex aceto acerrimo temperatam, necare vermes experimenta

docuerunt. Si vermiculus dorso putredinem fecerit, utilissimum est, cauterizare subtiliter, postea viscum cum melle & vino conterere & imponere. Pannos quoque minutos cum oleo & aceto vulnera purgare manifestum est. Quo facto, si necessitas fuerit, ustio rursus adhibetur. Ad ultimum cornu caprinum combustum & contritum valet, ulceribus superinspergitur, ut recuperetur, & sanitas ei detur.

III<sup>b</sup>. Lumborum quoque cura vicina est. nam animalia, aut cum nimio pondere, aut cum transcedere fossam conantur, si posteriores refederint pedes, aut nimio frigore dolorem renum contrahunt. Ideoque aqua calida cum flore sceni diutissime confovendi sunt lumbi. Inunctionibus etiam calidissimis perfricandi, & ad ultimum afronitri diluti inducto caustico corroborandi. Quod si dolor vehementior fuerit; de inguibus solvendae sunt venæ, & oleum cum axungia, sanguini, qui profluit, immixta renibus illinuntur. Et si necessitas fuerit, cataplasmis utendum est. Potio quoque renibus subvenit, si pilulas cypressi incidis duodecim supra carbones, nitri quoque uncias tres assis, & utraque in pulverem redigas, cum unciis tribus mellis, & vini veteris sextariis tribus, & olei boni tribus unciiis, quod per quatriduum æqua parte fagiibus digeras. Vitio lumborum medetur hemina seminis brassicæ, cum sextario polentæ attusa ex aqua frigida subacta atque imposita dolentibus locis. Sisymbrium quoque cum polentæ sextario, & aqua subactum medetur. Efficacius tamen est, si cypressi folia ad modum heminæ diligentissime contundas, &

polentæ sextarium admisceas , acrique aceto sub-  
actum dolenti imponas. Præterea resinæ duræ un-  
cias sex decoquas , ut liquefacat : cui ferventi super-  
aspergis hordeaceam farinam , quamdiu inspissetur  
ad similitudinem pulmenti , & diu subactum , & ca-  
lidum ita , ut manus pati possit , superillinis reni-  
bus. Quod si frequenter renovaveris , & dolori sub-  
venit & tumori. Si vero tanta indignatio fuerit , ut  
eiusmodi non sentiat curas , aut cauterio cuprino ,  
locis opportunis urendo deprimes puncta , ne de-  
formetur animal , aut si vilius est , & necessitatibus  
aptius , quam decori , craticulatum , sicut moris est ,  
ures.

IV b. Renum autem dolor his agnoscitur signis :  
Posteriores ungulas trahit , lumbi vacillabunt , cau-  
da dejecta erit , fæculentum minget , ilia dura atque  
contracta. Interdum tales sunt renes , ut sanguinem  
mingant , & si nimium effuderit , incurabilis est pas-  
sio. Si parum cruris abundaverit , scito posse cura-  
ri. Cui post detractum sanguinem vel de matrice ,  
vel de femoribus , hanc potionem dabis , videlicet ,  
porri sectivi succum ex aqua.

V. Sæpe musculi , qui in renibus sunt , vexantur  
ex casu , & exteriores facilius curantur , si justæ  
medelæ afferunt tarditatem. Optimum est , quoties  
cederit jumentum , loco non moveri , & aqua fri-  
gida perfundi , & postmodum unguentis uti. Quæ  
passio ista consuevit ferre indicia : Renes obdure-  
scunt , contrahuntur testes , coxamque trahit , &  
colligere se non poterit. Quæ valetudo nascitur ex  
itinoris longi fatigatione , aut ab infractu clivosa-

rum viarum. Incitatio quoque cursus , & saltus extensio , hanc afferunt causam. Sanguinem igitur ex visceribus oportet emitti , prout qualitas corporis patietur. Utendum est potionibus etiam ad valetudinem necessariis , molli dormitione animal collaudandum.

VI. Ex perfrictione nonnunquam animalibus foras exit extalis. qui hac ratione curatur. Scalpello scarificabis , præcipue loca , quæ videntur eminentiora , similiaque vesiculis , scarificatio digitis exprimitur , & decarnatur , pulvere salis perfricatur , donec cum sanguine actus humor exsiccatur. Post calida & sale fovebis , & deprimendo intus remittis , & continuo revertetur ad locum , unde exierat. Altera intus digitis missis illita lipara , vel meliloto , donec sanetur. Quod vitium si ferro tangere dubitas , hoc medicamento curabis quotidie : Castorei uncias tres , salis triti pondera duo , salis Ammoniaci lib. unam , sinopidis Pônticæ fuscunciam. hæc omnia tunsa & cribrata pariter decoques , impones extali , & alligabis , quotidie autem lixivio calido fovebis , & medela continua , usque ad sanitatem. Potionibus autem thermanticis calefiet ægrotum. Alii in hac passione , cum axungia ad manum extale fulciri & reponi oportere , dixerunt , postea spongiam apponi caudam supra alligando. Si tamen diebus aliquot fuerit cura neglecta , prius soveri ad sex ex lixivio , vel sale , & urina calenti , & sic reliqua curationibus impleri.

VII. Dolor renum animalibus sæpe contingit. his proditur signis : Nec incedere poterit , nec cu-

bare , ilia ejus inflantur & obdurescunt. quorum ista curatio est. Sanguis de utrisque femoribus emit-  
titur , postea lotium vetus & putridum in vase sup-  
ponitur , & lapides molares ferventes mittuntur ,  
animal sagis diligentissime , usque ad unguis ope-  
riatur , ut vapore lotii venæ testium sudent , post  
aqua calida confoventur , nitrum & alumen scis-  
sum pariter conteres diligenter , & admixto oleo  
testes perunges fricando. Si molares [ lapides defue-  
runt , qualescunque calefacies , & mittes in lotium.  
Alia quoque ] hujus rei proditur medicina. Lentis  
heminam unam decoquis , admixto vino mortario  
teres , cypressi folia scrup. 4 mollissime pariter trita  
commisces , tantundem etiam suillæ adipis adjun-  
ges , vinumque verus desuper sparges , panno illi-  
nitum testibus. apponas , donec sanitas procuretur.  
Si tardius dabitur sanitas , testes subter stillatis cau-  
teriis urito , vel leviter scarificato.

VIII. [ Quod si testes tumebunt , ] hordeum com-  
burito , pulveresque ex eo trito , suillæ adipi mi-  
sceto , ex quo medicamento mane & vespere testes  
illinito. Physicum autem creditur , testes animalium  
ablutos canino felle sanari. Alii auctores aqua ca-  
lida testes , cum dolent , fovendos esse duxerunt ,  
suffumigandos etiam viridibus foliis cypressi , quæ  
arbor specialiter mederi testibus creditur. Sed si de-  
fuerit , testas ardentes nihilominus in aqua calida  
mitti , & inde suffumigari , post cretas Cimolias  
cum stercore bubulino ex aceto acerrimo calentes  
induci , & quotidie revocari , quousque sanitas sub-  
sequatur.

IX. Si natura jumento excedit, & revocari non possit, in aqua frigidissima constituendum est, & ibi foveandum, & sublitam manum in anum ejus injicies, & contra vesicam fricabis, post diligenter cooperies, ne perfrigescat. Potiones dabis, stercus suillum quotidie ex vino, aut in aqua dulci, donec liberetur.

X. Si jumentum sanguinem minxerit, vel adsellatum fuerit, hac ratione curabitur. De superiore vena sanguis auferatur, asphodeli quoque herbæ radix teritur, & cum vini albi dulcis duabus cotylis per os infunditur, quæ glutinosa videatur. Prodest etiam farinam triticeam cum adipe suilla & pulvere corticis mali granati decoquere, & non crassas potionem, sed liquidas per os fundere. & non solum a cursibus, sed etiam ab ambulatione abstinentum est, ut glutinetur vena, quæ interrupta est. Contingit enim cursu vel saltu, ut intrinsecæ venæ rumpantur : quapropter rebus stypticis, & his, quæ consolidationem faciunt, curetur. Super renes hoc anacollima oportet imponi : Bulbos tascedreas vivas contusas, allia quinque, anagallici libram, quæ omnia pariter bene trita commiscis, & renibus ejus imponis. quod prodest etiam illis, quibus evulsi vel emoti sunt renes. His autem, quibus per nares effluit sanguis, pusca frigidissima caput ejus fovebis, modicum salis adjicies. post anacollima in capite, & in temporibus oblinis, & in medicamento constrictis venis fluxum sanguinis reprimes.

XI. Si dysenteria jumentum apprehenderit, reversatur ejus extalis : qui ut curetur, circumfegan-

dus est cautissime , ne intestinum , quod præpositum est extali , frangatur. Procidit intestinum a contoru : vitæ periculum facit , si tangatur ; quod semel non reddit , & sic remanebit , & paululum exit extalis supra.

XII. Animalibus otiosis & pigris contingit expletura sanguinem mingere , cum hoc , quod abundant , erumpendi per urinam invenit viam : attenuati & exhausti animalis interdum est urina sanguinea. Quod accidit aut ex nimio ascensu , aut labore ponderis , aut nimietate cursus. sed illis , qui ex deliciis aut abundantia contraxerint passiones , de matrice auferunt sanguinem ; attenuatis venas laxare contrarium. Utrisque tamen salutaris est potio , si Jac caprinum cum a matricibus obolis & vitio laris herbæ succo [pastillos facias , ex quibus unum ] per os frequenter infundas. Certissima quoque ad ipsumrum salutem potio prædicatur , si draganti unciam semis , mespili scrup. storacis scrup. tres , nucleos pini , hos purgatos ducentos decem infundis in vi no optimo , ac diutissime conteres , post ad magnitudinem nucis avellanæ cum apibus attritos & vini sextario resolutos dabis ad cornu , & faucibus digeres , per dies continuos septem , quod etiam omnibus prodest , ad fabæ magnitudinem cum ovo dediffe.

XIII. Si vero sanguinem vomat , oportet genestæ succum , cum vino atque porri succo lixivio oleoque permixta , faucibus infundere. Aliquando animalia sanguinem vomunt. quibus hac potionc suc curritur : Absinthium Ponticum & spicam nardi

æquis ponderibus in cacabo novo cum aqua decoques , & dabis in potu.

XIV. Si sanguis interdum nimis per venam , cum percussa fuerit , ut claudi non possit , erumpat , remedium est , stercus ipsius animalis superponere fluentibus venis : aut si perseveraverit , urere cauterio subtiliter , ne nervi lœdantur. Floccum etiam competenti oleo tintatum venæ admoveto. etiam assem ligneum in vena , qua sanguis profluit , ponis & ligas , præsens est remedium.

XV. Vesicæ indignatio generatur ex plurimis causis : quæ propter urinæ difficultatem celerimum , immo præsens discriminem importat. De qua valetudine diligenter tractari convenit , ut passioni competens medela succurrat ; quæ his agnoscitur signis : Mingere non poterit , omnia crura flectentur , dimittitur venter ad terram. Et si difficulter mingit , dysuria appellatur. Sed quando guttas per veretrum mittit cum labore , stranguria dicitur : cum in totum non potest mingere , ischuria appellatur , & vicinus est morti. Propter quod extensio-nes & tubercula nascuntur in dorso , & præfocatio circa fauces ex dolore ventris. Cui hac ratione succurris: de pectore venas pungis , & sanguinem , quantum videbitur , detrahis , & sic accipitur laxamentum. Præterea manum tepidam cum oleo in anum mittis , & si qua stercora inveneris intus , quia impedimentum præstant , attrahis. Post , cum libra olei , salis triti plenum acerabulum misces , & calefactum injicies in anum , jumento in locis propnis posito , ut facilius ad interiora descendat , dul-

cedo etiam sequitur ac solutio ventris , & dolor mitigatur. Quæ remedia si tarde subvenerint , manus & brachia perungito , & cum magno sensu atque cautela in anum injicito in partem dextram , & reversato in sinistram : vesicam manu plena leviter premito , ut incipiat urina procedere , & sic liberabitur. Valde premere est contrarium. Ex his autem causis passio ista descendit , si jumentum in opere aut cursu magna parte diei cogatur , & urinæ faciendæ spatum denegetur , tunc a vesicæ meatu usque ad veretrum nascitur tumor , & cum dolore egestionis foramen angustatur. E diverso , si jumentum exerceri solitum , diebus plurimis stererit , indigestione nascuntur spurcitiæ , & humores efferruntur , usque ad vesicam , compunctiones etiam & morsus urinali fistulæ præstant , ex quo stranguria plerumque contingit. Ex perfrictionis indignatione dysuria solet venire , cum nimio rigore meatus intumuerit. Et ideo calefactionibus diversis a frigore solvenda est injuria celeriter. Interdum & indigestione hordei , & cum aquam frigidam avidissime biberint , dolores ventris animalia patiuntur , & propter vicinitatem commota vesica stranguriam sustinent. Aliquando & sterlus pullinum , & alia noxia , in cibo sumta , cum inflationem fecerint , impediunt minctionem. Bestiolæ etiam , quæ appellantur buprestes , araneæ similes , cum devoratae fuerint , animal præfocant. Aqua quoque cœno vel limo turbida si bibatur , meatus impedit minctionis. Vermes quoque vel lumbrici in intestinis cum ex ulcere venerunt , vesicam lœdunt , & dupliciter ani-

malibus discrimen important. Quod his deprehenditur signis: Animal, quod tardius mingit, latera sibi scalpit, vel terram mordet, scias eum vermis vel lúbricis extorqueri. cui hac ratione succurris: Brassicæ folia subtilissime contundis, & commiscis boni vini cotylas quatuor, & per sinistram narem infundis. Sulphur etiam vivum in pulverem rediges, & cum oleo totum ventrem animalis & veretrum perfricabis. Absinthium etiam largiter cum vino decoques, & per sinistram narem defundes. laser quoque Syriacum & nitri pulvrem cum vino decoquis, & per os digeris. Inambulationibus & leni curfu exercebis in loco molli vel herbido: vel ad aquam leniter abeuntem ad urinam invitabis. Si, ubi aliquod aliud animal minixerit, teneatur, facilius provocatur. Quæ præmituntur, ut veniatur ad curas: aqua enim calida diutissime lumbi fovebuntur & renes, tunc avenam agrestem ex vino dulcissimo duabus cotylis decoquis, & per sinistram narem infundis colatos humores: ficus præterea optimas decoques in aqua cotylis quatuor, mixtoque nitri pulvere similiter defundes. Allium quoque cum vino decoctum, & per sinistram narem infusum, producit urinas. Memineris statim, cum in passione ceciderit, hordeum eis subrahendum penitus, & potus, herbas virides, vel farragines ad sustentandum dandas. Sarmatarum autem equitatus veteres plurimum valuerunt, usus invenit, ut animalia a collo usque ad pedes involvantur de sagis, suppositisque carbonibus vivis addito castoreo suffumigentur, ut totum

*Script. R. R. Vol. III.*

A a

ventrem testiculosque eorum castorei fumus evaporet, & confestim detractis carbonibus cooperiti deambulant & mingunt. Alumen scissum & sales fricato, admixtoque oleo & melle collyrium longum & tenue facito, & in veretri ipsius foramine inferito, continuao provocabitur. In ano panacis quantum digiti minoris extremitas est, dabis. Alii cepas acerrimas & leviter contusas tres aut quinque ponunt in anum, & sic deambulare faciunt. Ad urinas inventus est, qui affirmat, & ungulam equi ipsius radi, & teri cum vini sextario, & per nares infundi ad celerem minctionem. Si non tali ratione prodesset, betas & malvas decoques, & aquam earum calentem, cum melle ad unum sextarium naribus infundes. Si tempus virides denegat cibos, foenum melicrato adspersum præbebis: vel succum ptisanæ hordeaceæ cum melicrato similiter dabis. Aliquanti rosmarinos decoquunt, & ex ea calida (testes) fovent. Alii cimices tritos in nares animalis mittunt, & aliud super naturam, qua mingit, confricant, certissimum dicitur. Porros decoques, & succum eorum exprimes ad sextarium i, & cum vini veteris hemina olei acetabulum permisces, & per narem dextram dabis, deambulando ducis. Vulgare & verum est remedium, lutum via ex lotio cuiuscunque equi factum, vinoque permixtum & colatum naribus infundas. Apii radices aut melicrato decoctas præbebis, pulveremque turis, ovumque crudum, cum vino dulci permixta, [per os convenit dari oleo cum vino permixto] & calefacto supra renes & ilia inungens

confovebis. Ex melle quoque decocto & sale collyria longa & tenuia foramini immittuntur, quo emanat urina. Musca viva & loco ipsi immittitur, vel mica turis apponitur, & de bitumine collo inseritur, ut provocetur urina.

XVI. Quibus modis strictus venter solvi debet, saepe prædictum est. Nunc exponendum est, quemadmodum, si solutus, postea restringitur. Etenim hoc animalibus periculose nimis est, nisi velox medicina subvenerit, cuius necessitatis de experimento principale remedium est. balaustii seminis unciam ex vino austero dabis, caryotas tundis & gallas Syriaicas, & exinde datur potio salutaris. Talis quoque subvenit compositio: Ceræ uncias 2, lardi libram unam, piperis unciam semis, piculæ semiunciam diligentissime tundes, casiae unciam semis trita pariter consperges, offas facies, solito more intinges in cera, cum remissa est. Sic quoque digeres stercoreis ovis libram, & in aceti & mulsa sextario per cornu dabis. herba rubea restringes, si dederis in vino. spongiam Afram intinges in pice liquida, post combures, farinamque ejus vino austero defundes, farinæ triticeæ heminas quatuor commisces & digeres. Nitrum quoque, (si potest fieri) virginem diligentissime tritum, & in pulverem redactum, cum hemina aceti semiunciam dabis. Pulvis ex pumice datus cum vino in potu mox medetur.

XVII. Aliis quoque partibus corporis nascentur aliquando verrucæ, & vitium disformatatis important, hac ratione cutandæ: Lino subtili constringentur ipsæ verrucæ. dein causticum crudum im-

ponitur, & sponte decidunt. Ferro etiam præciduntur, & de cauterio leviter adusta sanantur.

XVIII. Interdum jumentis misera fit coxa, cui de venis femoris sanguis emititur, & in vase diligenter excipitur. admisceatur etiam pulvis sulphuris, nitri baccarum lauri, simul tritis, & contra pilos diutissime perfricatur, & per triduum sic permanere permititur. Aqua etiam, in qua verbenæ coctæ sunt, tepida ter in die fomentabis: pedes, quos sanos habet, glante ferreo, vel si defuerit, spartea calceabis, cui lemniscos subjicies, & addita fasciola diligentissime colligabis, & suppositiam facies parti illi, quæ misera est, ut planas ungulas possit ponere. Synchrisma etiam perunges in sole, & non minus, quam unam horam, contra pilum diligentissime confricabis. Si ejusmodi cura tardaverit, contra coxæ commissuram quatuor foraminibus cautere pertunde, & pannos vel lemniscos ex aceto & oleo sub cute per foramina traice per triduum, post traumatico illinitos pannos, diebus novem per eadem foramina traicies, vel calida verbenacea utaris, & sic lemniscos subjicias. Undecimo quoque die lemniscos educes & incretas locum, ut cutis ad pulpas adhæreat. Cum cicatrices se clauerint, causticum imponunt. Hac ratione emota vel læsa coxa sanabitur. Sed si coxam ejecerit emoveritque, quod a mulomedicis dicitur filius læsisse, certior & facilior curatio inventa docetur, & probata. nam dudum claudum animal in sole ponunt, vino & oleo calefacto calefaciunt ipsum, hoc est, juncturas coxæ diutissime confricant, donec sudet:

tunc animal capistro trahunt, & sensim currunt, alius lorum vel funes tenens laxos sequitur, & subito, dum animal currit, recta ad se coxam ipse cum impetu trahit. si sonuerit, scias loco suo redire, paululumque cessabis, post sensim deambulando tentabis. Si ad locum suum redierit, retractos pedes ponit, & minus claudicat, ulterius animal non convexabis, sed triduum fomentabis calida verbenacea, post causticum induces. Quod si prima die junctura componi non potest, secunda die simili ratione coxam saepius trahis, donec revertatur ad locum. Quidquid autem vexatum vel emotum fuerit, vel iectu rotæ, aut quocunque alio casu in prioribus vel posterioribus partibus vel articulis, vel genibus, hoc anacollima constringit & consolidat. Bulbos rufos triginta, cochleas vivas triginta, anagallici libram 1, plantaginis viridis manum plenam diligentissime contundis & misces, additis tribus ovis, cum stupa imponis, & colligas, laxata constringet & tumefacta sedabit.

**XIX.** Si jumento laccæ enatæ fuerint in gambis, his agnoscitur signis. Dextra ac sinistra ad similitudinem vesicæ inflabitur cutis. Curandum est autem hac ratione, qua flegma in genibus diximus oportere curari. Est & alia medicina. Lentes, quæ supra aquam natant, colligis & contundis, additaque veteri axungia colligabis. Vitium exsiccare prohibetur. Si gamba vel armus aliquo loco ex iectu aliquo tumere coeperit, cretam Cimoliam & rubricam ex aceto acerrimo miscebis & oblinis.

**XX.** Si gambosum factum fuerit animal, & re-

cens passio est , de tibia sanguinem emitto , la-  
nam succidam circumligato. Cave , ne fomentis aut  
cauterio tangas : utrumque enim in tali curatione  
contrarium est. Malagma cruda uteris , tertio die  
semper solvis & euras. Cum videris animal profe-  
cisse , causticum inducis. Si quod jumentum coxam  
fregerit aut supragambam , scias , non posse curari ,  
quia partes istae ligaturas tenere non possunt.

**XXI.** Si jumentum aut rotæ , aut axis iestu fuerit  
elatum , in recenti lanam succidam ex aceto & oleo  
colligabis per triduum , post ficus duplices , & ni-  
trum pariter tritum imponito , die tertio solvito ac  
renovato. Si nihil profecerit , malagma tetraphar-  
maci imponito per triduum. Si & ipsa tardaverit ,  
imponito malagmam , quæ dicitur meliacinus ,  
usque dum sanetur.

**XXII.** Syrmaticum jumentum his agnoscitur si-  
gnis. Prodiens de equili , vel de loco , ubi steterit ,  
coxam trahit , & transversam ungulam inflexis co-  
ronis terræ superimponens ostendit , & Syrmati-  
cum a tragedorum palliis , quæ trahuntur , dici-  
tur. Sed quamvis alienata horum vel emota coxa  
videatur , si super ipsum pedem cessim repellantur ,  
continue emendabitur gressus , & sine claudicatione  
rectus incedet. Et hac autem ratione contingit , si  
commissuram vertibuli , ex corruptione corporis ,  
vel perfectione natus humor intraverit , tunc se de-  
fundit ad nervos , & eos reddit immobiles , & velut  
alienatos. quæ hac ratione curantur : Sanguis ei de  
subgamba detrahitur copiosus , in quo admisces sal ,  
sulphur , marinas cochleas , mannam turis , feclam ,

nitrum, baccas lauri, æquis ponderibus, contusa omnia atque cibrata, vino quoque veteri & oleo miscebis cum sanguine ipsius: qua unctione præparata post inflationem illinis, coxas calida, in qua verbenæ decoctæ sunt, interposito triduo diutissime confovebis, post unctionem renovabis. si ex hoc plenam non receperit sanitatem, vulnus uris cauterio in ipso vertibulo. Similiter sciaticis fieri consuevit. Quæcunque aut de ozoenis ceterisque vi- tiis articulorum, vel de unguis primorum pedum nunc dicta sunt, scias etiam in posterioribus de- bere servari.

XXIII. Alienatum morbum auctores vocaverunt, quoties hæc signa procedunt. Patentes oculos ani- mal haber, nec sentit hominis adventum, quibus & labra & ipsa orificia intumescent, quasi ab ali- qua bestiola contacta. Quem morbum alii auctores orabum nuncupaverunt. Est autem nequissima pa- ssio. primo, quod pestifero transitu contagionem spargit in plurimos: deinde, quod imperitos deci- pit specie sanitatis. nam resecta & bene curata ani- malia ex hac passione subito inflata moriuntur. Alie- natus autem vocatur, quod eripit animalibus sen- fum, Malleus, quod pestilentia internecivum con- tagium facit. Plerumque autem viscera interius ver- mibus consumit. Quorum mortu pertuso aquali- culo animalia suffocata, subito moriuntur; sed si velocior medicina succurrat, hac ratione salva- tur: De cervice sanguinem detrahis, potionem com- ponis hujusmodi: Gallici lib. unam, hyssopi libram 1, abrotani libram semis, aristologiæ rotundæ lib.

semis , mannae succari uncias 3 , trixaginis uncias 3 . quæ omnia contundito , & cernito , ex aqua multa copiose decoques , & animal ægrotum diebus plurimis potionabis . Sed quia plerumque hujus ægritudinis pestilentia transit in proximos , totum grem si inciderit , ut singulas heminas singulis degreas , potionare te convenit , frequentissimis etiam suffumigationibus , stagnare pariter & curare , sicut in malleo superius constat expositum . Quibus usque adeo mutanda sunt pascya , ut , si fieri potest , in alias transmittenda sint regiones . nam qua transeunt , in laniis & in ipso anhelitu inficiunt universa . Velocius autem curabuntur , si separata fuerint atque translata .

XXIV. Roborosa passio dicitur , quæ animal rigidum facit ad similitudinem ligni : cuius haec sunt signa . Totum corpus adstrictum , extensæ sunt narres , & aures rigidæ , immobilis cervix , os constrictum , caput extensum , colligati armi vel crura , pedes etiam constricti , ut nulla commissura flectatur : cuius caput si erigere volueris , non poteris : oculi præcluduntur , spina prærigida , & ideo distendit & erigit caudam , ut eam flectere atque movere non possit , dura ilia , adstricti sunt renes : cubare penitus non potest . Contingit autem haec passio ex nimia perfrictione , vel spasmo nervorum , vel tremore , unde & tetanici dicti sunt . Plerumque in hanc valetudinem incident , qui cum ab igne castrati fuerint , negliguntur , & inambulantes frigore laeduntur . Quorum nervi recenti dolore & frigore compellente , & spasmodum patiuntur , & obdurescunt in robur . E diverso etiam altius , quam

expedit, in pedibus usta jumenta, vel quocunque alio loco, contactis nervis patiuntur spasnum, & robur incurunt. Ex nimia quoque pruina, vel si in nimio frigore sudabunt, vel e calidis stabulis producuntur in frigus, fieri adsolent roborsi. Sed si a posteriore parte fuerint comprehensi, ut morbus desinat in lumbos, opisthotonici fiunt, calefactionibus tamen unguentisque curantur. Si quos vero robur a priore parte comprehendenterit, ita ut os aperire non possint, desperanda sunt, quia constrictis dentibus fame perire coguntur. Quæ autem ex toto corpore æqualiter periclitantur, ita ut ex aliqua parte os valeant aperire, tam diuunctionibus calidissimis perfricanda sunt, donec sudent, coopertaque sagis copiosissime, loco calido statuuntur, ignisque juxta ea fieri confuevit sine fumo, ut amplius sudent. Surculos quoque laureos validiores in os eorum inter malas mittito, ut rodendo eos exagitent maxillas & calefiant. Fabas quoque solidas, cum baccis lauri mixtas, jejuno dabitis. Aquam quoque calidam offeres ad potandum. Ventrem ipsis cum mulsa calida, admixto castoreo, clystere purgabis: oleum quoque optimum cum succo ptisanæ mixtum per narem finistram defundis, hordeum emolitum cum furfuribus admixtum dabitis ad substantiam, donec sanetur. Alianti dixerunt, oportere eos aere candenti, in arena fluviali vel maritima colligatos obrui, ita ut caput eorum exstet & nares, & tam diu detineri, donec sudent. Sed ex supra scripta cura sæpe plures constat esse sanatos. Quod si ex hac re non pro-

fecerint , ures eis cervicem , dextera sinistraque decussatim , saccellationem ex furfuribus supra totum tergum calidum imponis per triduum. & hac unctione quotidie uteris in sole , si caluerit , vel in calidissimo loco : Ceræ libram , afroniti libram , resinæ terebintinæ selibram , galbani libram , castorei selibram , opopanacis libram , piperis unciam , medullæ cervinæ uncias duas , olei veteris uncias duas & semis , vini veteris optimi , quantum opus fuerit , admisces & uteris. Præsens tamen experimento remedium est , si picem liquidam cum oleo & vino veteri decoquis , calentique medicamine jumentum perungis. Ex qua unctione & auriculas cum oleo tepefacto oportet infundi , ut sanitas matura proveniat. Sed ut venæ eorum calefiant intrinsecus , & conceptum frigus exsudet , necessaria potio est , quæ roboroſos tetanicos , & opifhotonicos salubriter curat , clabi seminis uncias 2 , cimini Alexandrini uncias duas , agallici , castorei , abrotani uncias singulas , trixaginis uncias duas , mannae croci unciam unam , succari unciam , hyssopi unciam unam , piperis albi semiunciam , quæ omnia diligenter tunsa atque cribrata redigantur in pulvrem , ex quo bina cochlearia lassis & periculoſe se habentibus cum succo ptisanæ tepidæ propinantur : fortioribus vero cum vini veteris calida hemina defunduntur in os , nunquam tamen sine oleo , propter leniendam potionis austерitatem , & canalem faucium mitigandum. Alii auſtores ejusmodi passionem hac dicunt ratione curandam. De temporibus sanguinem detrahes , excipiesque diligenter ,

injecto nitri pulvere, sale atque castoreo, animalia perficari, & loco calido statui oportere, atque hanc offerri potionem: Lac caprinum, rutam, baccas lauri, piper album, oleum, & fabas solutas: hordeumque etiam datur, ut agitet edendo maxillas. Die tertio de cauda sanguinem tollunt, & resines calidisunctionibus fovent. Interdum etiam in balnea intromittunt animalia, ut diligentius convalescant, dant etiam quotidie potiones. fustes quoque vel de falice, vel de robore in os mittunt, ne maxillarum usus indormiat. Si melius habere coepit, post duodecim dies coopertum exercebis, ut sudet. Si ista non valuerint, uterus superius declaratis. Plerique asseverant, ficulneas frondes roburosis oportere praeberti, quae naturaliter calent. Potionem quoque per os dandam: Opopanax uncias 2, storacis uncias 3, gentianæ uncias 3, mannae succari uncias 3, myrræ scrupulum 1, piperis longi scrupulos 2, cum vino veteri tepido, atque ad cornu digerere. Hac etiamunctione ad curandum robur vel expellendum frigus utuntur: Ceræ libram, resinæ terbentinæ uncias 8, opopanax uncias duas, medullæ cervinæ uncias duas, storacis uncias quatuor, baccarum lauri felibram, olei pinii, prout opus fuerit: quæ omnia in unum adjecta in aqua decoquunt, & perficantes inungunt.

XXV. Hydrops non levius animalia, quam homines, frequenter infestat. Vitalibus namque vitiatis, cum digestio ciborum plena non provenit, humor noxius perniciem corporis, tumoremque consuevit inferre. Quam valetudinem hæc signa de-

monstrant. Turget venter, & crura, testiculi, scapulæ, latera & tergus inflantur, usque eo, ut nec in capite ejus apparent venæ. Cui cum sub linguam retigeris, subtuffiet. Hunc ambulationibus brevibus opertum gravioribus sagis, donec sudet, exercebis in sole, & adversum pilos, per totum corpus postmodum confricabis, cibum daturus, radices cum foliis suis, quia & purgationem faciunt, & vitio medentur. fœnumque conspersum aqua nitroque præbebis, die ac nocte maceratos lupinos in aqua, rursumque siccatus, præbebis in cibo. Radicem quoque cucumeris silvatici vel folia, quæ ventrem moveant, eidem dabis, ut pürges. Quæ curatio si tardaverit sanitatem, evocandus est humor. Quatuor itaque digitis ab umbilico ad veretrum versus sagitta pungis, ut peritonæum ipsum rumpas, sed cave, ne intestinum tangas, & animalia perimas, subjicis fistulam centimalem, & patieris humorem currere, quantum æstimaveris necessarium, quem in vase excipies. Cum fistulam abstuleris, duo vel tria grana salis in plagam inferis, ne claudatur. Insuper & pastillos imponis. Alia vel tertia die epaphresin quasi fakturus, denuo fistulam appones, humorem ejicies, donec partes totas exsiccat. tunc vulnus chrandum solemniter, potionisque catharticas per os dabis frequenter. Interdiu, usque dum sudet, exercebis. Quanto fortius esse cœpit, tanto diligentius est curandum, & semper abstinenter a potu, ut tepidum & modicum ad sustentationem bibat tantum.

XXVI. Sarcosis quoque talis est passio : Jumen-

tum cum biberit, inflatur & sufflat. Hac eum ratione curabis : Cineris vel lixivii sextarium unum, feminis plantaginis uncias 5, conteres & cum vino dabis & oleo celeriter, usque quo residueat inflatio. Alii auctores afferunt, ab umbilico duobus digitis contra pectus plagam fieri debere, & fistulam ponи, & educi humorem vel aquam noxiā usque ad sextarios tres, vel amplius, si major est tumor. Sed cautius est, per partes sаpe tollere, ne repentina exsiccatio periculum faciat. Potionibus utendum esse dicunt, quae urinas moveant, frequenter etiam confriсandum esse, ut sudet, pro foно gramen accipiet, & pro hordeo cicer infusum. Prodesse etiam dicunt, si inter pigmentarios frequentissime deambulet animal : quia diversi odores latentes pulmonibus profundunt. Potionem etiam hujusmodi dant : Petroselinum & mala granata contundunt, & cum vino veteri per os digerunt. Apium quoque, quantum appetere voluerit, offeres ad edendum. Asparagi silvestris radicis uncias 2 cum vini veteris sextario decoquis, ut ad tertiam redeat, & ad heminam per os digeres.

XXVII. Tympaniticus quoque hydropico similis est, sed aliis agnoscitur signis. venter quidem ejus crescit ut hydropici, & cervix fit rigidior; sed nec testiculi, nec crura intumescunt. Convenit itaque tympanitico calidum cinerem cum liquamine optimo in panno, vel linteolo umbilico vel ventri supponere, & fasciis colligare, sed a pluribus animal tenendum est, ne luctando moveat ligaturas. Radicem panacis, fil Gallicum pariter conte-

res, & cum oleo vinoque tepefacto per cornū fau-  
cibus digeres. Præterea thymum silvestrem & etar-  
gium in vino decoques, & singulas heminas per  
triduum dabis. Tympaniticum hæc signa demon-  
strant: Ciborum bibendique fastidium, exiguis so-  
nus aut nullus. Si per nares mucos cœperint emit-  
tere, desperandum est: si mundas nares habuerint,  
hac ratione curabis: Cremorēm ptisanæ & defrui  
binos cyathos per triduum dabis tepidos. Præterea  
hyssopi uncias quatuor, allii viridis manum ple-  
nam, palmas numero viginti; fœnigræci cyathos  
sex, aquam cisterninam & vinum odoratum vetus  
pariter misces, diligentissime decoques, & in po-  
tionem per triduum dabis.

**XXVIII.** Lienosi ut manifestum est periculum,  
ita manifesta sunt signa, nam oculi invertuntur &  
suffusi sunt sanguine, tardius ambulant, collum ha-  
bent extensum, & fit deterius & rigidius. Quæ passio  
principiū indicat roboris, quorum latera intu-  
mescunt, sive cervicis media spina ad similitudi-  
nem alvei sit concava, adstringuntur aliquando ma-  
xillæ, quod vitium consuevit inferri ex nimia per-  
frictione, cum animalis dorsum aut frigore, aut  
pluvia, aut grandine cœditur, aut nivibus. Cujus  
ista curatio est. De cauda parum sanguinis demis.  
nam si amplius tuleris, infringescet & rigori addi-  
tur rigor, admisces in eum merum & oleum, &  
calefacies, & statim hac dorsum & cervicem per-  
unges, faccellum quoque ex furfure calidum im-  
pones, ut totam spinam tenere possit & lumbos.  
altera die extergebis diligenter, & unctione eadem

perfricabis, supra quam similiter cum furfure calentem saccellum imponis, hoc usus unguento: Medullæ cervinæ libram unam, mannæ turis uncias quatuor, depli uncias tres, castorei uncias tres, opopanacis uncias tres, resinæ frixaæ uncias tres, apocymæ uncias tres, resinæ terebinthinae uncias duas, ceræ libram semis, olei laurini uncias octo, olei cyprini libram, olei glaucini sextarium unum. Ex his sicca quæ fuerint, tundis & cribras, cetera super carbones solvis, quibus cretam admisces, & leviter decoquis in vase novo, uncturus cum necessitas postulaverit, reponis ac servas. Hac quoque potionē intrinsecus curabis. Absinthii unciam unam, aristolochiaæ uncias tres, betonicæ uncias duas, petroselini unciam unam, & semis, trixaginis unciam unam, turis masculi uncias tres, castorei uncias duas, mannæ succari uncias duas, contundis pariter & cernis, & ex aqua multa & oleo diffunde per fauces, absque dubitatione curabis. Alii auctores afferunt, sanguinem de brachiolis auferendum, & animal abstinendum ab hordeo, alium, nitrum, marrubium, [sanguinem de brachialis] æquis ponderibus tritum cum absinthio Pontico & vino austero per os dandum. & cum biberit, deambulet, & spongiis calidis foveatur, & pressa manu diutius perfricetur. Si ventris permanserit tumor, pectus cauteris inurendum est. Post quinque dies ternos digitos subjicis, hac atque illac inurendum est iterum; observabis autem, ne venas forte comburas.

**XXIX.** Impleticus autem quia similem sustinet

passionem, perfricandus est unctione superius memorata, &, si necessitas postulaverit, inurendus.

XXX. Si phragmaticum erit jumentum, his agnoscitur signis : Febricitabit, oculos introrsum reducit, aures tensas habebit & rigidas, terram perdibus tundet. quod hac ratione curabis : Sanguinem detrahas de matrice, adjunctoque oleo & vino tepefacies, totumque jumentum contra pilos diligenter confricabis, loco tepido statues, & curasti.

XXXI. Aliquando jumenta aquas timent, quae dicuntur hydrophoba. signa hujus haec sunt : Venas omnes habebit extensas, sudabit suffusis oculis, tremorem frendoremque patietur, illidet se parietibus : ex qua passione converti consuevit in rabiem. Cui hac ratione succurris : Sanguinem ei de femoribus detrahes, a cibariis abstinebis, in loco sic clauso, ut lumen videre non possit, constitues, magno silentio aquam in fistula vel alveo ita apponis, ut non audiat sonitum, manipulum rutae deterito, & baccas lauri xv, olei rosati libram, acetum unciam unam commiscero, caput & nares diligentissime perunges, & sanabitur.

XXXII. Spaustum certum est animalia sustinere. quae necessitas his declaratur indiciis : Subito concident, & articuli eorum extensi sunt, & toto corpore palpitant, aliquando etiam de ore spumam emittunt. Quibus escam dabis pusca nitroque conspersam, cucumeris quoque silvatici pulverem, & nitrum tritum per septem dies in potionē dabis, ut purget. Sanguinis quoque marinæ testudinis dimidiām cotylam, acetū tantundem, laferis aliquantum

lum pariter misces, & suffundis in nares. Utile dicitur, terga eorum oleo, & aceto, & nitro frequentissime confricari.

XXXIII. Quadam ratione lunari animalia, sicut homines, frequenter corruunt, & intermoriuntur. Quorum ista sunt signa: Jacentia contremiscunt, salivæ per os defluunt, desperata pro morituris repente consurgunt, & pabula appetunt. Cartilaginem naribus eorum digito tentabis: quanto frigidorem inveneris, tanto plus casurum scias. Si minus frigida fuerit, rarius cadet. Cujus ista curatio est. De cervice ejus copiosum sanguinem tolles, post quintum diem de temporibus, loco calido tenebrosoque constitues, totum corpus thermanticis confricabis unguentis, cerebrum quoque ejus & auriculas pice liquida cum oleo laurino admixto largius perunges, & mittes intrinsecus, caput etiam acuta vel cerebellari communies, potionem autem catharticam dabis ejusmodi: Sileris radicis uncias duas, panacis radicis unciam unam, diagridii unciam unam, cum cucumeris silvestris uncia. quæ omnia bene trita commisces, cum mellis sextario uno decoques, ex quo cochleare plenum in aquæ calidæ sextarium, & olei drachmas tres mittis, & per os defundis. Caput quoque ejus saepius curabis. Radicem Dianariam, id est, herbae Artemisiæ, in pulvarem rediges, & per fistulam naribus insufflabis. Radicem quoque laseris tunsam si naribus defuderis, eadem ratione proderit. Si autem passio perduraverit, caput ejus ures, ut apioso fieri consuevit.

**XXXIV.** Animalia s<sup>e</sup>p<sup>e</sup> aquam revomēt, quam biberant. quæ passio e nimia perfriktionē descendit, cum stomachus paralyſin ex frigore sustinet. Sed hac ratione curantur: Sanguis de cervice detrahitur, potionēs thermanticæ propinan<sup>t</sup>ur, unctionibus calidissimis armi pectusque confricantur, purgatur per nares caput, & si necessitas postulaverit, etiam finapizantur.

**XXXV.** Sideratitia jumenta dicuntur, cum venas vacuas percusserit frigus, aut æstus, aut impleverit cruditas, aut jejunia bulimum fecerint. Redditur enim stupidum animal, & titubans ambulat. Quod mollibus cibariis, lenibusque potionibus curari oportebit ita: Laseris unciam unam, & heminam mulsæ succumque ptisanæ miscebis. Et si ex frigore causa est, cum vino & oleo tepido das<sup>t</sup>. Si ex æstu, cum rosato præbebis. Si ex cruditate, abstinebis a cibo. Si de bulimo, ciceres offeres largiores.

**XXXVI.** Sol quoque canicularis ardenter, animalia percutit in cerebro: quibus de temporibus sanguis emittitur, & simili ratione curantur. His autem ostenditur signis, quia dejectum caput portare coguntur.

**XXXVII.** Cruditas jumentis generat ægritudinem, quæ hac ratione dignoscitur: Modo in unam partem, modo in aliam ambulantes inclinant. Quorum ista est medicina: Sanguis eis de cervice detrahitur, a potu & cibariis abstinentur. Si æstas est, refrigeratorias accipiat potionēs, non parum natura compellitur.

XXXVIII. Bulimum animalia sustinent frequenter ex fame, frequenter ex lassitudine. Cujus ista sunt signa: Oculi interius fugiunt, incertus est visus, corpus tremit. Qui hac ratione curandus est, ut primo omnium defricetur ex vino oleoque tefacto, tunc panis mundi mollem partem vino infundes, [& cum eodem confricabis.] Si cylon feceris, per cornu digeres, & reparabitur. Quod si permanserit bulimus, similæ heminas cum sextario vini infundes, & per cornu digeres. Quod si iter agens inciderit bulimum, ubi necessaria desunt, terram faucibus infundes, aut offas facies, & per os degeres.

XXXIX. Quod si ex aphelitu inflationes continent, cujus causæ rationes reddi non possunt, pulsam calidam cum spongia cerebro ejus apponis, & pectori in aures ejus oleum laurinum mittes, frigidissimo loco eum constitues, nares quoque titillabis, ut frequentius sternutet. quo facto, statim exhilaratur.

XL. Si aestuaverit animal & defectionem patietur, brassicæ folia cum apio contundes, & cum vi ni sextario permiscebis, & per narem sinistram infundis. Si vero fortius aestuaverit, petroselini, daucii, filis Gallici, abrotani, spicæ nardi, schinuanthus æquis ponderibus tunduntur, & cum aqua multa data, æstum relevant. Quod si his ita membra defecerint, ut concidant, quibusdam placet abstineri eos a potu, & sitientes in aqua frigida una hora stare, & continuo reparari. Alii dixerunt, hordeaceam farinam cum vino per cornu faucibus in-

fundi. Plerique experti sunt, triticeam farinam cum aqua frigida datam continuo profuisse. Vel certe tria ova cruda cum pulegio & pusca, oleoque permixto, faucibus infundunt.

XLI. Paralyfin ad similitudinem hominum jumenta patiuntur, quæ his ostenditur signis: Ambulabit pravus in latere ad similitudinem cancri, cervicem incurvabit, ut solent habere, quibus fractæ sunt, rectos pedes mittere non potest. si coegeris, parietibus se illidunt, cibum & potum non recusant. Hordeum autem ipsius udum semper appetet. Hac ratione curabitur: Sanguis ei de temporibus parte contraria, non qua contractus est, tollitur. unctionibus thermanticis perfricatur, cervicesque ejus constringuntur usque eo, ut cratellis ex ligno appositis constricta cervice pravitas dirigatur. Loco autem calido stabulatur sicut robosus. cui ipsæ potionis dantur. Si parum in totum ista medelarum adjumenta profecerint, cervices eorum uruntur, non qua contractus est, sed ex parte contraria de cautere accipit palmas ab armo usque ad cervicem auriculæ, & in tempore uritur ad mensuram semissis. In alia autem parte temporis quasi stellam parvam cauterio facies, & in parte renum usque ad medium spinam virgulas dabis solemniter, & curasti.

XLII. Jumenta nimio saltu, vel cursu aut ruina, cum aliquid ruperint, vulsan. quorum ista sunt signa: Stranguriam patientur, excratabunt etiam purulentum, & quoties voluntata fuerint, non revolvuntur, nec se excutiunt. Si recens ruptura fue-

rit, sanguinem magis exscrebit, quam pus. Quæ curantur glutinosis & lenibus cibis. Talem etiam accipiunt frequentissime potionem. Turis masculi unciam unam, opii unciam unam, heliotropii unciam, quod intybum agrestem vocamus, rutæ unciam unam, quæ omnia diligenter trita cum vino austero quatuor mensuras adjicies, & per dies singulos dabis ad cornu, donec quæ intus rupta sunt, glutinentur.

XLIII. Sed animal nonnunquam invadit insania; ut præsepium frangat, feseque mortu laceret, impetus etiam in homines faciat, auribus micat, oculis erit attentis & splendidis, & ex ore egerit spumam, quem caute, ne medentem lædat, diligenterque constringito. Sanguinem ei de cervice & de cruribus trahito, rursumque in tenebris contineto, donec appetat cibum. Cum cœperit ad patientiam revocari, succum cicutæ uno acetabulo, & aquæ unam heminam admisces, & per os defundis. Post rutam conterito, & supra cerebrum ponito, caputque lanata pelle constringito & curato, & cum profecerit, calide stabuletur. Talis quoque potio equis subvenit rabiosis. Baccas lauri novem, & allii purgati grana viginti & unum, diligenter contrees, & cum vino veteri candido per narem finistram injicies.

XLIV. Si animalia, dum sudant, hordeum comedent, vel ipsum hordeum novum fuerit, quia vehementius calet, vel copiosius, quam oportet, otiosa pascuntur, absque dubio indigestio & platura comitabitur. Quæ passio his agnoscitur signis:

Sudabit , ligati erunt armi , ambulabit incertum .  
 Sanguinem ei de cervice detrahes , aceto oleoque  
 permixtis totum corpus diligentissime confricabis ,  
 levibus ambulationibus exercendum est , & ab hor-  
 deo penitus abstinentium . Cui ejusmodi subvenit  
 potio : Brassicæ folia contundis , succumque expri-  
 mis , & myrrhæ pulverem , & parum liquaminis ,  
 & vinum vetus optimum misces , quod per triduum  
 per os defundes , ita digestio & sanitas conseque-  
 tur . Aliquanti præcantatione tentant afferre reme-  
 dia , quæ vanitas ab aniculis solis diligenda est ,  
 cum animalia , sicut homines , non inanibus verbis ,  
 sed certa medendi arte currentur .

XLV. Pulmones ut integri præstant substantiam  
 vitæ , ita vitiati periculum afferunt mortis , quo-  
 rum dolor manifestis declaratur indiciis . Stertet ,  
 tussiet graviter , & exscrebit purulentum . Si ægritu-  
 do longior fuerit , de prioribus claudicat pedi-  
 bus , gravem fœtorem naribus expellit , difficile se  
 collocat , sed febriens præsepio incumbit . corru-  
 ptum assellabit . Aliquando in corpore ipfius similia  
 furunculis tubercula nascuntur . Quorum ægritudo  
 difficilis est , sed hac potionē curanda : Turis mascu-  
 li uncias tres , hyssopi uncias duas , folii unciam  
 unam , manna croci unciam unam , myrrhæ uncias  
 duas diligenter tundis & cribras , ex quo pulvere  
 unum cochlear cum tribus ovis & aqua tempera-  
 bis , & diffundis per os . Si cibum non appetit , pro  
 aqua lac cæprinum miscabis , & addito mellis coch-  
 leario propinabis . Succum quoque ptisanæ cum  
 oleo rosaceo , & pulverem superius comprehensum

cum ovis per os dabis ad cornu. Offas quoque ex duobus sextariis farinæ triticeæ, & uno sextario ervi pollinis facies, quibus admiscebis ex supra scripto pulvere quinque cochlearia. Sed septenas offulas diebus singulis digeras, quas quotidie ad substantiam dabis, donec cibos tentet appetere. Cui omnem escam propter fastidium viridem oportet offerri, & contrario lenticulam cum tritico vel hordeo torrefacto, cum palea dabis, ut, quidquid ex diversitate ciborum voluerit, eligat. Lac tamen recens cotidie ei convenit dare. Deambulet primum: ubi coeperit convalescere, ad exercitium revocandum est. Lac si defuerit, aquam, in qua ervum prius lotum die ac nocte permanserit, dabis in potu. In causa pulmonum de cervice vel de palato his sanguis aufertur, quibus nec fastidium evenit, sed fortiora sunt corpora. Cineres quoque ulmi loti & infusi aqua cum vino veteri optimo odorato heminas singulas misces & dabis. Quod si vehementius vexatum ægritudine, transivit in morbum: radicis lentisci drachmam, turis uncias duas, myrræ drachmam, succari semiunciam, contere diligenter, & cum vino suffunde. Sunt & ista remedia: Uva alba in os equi frequenter exprimatur, semen radicis datur in vino, amygdalæ frixa cum aqua offeruntur. Sed est alia efficacior potio: Cardamomi uncias duas, cassia unciam, floracis unciam unam: quæ omnia, si validior & sine febre erit, cum vino; si febriens, cum succo prisanae per os dabis.

XLVI. Orthopnoicum jumentum his agnoscitur signis: Etiamsi trahatur, ambulare detraetctat, an-

helat graviter , frequenter suspirat ; ronchos dicit ; ilia suspendit , dum manducat , tussit. Ex quo vitio difficile liberabitur , licet in longum protrahat vitam. Pulmo enim eorum contrahendo se comburit , unde & macies cum morte insequi consuevit. In recenti tamen hanc curam festinanter adhibebis : Sanguinem de pectori detrahes , & mero oleoque permixtum atque calefactum perunges. Lixivium quoque cineris diligentissime cretum cum oleo optimo temperabis , & per nares diebus quinque continuis eidem digeres. Potionem quoque dabis postmodum : Sinapis Alexandrini frixi , & sulphuris vivi , & myrrhae , cardamomi species aequis ponderibus contundis & cernis , & cum melle optimo decoquisi. Ex quo medicamento ad magnitudinem nucis cum vino nigro calido dilues , & quotidie per os potionabis. Alii vero myrrhae uncias duas , sulphuris unciam unam , nitri semiunciam , picis liquidae pusillum deterunt , additoque melle & vino vetere odorato , candido , per nares saepius infundunt. Curabis autem , ne algeat , temperabis exercitationibus ut sudet : & non solum in potionē , sed etiam in foeno , nitrum cum melicrato aspersum semper accipiat.

XLVII. Opisthotonici quoque similis passio declaratur. Orthotonicus , qui totus est rigidus , opisthotonicus , cui in posterioribus partibus morbus infederit. Cujus ista sunt signa : Aures rigidas habebit , collum extensem , oculos minores , tensa pellis in facie , labia gravia , ut oscitare & aperire vix possit , cibum potumque fastidiet , cauda rigida ,

gressus incertus, membra distensa, difficile progreditur, & frequenter in posteriorem partem concidit, unde opisthotonicus nominatur. Quod genus passionis hieme curare difficile est, aestate autem, si diligentior fueris, obtinebis. Quæ passio per aestatem his nascitur causis, si jumentum ardentissimo fuerit sole percussum, vel si in itinere priore claudicans pede, coactum fuerit ambulare vel currere, & vehementius sudaverit, ex dolore, vel si armum læserit, vel supra ipsum jacuerit, ut armus indormiat. Hieme autem cum de itinere vel de exercitatione venerit, & cum sudore steterit sub divo in frigore, aut in loco (recenti) vel humecto, aut marmorato, aut tessellato, vel si frigore maxillæ obdormierint, tunc ista ægritudo contrahitur. Cui hac ratione tentabis succurrere: Adipis porcinæ veteris libras duas, resinæ terbentinæ semilibram, piperis triti drachmam, ceræ libram, olei veteris sextarios duos pariter decoques, & calidissime totum animal perunges. Multi ervum decoquunt, calentemque aquam capiti ipsius languoris imponunt. Alii in stercore ipsorum calido obruunt ægrotantes, ut languor exsudet. Plerique colligata jumenta commodum credunt arenis sole ferventibus operire. Hæc quoque potio traditur salutaris: Piperis triti grana viginti, cedri pondus denarii, nitri unciam unam, mixturæ laferis Cyrenaici globulum ad magnitudinem fabæ, trita atque permixta, addita liquaminis floris hemina, & vini veteris [summi] sextario bis in die per os digeres. Expertum dicitur, sanguinem bubulinum calidum & fumantem, sed moderate per

cornu faucibus infundis. Quod si forte defuerit ;  
 turis cribrati & salis triti ternas uncias cum vino  
 optimo prodesse dixerunt. Calidis medicamentis  
 animal expedit, dum sanetur, perungi. Adipis quo-  
 que porcinæ recentis coctæ, quantum existima-  
 veris, cum oleo optimo & vino summo & mel-  
 le commisces, & ad carbones [semper] decoques,  
 ac per nares infundes. Malagma quoque de calidis  
 speciebus in carbonibus cum oleo cyprino vel com-  
 muni, sed veteri, solvitur & perungitur. Post cu-  
 ram operitur fagis, & in sole calido exercetur a  
 sessore, trepidans dum sudet. Post fabanis validio-  
 ribus abstergetur, & denuo unctum operitur, pice  
 quoque liquida admixto oleo perungendum : non  
 tamen nimia pix sit, ne corium lædat. Nonnulli  
 jam validioribus de cervice sanguinem detrahunt.  
 Plerique in balneum ducunt, calidissimis potionibus  
 curant, id est, lasare & cymino, aniso, oleo, bac-  
 cis lauri, ex quibus quotidie aliquid cum vino mi-  
 nistrant. Unctionibus quoque istis utuntur : Ceræ  
 libram, resinæ uncias quatuor, opopanaxis uncias  
 duas, medullæ cervinæ uncias tres, olei storacini  
 uncias tres, olei laurini uncias quatuor, quæ omnia  
 decoquunt, & in sole aut in loco calido perungunt.  
 Alia quoque unguenti compositio talis est : Bacca-  
 rum lauri sextarium unum, cymini sextarios duos,  
 sulphuris vivi uncias tres, resinæ unciam unam,  
 galbani uncias tres, olei sextarios duos : quæ  
 omnia decoques & uteris.

**XLVIII.** Lethargici quoque jumenti ista sunt si-  
 gna : Jacebit semper & dormiet, neque cibum ap-

petit neque pótum, cum excitatum fuerit, continuo aggravatur, & se projicit, & maceſcit, & quamcunque ei dederis potionem, tanquam dormiens vix ſuscipit. quod hac ratione curabis: Subſternito in ſtabulo, ubi ſtat, ut bibat ibi. cui caput fomentabis ex calida pulegio decocta, poſtmodum perunges oleo cum adarce trito, ita ut caput ejus & aures infundas, ea uſurus potionē: Camomillam Illyricam, (idem nos trace) & herbam Artemiſiam in aqua decoquias, ex qua quotidie ei binas cotylas propinabis. Cui & pedes priores frequenter fomentabis calida. Solet enim hæc paſſio adſtrictius ad rectum pedem contingere. Eſt quidem periculosa paſſio atque curatio. cujus iſta ſunt signa: Oculi ejus lacrimabunt, quaſi lippiant, in præſepio dormitans incubit, a posterioribus ambulans nutat, & totum gravatur. Cui ſanguinem detrahes de pede priori dextro, & de femore ſinistro: ex quo eum perunges. Herbam Artemiſiam contundes, & cribratam dabis cum lixivii ſextario, & olei cyathis duobus, per triduum. quarta die intermittes. Quod ſi cibaria non appetit, ervum mollitum ex aqua tepida [ comedat, & aquam] bibat. Si minus profeſerit, lini ſemen cum aqua in olla decoquies, & heminas ſingulas per dies ſingulos dabis ad cornu, addito melle, quātum ſufficiat. quæ potio etiam febricitantibus prodeſt. Lethargicum animal frequenti exercitatione prohibendum, conſtat a ſomno. Affidua quoque injungenda eſt deambulatio, ſi anteriores pedes ejus miſeris in fomentum. nam furfures ſale & aceto permifces, & calentes ungu-

lis imponis. farinam quoque triticeam cum tritis  
falibus & puscæ sextario uno , faucibus infundes ,  
herbam Artemisiæ tunsam cum oleo & modico  
lixivio dabis ad cornu , abstinebis ab hordeo , fabæ  
solidæ sextarium porrigis , ut vigilat , donec durio-  
res edomet cibos. de cervice sanguinem ei detra-  
hes. Depletum hac ratione curabis : Afronitri un-  
cias tres , gallæ Syriaticæ uncias duas , spicæ nardi  
uncias duas , radicis capparis uncias duas , tunsa &  
cribrata permisces , & terna cochlearia in sextario  
aquaæ tepidæ dabis in potu. Nunquam frigidam , nec  
nimium calidam , sed tepidam , ad bibendum semper  
accipiat. Affidue flagello excitandum aut voce , ut  
vitium timore deponat.

**XLIX.** Si quod jumentum morbum regium ha-  
buerit , his agnoscitur signis : Utrique oculi virides  
sunt , & cervicem inclinatam habebit in dextra  
parte , & pede [ dextro etiam ] sinistro videbitur  
claudicare. cuius curatio est ista : Loco tenebroso ,  
ubi lumen videre non possit , clauditur , & operi-  
tur sagis ita , ne oculi ejus aperiantur in die , oleo  
& vino tepido ungetur atque fricabitur. Lapidès  
molares non minus pondera quinque in ignem im-  
ponuntur , animalis caput copulatur ad pedes , cum  
bene canduerint , sub ejus naribus apponuntur , per-  
fusi oleo suffumigatur os , nares , & oculi , ut morbi  
virus exsudet. quod per septem dies continue est  
faciendum. Tali etiam ratione succurrimus : Sanguine  
capriño & lacte ovillo , anagallico , costo , oleo-  
que pariter admixto potio conficitur , quæ per dies  
duodecim datur.

L. Sed interdum biles, quæ cholerae appellantur vulgo, solent jumenta vexare. quæ passio his declaratur indiciis: Commovetur ac volutatur, ut strophosus. Sanguinem de cervice emittis, daturus ejusmodi continuo potionem: Herbae trixaginis nigræ unciam semis, mannae succari unciam unam, nitri uncias duas, altei uncias duas, vini optimi sextarium unum, conteres, ex aqua multa heminam unam per finistram narem infundes.

LI. Quod si aridam bilem habuerit, myrtum agrestem cum vino contritam per narem dextram defundes, pro hordeo far triticeum dabis. Potio-  
nem ipsam temperabis ex aqua.

LII. Coli passio gravissimos cruciatus jumentis consuevit inferre, ita ut cardiaci aut strophosi esse credantur; sed his agnoscitur signis. Cum stat, re-  
pente concidit, ut arreptum putas; si satis suspen-  
sum fuerit, dolor subsequitur, & jacet nonnun-  
quam: cum frigidam aquam acceperit, tremit, su-  
dat, anhelat. Cui hac ratione succurritur: Anisi  
Pontici unciam unam, petroselini unciam unam,  
fœniculi semenis unciam, piperis nigri uncias duas,  
marrubii unciam unam, abrotani unciam unam,  
anethi uncias tres, Levisticus scrup. 4, centaureæ mi-  
noris & majoris uncias duas, cametris semiunciam,  
eupatoris scrup. quatuor, gingiberis unciam semis,  
pulegii semiunciam, rutæ unciam, apii unciam se-  
mis, pariter contundes & cernes. tunc mellis opti-  
mi pondera duo cocta & despumata cum omnibus  
misces, ex quo medicamento ad magnitudinem nu-  
cis avellanæ cum aquæ tepidæ sextario dilues, &

per os infundes. certissima medicina est. Quod si dolor perseveraverit, sœniculi semenis cochlearia quinque bene trita cum vino sincero, sed cibario, sext. i dabis. Præterea piperis aliquantulum, & pelliculam de ventre pulli siccata in furno & tri- tam cum vino dabis.

LIII. Vomicæ plerumque animalibus nascuntur intrinsecus. Cujus passionis signa sunt ista: Cum accubuerit, difficile surgit, os ei graviter olebit, incumbet in eo loco, a quo vexabitur, tussiet, & purulentum exscrebit interdum. Turis uncias duas, aristolochiæ uncias duas in uno cum vino tepefacto per nares degeres. Item sulphuris vivi uncias duas, aristolochiæ unciam semis, similiter dabis. Cibo autem maxime sustentandum est, ut habeat corporis nutrimentum. Et cum ruperit vomicam, cauteriis circa pectus aduris, ut facilius provocatus humor emanet.

LIV. Passio, quam Græci ecdermiam vocant, Latini coriaginem appellant. cuius ista sunt signa: Macescet, & sine febre non erit, corium illius adhærebit costis, spina fit durior, in dorso ejus non-nunquam furunculi exire consueverunt: magis etiam, quam assueverat, appetit cibos. Cujus ista curatio est: Thymum & sales cum vino rubro conteris, & tubera, si qua in eo sunt, confricas. Parabis etiam aliam unctionem: picem, ceram, resinam cavealem, & turis pollinem ex oleo veteri temperabis ac decoquies, totum animal confricando diutissime perunges. Sed parum est unione corio mederi, nisi potionibus & intrinseca curentur. Piperis

albi triginta grana, myrrhæ semiunciam, vini odo-  
rati veteris cotylam, olei viridis cyathum unum  
admiscebis & per os digeres. Item fasciculos rutæ  
viridis atque purgatæ & opopanacis unciam unam  
in cotylam vini & olei viridis cyathum admisces,  
& dabis in potu. Quod vitium ex perfrictionis in-  
juria, aut ex coactione alicujus necessitatis descen-  
dit. Aliquanti suis non vetulæ, sed novellæ sanguini-  
nem vino permixto ad cornu faucibus degerunt,  
ignorantes, si plus sanguinis fuerit, continuo ani-  
mal interire. Cautius est, hac magis potionē cura-  
re: Cepas germanas & semen rutæ pariter admis-  
ces, & deteres, ex quo uncias tres cum vini cotyla  
per dies singulos dabis, usurus curationibus, quæ  
conveniunt roborosis.

LV. Syntexin animalia patiuntur & homines:  
quæ valetudo his declaratur indiciis: Cotidie te-  
nuantur, & macie ossa eminent, multum mandu-  
cantia esuriunt semper, quidquid invenerint, ten-  
tant fame cogente corrodere, durum sterlus emit-  
tunt, trahunt longam ac miserabilem vitam, ut nec  
surgere valeant. sed jacentia, fatigata, multumque  
manducantia fame moriuntur. Omnis enim esca,  
quam sumserint, ad sterlus, & omnis potus con-  
vertitur in urinam: nullus ex his succus, nullum  
alimentum pervenit ad medullas: propterea quod  
stomachus eorum nimio rigore perstrictus, nec co-  
quere poterit, nec epati aliquid propinare, in quo  
tota virtus ad nutriendum corpus per dispensatio-  
nem ciborum, & sanguis præparatur. Tabescit sem-  
per, jecurque ejus minuitur ad similitudinem ar-

boris, quæ, radicibus ex majori parte præcisis, cum  
 a parvulis aliquamdiu sustentata portaverit fron-  
 des, celeriter exarescit. Quorum manifesto pericu-  
 lo hac ratione tentatur occurri: Inter principia fa-  
 cies unctiōnem, ceræ libras duas, resinæ terbenti-  
 næ libram, medullæ cervinæ libram, axungiaæ ve-  
 teris sine sale libram, propoleos felibram, irisilly-  
 ricæ libram, samsuci librām, olei laurini, quantum  
 satis fuerit, decoques carbonibus lentis, & ad ce-  
 roti mollitiem percolabis, cui adhuc tepenti mi-  
 sces pulverem irisillyricæ & cretae Cimo~~o~~, do-  
 nec infrigescat, agitabis. Ex quo medicamento to-  
 tum jumentum perunges, & multorum manibus  
 confricabis, donec calefiat & sudet. Quod interpo-  
 sito triduo convenit fieri, ita ut coopertum ani-  
 mal sit, & cotidie paulatim exerceatur, ut digerat.  
 Cui hæc præparabitur potio: Abrotani uncias qua-  
 tuor, santonici uncias quatuor, trixaginis uncias  
 quatuor, chamæpityos uncias quatuor, gentianæ  
 uncias duas, murrhæ uncias duas, opopanaxis un-  
 cias duas, ejusdem radicis, succari semiunciam, ru-  
 tæ aliquantulum, omnia bene tundis & cribras. ex  
 quibus duo cochlearia in vino veteri decocta cum  
 succo ptisanæ, in quo acro decoctus est, admisce-  
 bis. adjunges etiam ervi pollinis cochlearia duo:  
 quæ cum per novem dies continuos dederis, inter-  
 mittis aliquamdiu, ut vires colligat & resumat, &  
 per singulas periodos alternis curabis. Nec cessa-  
 bis, donec sanitas redeat. Diebus autem vacuis of-  
 fas ex farina triticea in lacte conspersa ad substan-  
 tiam degeris. furfures quoque triticeos & paleas

ARTIS VETERIN. SIVE MULOM. 401

dabis: hordeum non dederis, nisi fortassis infusum,  
denegabis etiam herbam viridem, donec reparare  
cœperit corpus.

LVI. Isterici ista sunt signa: Oculi virides, de  
quibus profluet lippitudo, ad similitudinem fabæ:  
indurescit corium, fit horridum pilis, insequitur fa-  
tigatio, ambulans genibus claudicabit. His sanabi-  
tur medelis: Panacis Syriatici & apii seminis fin-  
gulas libras contundito atque cibrato, & cum mel-  
lis Attici libra misceto, tunc aquæ, in qua lupini  
crudi fuerint decocti, sextario, ex medicamento  
superius descripto, quatuor cochlearia miscebis,  
& in potionē dabis per dies quinque. Si tardius  
adjuvat, vini sextarios tres in pultario novo, ca-  
nnini stercoris albi uncias tres admisceto, & ponito  
sub divo, ex qua potionē quinque diebus per os  
degeres. Præterea aquam, in qua ciceres decocti  
fuerint, & stercus caninum simili ratione præbebis.

LVII. Strophi diversæ causæ & diversæ sunt cu-  
ræ. cuius ista sunt signa: Volutatur, patitur torsio-  
nes, ilia sibi respicit, stercus durum assellat, ter-  
ram pedibus tundit dolore cogente, intermissis ho-  
ris refrigerationem sentit & requiem. Hac potionē  
curandum est: Acori, anisi, opopanaxis, singulas  
libras pariter contundis & cernis, ex quo pulve-  
re duo cochlearia in vini veteris sextario, & olei  
pondio semis admiscebas, & tepidum per os dabis  
triduo. Si strophosus fuerit, & non facit ventrem,  
caudam inter coxas suas mittet, & ad ventrem  
suum conversus attendet. cui pulverem de semine

rutæ silvaticæ cum vino per os dabis. Præterea cerasus decem veteres, ficus siccæ scrupulos octo, nitri scrupulos quinque, stercoris columbini scrupulos quatuor, ex quibus, addita urina, collyria facies, & bina vel terna in anum immittes. Si vero fortius venter indueruit, convenit adhibere clysterium, sed prius ventrem aqua calida perforebis. Tunc succum Cantabricum, in quo fuerint betæ malvæque decoctæ, cum nitro & hemina olei, & columbini stercoris quatuor scrupulis, primum constitues, & per anum injicies jumento, ita ut post clysterem inambulet aliquantulum. Alii sumum leporis cum novem cochlearibus mellis, & quindecim granis piperis, addito caulinum succo, per os salubriter defundunt.

LVIII. Jecoris dolor solet infestare jumenta. cuius ista deprehenduntur indicia: Cibi fastidium, potus appetentia, ventris inflatio, macies. Cui primo tremoris ptisanæ sextarium unum, cum olei rosacei tribus cyathis per os degeres. Si passio permanet, alia potionem curabitur. Apii seminis uncias tres, hyssopi uncias tres, abrotani unciam unam, allii viridis, quantum sufficit, vel siccii paulo minus, si viridem abnegat tempus, ex vino optimo ad tertias decoquies. per aliquot dies potionem das. Similis quoque hujus passionis est ratio. Sine febre enim animal non erit, nec facile cibum conficiet, testiculus dexter tumebit & indurescet. Cui ista subvenit medicina: Fœnigræci cyathos quatuor mittis in aquæ fontanæ sextarios quatuor [i. grana triginta] & decoques ad tertiam partem. he-

mina per os data potionē curabis. Nonnulli turis drachmas duas tritas cum vino , quantum sufficit , miscent , & inde totum corpus multorum perficitur manibus , faccis cooperiunt , ut sudet.

LIX. Inflatio ventris interdum jumenta non sine dolore conturbat. Cujus passionis ista sunt signa : Testes eorum sudabunt , alternis pedibus terram tundunt , subito inde alterna parte se convertunt , caput ad ilia sua ponunt , tanquam qui locum doloris ostendant , gemitus interdum & tremor totius corporis insequitur. Hunc paulatim deambulare facies , manum unctam in anum mittes , & stercus extrahes. deinde sale & melle mixtis in anum infundes , ut assellandi augeat voluntatem. Si hiems fuerit , oleo & pice liquida lumbos & auriculas illius saturabis , hanc daturus potionem : Laurum viridem vel baccas ipsius , piper & cymimum , petroselini & foeniculi semen , semen agrii & nitri , quæ pariter admixta , tunsa & cibrata cum vino , & oleo tepido , & calidæ aquæ parvula portione potionabis , & deambulare compellis moderate , donec dolor cesset.

LX. Intestini quoque vexatio , quod colon vocatur , & inflationes & dolores consuevit inferre , quæ his agnoscitur signis : Cum ambulare coepit , prioribus pedibus transvaricat & dolore subglutit , & crebras deambulationes & calores stabuli , si diligenter etiam operiatur , diligere consuevit. Cui per nares suffundes laſer Cyrenaicum in vino tepido solutum.

LXI. Frequenter omni genere deformē vitium ;

### V E G E T I L I B . III

et non solum animalium partis accidit, tuffis  
aut. nec solum frumentis, interdum medi-  
camentis animalium curatur, interdum infan-  
tis non inventur. Difficilis autem curatiois  
est. non enim, ex quibus tuffis evenent, a  
medicamentis nec inferuntur, nec intelliguntur in-  
veniuntur. Quae medicamenta universis animalibus evo-  
luntur. quanto ceteris accidit, tanto studiosius cre-  
dentes experientur.

LXII. Exasperatio autem injuryia faciem gravissi-  
mam commovet tuffis, quoties aut pulvis, aut ani-  
ta, aut os, aut incrustans, aut lapilli, aut aliquid  
innotescit genitri. Quae res adeo periculosa est, ut,  
qui ciborum subveniantur, animalibus per impa-  
nemque animalium infusio generet. In sole igitur de-  
ligenter inserviat, si quid haferit, evelli ro. Ex te-  
pula etiam, aliis autem palvere, infusa spongia  
terrena. Deinde oculo rotaceo tepido cum lana obtu-  
so iacet, qui incognitum sustinet. Post dies  
terram hanc epis, eadem ex aqua calida sove-  
bitur. Si tale medicamentum imponis. succari scrup-  
ulose, aliannis colati scrup. i ex tepido vi-  
nacim, & sic exasperata sanabis.

LXIII. Ex perfidione quoque nascitur tu-  
cias ita sunt signa: Cum tuffierit, caput deori-  
nitur usque ad terram, & cum biberit, aqua ei-  
mures currit. Quam hac ratione curabis: Ma-  
nus ori inferes, mamum planam injicies, cor-  
nes in parte superiore quasi vesiculam, quar-  
gibus rumpis. Deinde tres pilulas bene co-  
agulata molifissimas facies, quas in subtilissim-

mento, hoc est, farina fabacea, convolves, & per os digeres. Deinde per triduum venaculo & sale perfribabis, & pastillos cum speciebus calidis & vino in potionibus dabis.

LXIV. Tussis a colibus si fuerit, his signis agnosctur: Coles injuriæ pleni sunt ac tumebunt, dum bibunt, continuo ruminant. Ovum in aceto acer-  
rimo mittis, resolutaque testa, ita ut integra mem-  
brana permaneat, pice liquida perunges, & fauci-  
bus degeres. Post alumen, axungiam, salem, in vi-  
no conteres, offas facies, & ex melle dejicies, ita  
ut aqua calida, &, si facultas suppetit, cum evisco  
decocta, assidue fomentare non desinas. Hanc quo-  
que potionem adjicies: Myrrhæ uncias duas, pi-  
peris albi semiunciam, nuclei pini purgati sexta-  
rium semis, uvæ passæ sextarium semis, mellis uncias  
tres, pastinacæ unciam unam, cariottæ viridis seli-  
bram, decoques pariter ex aqua, & addito vino te-  
pido quinque vel sex diebus potionare non desinas.

LXV. Ab interioribus gravior & pæne insanabi-  
lis tussis est, quæ hac ratione dinoscitur: Nares ju-  
menti præcludes, ut spiritum reddere non possit,  
tunc ilia ei inspecies: quæ si spissis pulsibus duxer-  
it, scito esse tussim ex causa jecinoris, pulmonis,  
vel præcordiorum, sed recentem. Si lentis pulsi-  
bus ilia duxerit & ventrem, indicat tussim de in-  
terioribus, hoc est, de his locis, in quibus inte-  
stina jumentorum ligantur, quorum tensione & in-  
juria compelluntur tussire. nam si cursu nimio vel  
latiore saltu convexata ilia fuerint, haec nascitur  
causa. Ex nimio quoque æstu, vel intolerabili fri-

gore interiora vitiantur, & faciunt tussicos. [Unde vulsi appellantur.] Sive igitur ex supra scriptis, sive ex aliis causis interioribus nata fuerint vulnera, etiamsi post sanitatem duxerint cicatrices, strictius tamen contrahendo se & asperitatem faciunt, & assidua titillatione perpetuam excitant tussim. Quæ causæ lenissimis medicamentis adjuvari vel suspendi aliquatenus possunt, persanari omnino non possunt. Hinc est, quod in herba viridi vel pascuis vulsorum vitia celantur. Sed omni tempore hæc compositio est salutaris: Fœnigræci heminam, feminis lini heminam, traganti unciam unam, turis masculi unciam unam, myrrhæ unciam unam, succari, ervi pollinis ana unciam unam tunsa & cibrata in calida infusa permaneant, altera die ex aqua tepida singulas cotylas dabis ad cornu, cyatho olei rosati permixto, per plurimos dies. Ex qua compositione recens causa sanabitur; vetus sentiet levamentum. Ad quæ vitia nunquam dederis anteriorum potionem, ne exasperet & decidat: sed lenem & simplicem, & refrigeratoriam. Cavendum etiam est, ne in tali passione unquam sanguinem detrahas. Plerique tracanton ex oleo dedere per biduum, tertio die decoctos raphanos atque contusos propinarunt cum vino, refrigeratorium pastillum addentes in æstate. Ad tussim diversæ sunt potiones, quas proprie omnes inferere necessarium duximus, ut pro qualitate passionum, medentis arbitrio remedia commodenrur. Farinæ fabæ frixaæ sextarios duos infundis in passi sextariis tribus, & in mortario diutissime contéres. piperis triti grana

triginta & sepi hircini libras tres pariter admisces, & omnia tusa & cribrata per os ad cornu per triduum dabis. Nonnulli vero duobus sextariis conditi fabæ frixaæ heminam ante triduum fundunt, post deterunt diligenter, & æquatis partibus per triduum degerunt. Aliis placet farinæ fabaceæ sextarium unum tribus sextariis vini veteris infundere, additaque olei optimi libra pariter deterere, ac dare per cornu. Si tussis ex rupturâ vel vulsione provenerit, anagallicum primo tundes, post herbam parietariam [pro duabus partibus] teneram admisces, adjunctaque axungia veteri conteres diligenter, & pastillos facies, quos impari numero & imparibus diebus cum resoluto butyro ac melle diffundes. Ad levem tussim viatoria sunt expeditaque remedia, porros decoquere, & cum herba parietaria bene tunsa miscere, factisque pastillis in ovo resoluto & oleo roseo, nec non & passo & melle convolvere, & per triduum dejicere, sucum ipsius juris, in quo decocti sunt porri, insuper dare per cornu. Item lafer [id est, opium Cyrenaicum] ad magnitudinem fabæ cum vino veteri deters & per cornu dabis. Tussi & gravedini capit is medebitur oleum roseum vel certe simplex, sed viride cum aqua calida per narem dextram per triduum diffusum.

LXVI. Vulsis glutinare creditur, si draganti uncias duas pridie infundas in calida, fœni quoque Græci heminam, lini seminis heminam, separatim infundas, die postero in eacabo decoquas & pariter teras, post medullæ cervinæ uncias duas, sepi hircini li-

bram , radicis drancontiae unciam unam , gentianæ  
 unciam unam , centaureæ unciam unam , sepi taurini  
 unciam unam contundes , & illis , quæ prius parata  
 sunt , addas : quæ omnia in mortarium mittes , & diu-  
 tissime conteres . Ad ultimum passi sextarios tres , &  
 aquam , in qua foenum Græcum vel semen lini fue-  
 rat infusum , adjicies & decoques , ac per triduum  
 ad cornu dabis . Graviter tuffientes & vulsi hac po-  
 tione recreantur : De masculo pinguis porcinus aero  
 decoquitur , donec omnis caro solvatur , abjectis-  
 que ossibus universis , cum jure , quo deserbuerant ,  
 & tribus sextariis passi & sextario prisanae rursus  
 in cacabum mittis . glutis taurinæ semiunciam ,  
 aceti acerrimi hemina dimidia conjungitur , & fer-  
 vet , ut quilon fiat . traganti unciaæ tres , lini semi-  
 nis & foeni Græci unciaæ singulæ decoquuntur ex-  
 trinsecus & teruntur : adjunges etiam medullæ cer-  
 vinæ & sepi hircini uncias tres . quæ ad ultimum ,  
 cum omnia pariter calefacta fuerint & colata , fa-  
 cies potionem , ex qua per cornu dabis animalibus  
 diebus septem , aut novem : curaturus , ut tepefa-  
 ßam degeras , quæ ne spissentur , adjectio passi , &  
 aquæ illius copia , in qua cocta sunt semina , præ-  
 stat liquamentum . Aliquanti caput agnинum tam  
 diu decoquunt , donec omnis compago solvatur ,  
 abjectisque ossibus terunt , adjectoque ad jus ipsius  
 melle , diebus septem ad cornu digerunt . Quod si  
 tuffis ex faucibus veniat , myrrhæ uncias tres , car-  
 damomi unciam unam , nuclei sextarium , uvæ pas-  
 sae sextarium , deteres diligenter , additoque mell  
 agitando lentis carbonibus decoques . cum intepue

rit, pastillos ad nucis magnitudinem facies, quos ternos cum butyro diebus quinque vel septem degeres. Item si ex faucibus causa est, occisum pullum palpitantem aperies, & tollis ejus ventriculum, quem cum suo stercore calentem & integrum in melle convolves, & per canalem degeres. certissimum ac verum remedium est. Si exasperatio gutturis moverit tussim, murrhæ uncias duas, piperas uncias duas, feminis lini frixi & contusi sextarium, cardamomi semiunciam, uvæ passæ sextarium, nuclei sextarium, mellis pondo duo, diligenter trita commisces ac decoques, pastillos ad nucis magnitudinem facies, ternos in die degeres.

LXVII. Tussi, quæ ex acerbitate humorum pro-  
venit, tali ratione succurritur. In primis purgandum est corpus tussientis. Cucumerem itaque silvaticum vel radices ejus cum nitro Alexandrino conteres, adjunctoque vino vetere per os dabis ad cornu. Quæ potio cum laxaverit ventrem, post diem tertium squillæ validioris scrup. quatuor contundes, & optimi laferis, quantum fabæ patitur magnitudo, commisces, vinique odorati sextarium, & olei veteris libram addis, & cum diligenter omnia cribraveris, triduo per os defundes ad cornu. Iftis quoque suffimenti non minus, quam potionibus, adjuvabis: Sandarici uncias tres, asphalti uncias tres, allii & ceparum uncias tres. quæ cum pariter triveris, in tres partes æqualiter divides, & per triduum cooperto ori vel capiti subjectis carbonibus suffumiges, ut odor impleat nares. cuius tam oculos prius ligabis, ne medicamenti acerbi-

tate lœdantur. Herbæ quoque marrubii fasciculum, quam magnum volvēris, deters, & cum ovo & vino succido admisces, addita adipe cervina, vel si defuerit, vervecina cum cera resolvīs, & cum tepida ad cornu degeris. Gravissimæ subvenit tussi, si pilulas cypreffi decoquas, & purges diligenter, addita axungia, & anagallico, & foliis tenerioribus herbæ parietariae, contundas in pila, & pastillos ad nucis magnitudinem facias, quos quotidie impares cum melle & oleo & vino passo, ovis intinctos dejicies. Si placet pro pilulis etiam folia cypreffi contusa miscere cum omnibus supra scriptis, potes liquidiorem facere potionem, & dare per cornu. Ad omnes tusses talem dedere plerique potionem: Draganti, myrrhæ, spicæ nardi ana unciam unam detriversे sollerter, & cum duobus sextariis passi per triduum diffudere.

LXVIII. Ad arteriam exasperatam, & ad spasmum: Hyssopi libram, foeni Græci felibram, feminis lini, tracanti, anagallici, rutæ viridis singulas felibras, salis heminam dimidiā conteres, & usque ad tertiam decoques cum passo, tussienti per triduum, vulso per novem dies dabis. Alii petrofeli Macedonici unciam unam semis, dauci unciam unam, myrrhæ, spicæ nardi, costi, tracanti, singulas uncias, prius in multa tepida diffusas, acri, piperis, succari ana unciam unam, guttæ Ammoniacæ uncias duas, cassiæ unciam unam, pariter deterunt, pastillos ex multa faciunt, post cum passo dejiciunt tediāti. Ad tussim veterem & ad susprium, vel anhelitum, & ad synanchen mox dede-

ris storacis rubeæ uncias tres, myrrhæ trogloditis  
uncias duas, opopanacis uncias duas, irisillyricæ  
uncias duas, galbani uncias duas, resinæ terbentinæ  
uncias tres, herbæ symphoniacæ unciam unam,  
pariter commisces & deteres, pastillos facies cum  
melle. Præterea axungiaæ libram semis, Caricas  
quindecim, pineam combustam, & in pulverem  
redactam, liquaminis optimi heminam, mellis li-  
bram cum caulinis excoctis, offas faciunt, &  
cum passo degerunt. Aliquantum hederæ folia, item  
populi albi folia, æquo pondere deterunt, & cum  
vino albo per nares defundunt. Alii rutæ folia cum  
melle deterunt, & cum vino optimo per nares de-  
fundunt. Alia. Cucumeris silvatici folia feno mi-  
scant, radicemque ipsius contundunt, & cum lini  
semine & hordeo commixta offerunt. Experimento  
probatum est tussim suspiriumque sanare, si sul-  
phur vivum & rosmarinum cum melle & vino ve-  
teri per sinistram narem degeras. Aliquarum panacis  
radicem detritam cum vini optimi hemina & tri-  
bus cyathis olei, per cavernas naris sinistræ in-  
fundunt. Præterea rosmarini scrup. quatuor, myr-  
rhæ scrupulos duos, cum vini veteris sextario, olei  
hemina, per nares triduo defundunt, ita ut in die  
detur hemina. Anethi acetabulum, irisillyricæ ace-  
tabulum, rutaæ scrupulum unum, olei heminam di-  
midiam per os digerunt. Susprium quoque ac tus-  
sim relevat, si radicis mori scrupulum unum, her-  
bæ heliotropii uncias tres, diligenter conteras, &  
cum hemina vini candidi per os defundas. Recens  
quoque tussis experimento curationis sedatur. Len-

tis sextarium semis emolis, farinamque mollissimam facies, ex qua singulas heminas cum singulis heminis aquæ per os per triduum degeres. Vetus autem tuffis abولي creditur, si cyathos tres ex succo porri cum hemina olei pluribus diebus per fauces defundis. Tuffientes ac vulsi hac potionē curantur: Panacis radicis uncias duas, sulphuris vivi unciam unam, turis masculi uncias duas, myrrhæ troglodytis unciam unam commixta in pulverem rediges, ex quo duo cochlearia cum duobus ovis, addita vini veteris hemina, diebus quinque vel septem per os dabis. Expertum dicitur, ulmi cinereum levissimum, id est, favillam aqua tepenti permiscere, & olei boni æquam mensuram addere, junctisque tribus ovis, diebus, quot volueris, dare per fauces.

LXIX. Validissima contra tuffim & vomicas compositio est: Succi marrubii expressi heminam, caricas siccas xxv, mellis Attici, vel cymini sextarium semis, in olla nova ad medium decoques, post myrrhæ troglodytis uncias duas, dauci unciam unam, cassiæ fistulæ unciam semis, cinnami semiunciam, turis masculi unciam, aristolochiae uncias duas, opopanacis unciam, irisillyricæ unciam semis, radicis panacis unciam, universa conterito atque cribrato, & supra medicamentum, in quo mel & ficus coxeris, mittito, & studiose agitans fervore facito paulatim carbonibus lentis, post in pixidem plumbeam vel ligneam condito, ex quibina cochlearia cum hemina vini per os quotidie degeres. Vulsis vel tuffientibus prodest singulos sex-

tarios lentis, fœni Græci, & lini seminis frigere separatim, & pulverem facere, & de singulis speciebus singula cochlearia cum succo anagallici, & succo plantaginis, quantum volueris, addito vino, per os dare.

LXX. Ut diversæ causæ sunt, ita & difficiles curæ. Quapropter studiose, quæ experimentis nostris vel aliorum probata cognovimus, intimamus. Ad unum itaque animal talis potio præparatur: Fabæ frixa sextarium fine sale cum aqua decoques, quemadmodum hominibus confuevit apponi. Præterea fœni Græci sextarium separatim mittis in cacabum, & cum fervore cœperit, primam aquam fundes, post addis aquæ sextarios quinque, caricas viginti, liquiritiæ uncias duas, tantum fermeat, donec quatuor sextarii remaneant, tunc fabam istam coctam & fœnigræcum cum caricis vel liquiritia in mortario diligenter deteris, addis insuper butyri, sepi hircini ana uncias duas ad calorem diligenter resolutas. quæ cum omnia miscueris, addito jure, in quo fœnum Græcum decoferis, tepefacta, per cornu plus quam singulas heminas diebus singulis faucibus digeris. Quod si spissiorem videris potionem, tantum passi addis, ut possit per cornu exire. Barbarorum usus adversus tussim invenit salutare remedium. Radicem herbæ, cui nomen est inula, quam Campanam plerique appellant, colliges, in umbra siccabis, postea deteres, in pulverem rediges, ex quo terna majora cochlearia in singulos sextarios vini veteris pridie infundis, & cum bene agitaveris, claudes, ne odor

herbæ salutaris exhalet; per os triduo, vel quot volueris diebus, degeres. Item alia. Lentis Alexandrinæ, fœni Græci, lini semenis, heminas singulas decoquis, addisque ei traganti unciam semis, pridie in tepida infundis, & anagallici uncias tres diligentissime resolutas, quæ cum omnia in mortario triveris, in cacabo novo cum tribus aquæ sextariis decoquis, exinde tertiam partem cum sextario passi tepidum per os dabis triduo continuo. sanare creditur vulsos. Si jumentum ex vulneribus faucium tussis urget, irisillyricæ unciam unam, piperis nigri semiunciam, succari scrup. unam, myrrhæ troglitis semiunciam, turis pollinis semiunciam, traganti prius infusi & triti unciam unam, ova quinque cum passi sextario commisces, & triduo per fauces degeres ad cornu. Post mel, butyrum, axungiam, salem & piculam commisces, offas facies, & in passo intinctas degeres. Si ab internis intussierit, succi ptisanæ heminam, defruti cyathum misces, & per triduum dabis. Si gravius tussierit animal, fabæ frixa & coctæ sextarium, sevi hircini uncias tres, allii capita tria pariter decoquis, & in mortario deteris, & cum passo dabis. Curat autem vulsos & ruptos: Fœni Græci sextarium unum, cum viginti caricis, fasciculo apii, & fasciculo rutæ in aqua ad medium decoquis, ita ut post modum traganti resoluti uncias tres, & anagallici contusi uncias tres, & allii tres adantur, & omnia conterantur, offulisque ad nucis magnitudinem factis, ternæ, quinæ, septenæ per triduum degerantur.

LXXI. Scabies jumentis deformem passionem, & interdum periculum generat. Contagiosa namque est, & transit in plures. Cui nascenti medicamentis non oportet occurrere, ne præclusa cute in visceribus residens convertatur in morbum. Sed ut eruperit foras, primo purgatio ventris adhibetur, si pulverem ex cucumere silvatico cum vino faucibus animalis infundis, vel certe, si radicem concisam copiose cum hordeo subministres. Quod cum ex ratione processerit, interposito triduo, aliquantulum fanguinis, si caput & collum scabies infestat, de cervice detrahes. Si vero scapulæ, vel armi, aut pectus in causa est, de brachiolis sanguis emititur. Cum spinam, vel lumbos, aut coxas papulis æstuans prurigo pervaserit, de femorum venis sanguis emititur. Asphaltum, sulphur vivum, picem liquidam in butyrum æquis ponderibus pariter deteris, & in sole diutissime confricans totum jumenti corpus perungis. aceti acris sextarium, piculæ uncias quatuor, cedrinæ uncias quatuor pariter decoquis, scabiosum animal ex lotio humano & calida permixta diligentissime perfricaturus, tunc penicillo in fuste ligato medicamentum inducis in sole. asphaltum & sulphur æqualiter conteris, addita adipe porcina, & olei veteris tantundem, quæ cum decoixeris, perunges in sole. Adipis libram, sulphuris vivi uncias duas, bituminis unciam unam, olei selibram, picis liquidæ cyathos duos, omnia conteris & decoquis, & perungis, sicut supra scriptum est. Lotii veteris humani, fæcis scrup. quatuor, stercoris ovilli selibram, olei heminam, sul-

phoris vivi uncias tres, picis liquidæ cyathos tres, omnia coquere & decoque, & in sole calido animal fonsel in die perunge. Bituminis pondo duo, sulphuris vivi libram, cera libram, manna turis felibram commiscere in oleo, in quo prius fasciculos anchazie decoctus est, & perungis in sole. Alia. Si manus habent integras vires, ranas in aqua decoquas, usque earum colligis, & cum polline lenticulae, adipe & oleo permisces, tepefacto perungis. Item illa Cacumenis silvatici radices lavas & maculas, in caco novo cum oleo, quantum sufficit, decoquas & eritis. Sulphur quoque cum vino decoctum traxilliter juvat. Si veruitate scabies occidit, prius obdardita ferro vel testis ad vivum est, intraper humano locio cum aqua marina vel sanguine morto coquendam est. post sulphuris, bituminis, picis liquidæ, arangiae veteris, sepi caprae, cera, aluminis spissi, singulas libras commiscere, & decoctas, & sic animal perungis in sole. Folia racemosas cum oleo vetere decoquas, aqua pice liquida, & aceto, & cera cerana est ex experimento remedia. Memineris tamen ut omni usione, contra pilum jumentum in sole ducere esse coquendam.

LXXI. Viscosa aliud cara vel mucidum forent ut deinceps non venient animalibus nocet, quodcumque sit. ut figura: Oculos habebunt vagos & levantes, quic gradus eorum erit incertus. Nas de recte aereadas est sanguis, de brachio de fluviorum fluxu, & positione [ ita, ] Caricis si non sunt illi curvatas, rursum detritis: absti-

nendi ab hordeo & feno : dandæ etiam diureticæ potiones.

LXXIII. Simili observatione curantur, quæ nimio hordeo aut malo lœduntur. Sed hæc etiam in aqua frigida adversus torrentem diutissime detinentur. Utrique remedium est, pelliculam de ventre pulli siccata fumo deterere, additisque octo scripulis piperis, & quatuor cochlearibus mellis, & uncias pollinis ex ture cum sextario vini veteris tepefacto per os dare.

LXXIV. Fascinatum animal triste est, gravatur incessu, macescit, &, nisi subveneris, incidet in morbum. Bituminis igitur & sulphuris parum cum granis lauri ex aqua defundis per nares. Præterea coriandum vel semen ipsius cum sulphure & teda carbonibus circumferes, ex aqua ferventi animal consperges, suffumigabis. Universis quadrupedibus remedium præstat ista suffumigatio, curat, atque morbis resilit.

LXXV. Adversus universas infirmitates & morbos equorum vel boum, ubi primum cœperint ægrotare, potio ista succurrit: Radix scillæ, radices populi, quæ græce appellatur shamnos (nam est fuscior & nubellula) & sales communes, quantum sufficit, mittes in aquam, eamque animalibus usque ad sanitatem dabis in potu. Quod si desperatas valetudines præoccupare volueris, ne unquam accidentant animalibus tuis, incipiente vere hanc illis præparabis potionem, & per quatuordecim dies continuos dabis in potu.

LXXVI. Ostendendum autem est, potiones ipsas  
Scriptt. R. R. Vol. III. D d

oportere cum ratione defundi. siquidem frequenter evenit, ut, dum animalia potionantur, tussiant, su- dent graviter, & tremorem muscularum omnium patientur, follicent etiam, & submisso capite se sustinere vix possint. Quod accedit, si quando per imperitiam [artis] dantis, potio in arterias & spirituales partes pulmonis resilierit. Unde fit & periculum praesens. Quare observandum est, ne tussienti jumento & pendenti adjicias potionem, sed statim [eum] solvas, paululumque deambulet, & magis ei alia potionem subvenias: aquæ tepidæ oleum rosatum commisces & agitas, & per os saepius das. Pusca quoque pulejata nares ejus fovebis, & emendabitur culpa. Observandum quoque est, ut subtracto hordeo & negato potu digerat animal potionem.

LXXVII. Plerumque a nocivis animalibus, id est, colubris, scorpis, phalangiis, & muribus cæcis animalia feriuntur, & in periculum veniunt. Cujus ista sunt signa: Fastidium ciborum, pedes trahuntur, &c, cum producuntur, succumbunt ad singulos gressus, per nares defluit sanies, gravedo nascitur capitum, ita ut dejiciatur ad terram, ad surgendum vel incedendum deficit corporis vires. Generaliter curatio ista succurrit: Locus, qui percussus est, ante omnia fumigandus est succensis testis ovorum gallinæ, quæ prius infundes in aceto, addito etiam cornu cervino vel galbano. Post suffimentum loca ipsa scarificabis, & sanguinem ex his emittis, vel certe candenti ferro comburis loca, quæ venenata pestis attigit. Observare autem

debes, ne aut supra articulos aut nervosis in locis in quacunque passione unquam cauterium imponas. Adustis enim nervis vel articulis, perpetua debilitas consequetur. Sed diligenter considera, ut aut superioris, aut inferius pusillum, quam nervi aut articuli sunt, cum necessitas fuerit, apponas cauteria. Animal autem, quod venenata bestiola tetigerit, expedit, ut sudet, & calidis cooperioriis involutum deambulet, & farinam hordeaceam in cibo sumat, additis frondibus fraxineis & vitibus albis. In plaga autem mel Atticum vel cyminum in vino veteri mixtum, calefactum oportet imponi. Nonnulli stercus suillum recens & mel Atticum cum vino miscent, & calefactum quasi cataplasma inducunt, addentes urinam humanam.

LXXVIII. Equus si buprestem comederit in foeno vel in pabulo, haec signa statim sequuntur. Venter ei inflatur, a cibis resilit, & stercora minutatim & frequenter reddit, qui statim sternendus est, & cogendus ad cursum. Post ei vena tangenda est de palato leviter, ut sanguinem suum defluentem transglutiat, assidue deambulet, triticum cum passo infusum, & porros afferes ad cibandum. Vinum autem tepefactum cum uva passa diligenter contritum ad cornu dabis eidem in potu.

LXXIX. Vipera si momorderit jumentum, ex morsu ejus pus consuevit exire. nam si prægnans erit, totum rumpitur corpus. Ad morsum tamen viperæ, vel phalangii, aut muris aranei, commune remedium est, terram formicarum cum vino miscere & dare per fauces. Vel certe de ipsa terra fre-

quentissime vulnera confricare. Ad quas causas etiam terra talparum creditur posse prodesse. Quod si in itinere , aut in locis , ubi defit copia fomentorum , necessitas ipsa contingit , piperis grana triginta cum sextario vini veteris tepefacto faucibus degeres. & herbam thymum tritam cum vino si dederis , prodesse creditur. Morsus viperæ vel cujuscunque serpentis ostenditur , si humor putidus de plaga incipit currere. Præsens remedium est , si hædum , vel gallum , vel agnum in recenti occideris , & calentes pulmones ejus cum sanguine , vel corde , vel jecore vulneri apposueris , diligenterque constringeris , ut omne virus educat : datus continuo potionem : Acori Pontici semiunciam tritam cum vini veteris sextario , salis triti heminam pariter misces , & tepefactum faucibus degeris. Si perseverat tumor , vitem albam silvestrem copiose comburito , & ex cineribus ejus lixivium facito , & in potionem triduo ad unum sextarium dato. Cinerem quoque ipsum cum acetō in modum cataplasmatis vulneri imponito. Si nihil profecerit , cauteriis urito , usta solemniter curato. Farinam quoque hordeaceam cum vino & sale , oleoque decoctam in cicatricem oportet imponi.

LXXX. Jumentum si in pabulo araneum comedenterit , hæc erunt signa : Totum corpus tumebit , sed circa auriculas , & oculos , & nares inflatio cum indignatione major appetet . cui hac ratione subvenis : De palato sanguinem tolles , eumque exceptum cum sextario aceti & hemina salis miscebis , & circa plagam vel loca tumentia perunges ,

diligenterque operies, ut fuder. Hac ratione sanabitur.

LXXXI. Si phalangius jumentum percusserit, his apparebit indicis. Stat ei veretrum præ dolore, & videbis velle mingere. cui ista ratione subvenies: Piperis unciam unam, pyrethri unciam, uvæ silvaticæ unciam, terito, & cum vino veteri per fauces dato.

LXXXII. Mus araneus pestis venenata, & tam equis, quam bobus, noxia, atque ideo, cum captus fuerit, mersus necabitur in oleo, ibique in putredinem vertitur, ex quo medicamento, cum animal mordetur, plaga linitur, & curatur animal. Vel si inventus non fuerit, cymimum tritum cum pice liquida axungiaque miscetur, ad spissitudinem malagmatis coquitur, impositumque a periculo liberat & sanat. Quod si in suppurationem fuerit plaga conversa, lamina ferrea candenti aperienda est, &, quidquid vitiosum est, inurendum, atque ita pice liquida vel oleo curandum. Ne autem mus araneus animal mordeat, ipsum animal vivum de creta circumdabitur, quæ cum induraverit, suspenditur in collum, & non contingetur a morsu. certissimum est. Adversus morsum comprobatur allium tritum cum nitro, &, si nitrum defuerit, cum sale & cymino permiscere, atque ex eo pulvete loca, quæ morsu contacta sunt, confricare. Quod si eruperint vulnera venenata, hordeum combustum in pulverem rediges, & diluto aceto vulneri insperges, & hac ratione sola curabis: datus potioñem, pollinem tritici, hordeum, cedriam, & vini

sextarium per fauces degeres. Quod si prægnans mus araneus fuerit, qui percussiterit, his agnoscitur signis: Pustulæ per totum corpus exeunt; sed simili, ut supra scriptum est, ratione curabitur.

LXXXIII. Scorpius si jumentum percussiterit, his agnoscitur signis: Genua contrahuntur, claudicat, non manducat, de naribus fluent pituitæ virides, ut accumbit vix resurget. Simili ratione curatur, sicut serpentis ac viperæ morsus: Stercus tamen asinum velocius in plagam oportet imponi.

LXXXIV. Canis rabiosi morsus & jumentis & hominibus exitium inferre consuevit, usque eo, ut ipsos, qui contacti fuerint, hydrophobos faciat & convertat in rabiem, qui hac ratione curantur: Locus, qui morsus est, ferreis, vel, quod utilius est, cuprinis cauteriis urito, in loco tenebroso eum constituito. Sic etiam eum alligabis in tenebris, ne aquam videat. Quod si canem ipsum occidere poteris, jecur ejus decoctum dabis ad manducandum, vel detritum fauibus degeres. Foeni quoque flores combures, & cum axungia veteri deteres, & ad morsum appones, salutare remedium est. Sed specialiter prodest, si radicem cynorhodon, id est, herbæ, quæ appellatur rosa canina, effoderis, & lotam prius atque contusam diligenter, sive homini, sive animali, quod rabiosus canis morderit, in plaga apposueris, contritamque cum vino veteri propinaveris quotidie ad bibendum. Hac enim sola ratione nec hydrophobus fiet, &

imminens discrimen evaderet. Canis rabidi morsibus subvenit, si tres scrup. nitri, Judaici bituminis scrupulum unum, tritum cum hemina vini veteris serpentis triduo per os degeras. Sambuci quoque grana vel succum de foliis aut de cortice exprimes, & cum vino veteri dabis in potu. Sed tunc efficax est hæc potio, si de eo sambuco dederis, quod non in terra, sed in alia arbore fuerit innatum.

LXXXV. Si fimum gallinarum animal in hordeo comederit, vel foeno sumserit, quasi a venenatis bestiis percussum cruciatur continuo, internorum dolor & inflatio subsequitur, ad similitudinem quoque strophi & voluntatio ac tuffis asperrima. Adversus quam necessitatem, apii semenis deteris uncias duas, & cum vini veteris sextario, & hemina melis temperas, & per os defundes, & tam diu deambulare compelles, donec potio ventrem moveat. Quod si nimius dolor etiam obrobatio fuerit subsecuta, baccharum lauri libram, nitri felibram, aceti sextarios duos, olei sextarium, diligenter trita permisces, & ad focum calefacies, & in loco calido per triduum unges, & contra pilum diligenter fricabis, certissimum datus ex sudore remedium. Adversus hujusmodi casum physicum remedium experimenta docuerunt: Pullum si occideris vel gallinam, ventremque ejus crudum, & adhuc calentem, cum stercore suo equo vel mulo involutum melite digerere per fauces. optimum creditur. Tres pilulas gypsi cum vino veteri deterere, & te-

424 VEGETII LIB. III. ARTIS VETERIN.

pidum per os dare , eadem optime sanare firmatur.  
Lixivium quoque de arbore ulmi , vel cuiuscunque generis ligni cinerem , dummodo bene cretum , cum oleo miscere , ac liquidum & tepidum defundere per fauces , physicum & salutare laudatur.

---

D

VEGETII RENATI

ARTIS VETERINARIÆ

SIVE

MULOMEDICINÆ

L I B E R I V.

P R A E F A T I O.

**S**OLEMNIS excusatio negligentium est, dispendia ex dissimulatione venientia Deo imputare vel causibus. Minus namque peccare se credit ignoravia, si id, quod ipsius culpa accidit, ad potestatem incipiat deferre fortunæ. Sic de ægrotantibus dicitur morituros, &c, si medicina cesset, evadit. Cui disputationi, quia non solum iners, sed etiam impia est, non libenter assenserim. Malo enim nihil expertum relinqui, quam si quid calamitatis evenerit, avaritiæ vel dissimulationibus imputari. Sed fortasse aliquando vera [illa] videantur in homine, qui divina providentia ac dispositione fatorum creditur regi. Animalia vero, cum quibus divinitas nihil dignatur habere commune, nisi hominum studio impensisque currentur, absque ambiguitate depereunt. Quid enim jumentis spei supereft, quæ divinitas fore respuit, si hominum medela cessaverit? Sæpe

accidit, ut neglectis animalibus, quæ primo cum perirent morbo, contactu crescens pestilentia greges integros perimat, cum polluta a languidis paucua, infectique fontes, ita nocent, quasi in venena vertantur. Postremo ægroti odor cum sanorum impleverit nares, ipso foetore visceribus inferet morbos. Sic ad pullos mors a matribus corrupto lacte transmigrat. Sic in numerosis stabulis quamvis vile jumentum, si contagiosam semel suscepereit passionem, veloci transitu pretiosa quoque jumenta consumet. Sed adversum omnia diligentia, studium, herbarum potestas, curandi scientia, prodeesse consuevit. Sicuti medicorum prima doctrina est humani corporis partes organorumque cognoscere, ita necessarium Mulomedicis, de ossibus, de nervis ac venis jumentorum universa perdiscere. Neque enim curare rationabiliter potest, qui qualitatem rei, quam curat, ignorat.

## C A P U T L

**J**UMENTUM igitur habet in capite ossa duo, a fronte usque ad nares alia duo, maxillaria inferiora duo, dentes quadraginta, id est, molares quatuor & viginti, caninos quatuor, rapaces duodecim. In cervice autem sunt spondyli septem, spatulæ renum sunt octo. a renibus usque ad anum septem, muscarium habet commissuras duodecim. In armis prioribus sunt ragulæ duæ. ab armis usque ad brachiola duo. A brachioliis usque ad genua duo. In genibus parastaticæ duæ. a tibia usque ad arti-

culos duo. Bases quæ appellantur , numero duæ. Usque ad pumices ungułæ ossa minuta sedecim , in pectori unum : costæ tamen in interioribus triginta sex. Item a posterioribus a cumulari usque ad molaria duo ; a molaribus usque ad vertebrae duo , costales duo. Ab acrocoleio usque ad gambam duo ; a gamba usque ad cirros tibiales duo , minuta usque ad ungułas sedecim. Et sunt ossa omnia centum septuaginta.

II. Nunc mensuras numerumque membrorum oportet exponi. In palato gradus sunt duodecim. Longitudo linguæ habet pedem semis. labrum superius habet uncias sex , inferius uncias quinque , maxillæ singulæ uncias denas : a cirro frontis ad nares habet pedem. auriculæ singulæ continent uncias senas. In oculis autem singulis unciae quaternæ. a cirro , ubi definit cervix , usque ad Mercurium continentur calculi octo. Spina continet subter spatulas triginta duas. a commissura renum (quod cumulare dicitur) usque ad imum muscarium commissuræ sunt duodecim. Sagulæ longicia uncias duodecim ; ab armis usque ad brachiolum uncias sex , a brachiolis usque ad genua longitudine continent pedem ; ab articulis usque ad ungułas uncias quatuor ; in longitudinem vel prolixitatem pedes sex. Hæc eumetria equi convenit stature honestæ ac mediæ. Ceterum non dubitatur , in buricis minoris ista , & in primæ formæ equis esse majora.

III. Nervorum quoque numerus , qualitas , ac mensura pandenda est. A mediis naribus per caput , cervicem , ac medium spinam , usque ad imum mu-

scarium descendit filum duplex, quod continet pedes duodecim. duo nervi in cervice palmarii continent pedes quatuor. ab armis usque ad geniculum nervi duo. a geniculo usque ad basin nervi quatuor. In prioribus sunt nervi decem, in posterioribus decem. a renibus usque ad testes nervi quatuor. fiunt in se omnes nervi triginta quatuor,

IV. Consequenter venarum quoque indicandus est numerus. In palato venæ sunt duæ, suboculares duæ, in pectori duæ, de brachiolis duæ, desub cirris quatuor, de talis duæ, de coronis quatuor, de feminibus quatuor, de femoribus vero duæ, desub gambis duæ, de muscario una, venæ matricis in cervicibus duæ. fiunt pariter venæ undetriginta.

V. Aetatem jumentorum ex dentibus aliisque signis oportet agnosciri, ne vel ementes imperitiæ subeamus incommodum, vel curantes ægrotantis ignoremus ætatem: quia sicut hominibus, ita & equis, aliud convenit, cum jumenta sunt fervida, aliud cum senectute jam frigida. Manifestum est autem, notas corporis cum ætate mutari. Pullis enim bimis & sex mensium, medii dentes superiores cadunt, quos lactantes vocant. cum autem quartum annum agere cœperint, decadentibus his, qui canini appellantur, alios supponent. Deinde intra sextum annum molares cadunt. Sexto anno quos primo mutavit, exæquat. Septimo omnes expletur æqualiter, & ex eo cavatos habere incipiunt dentes, nec postea, quot annorum sint, sciri ad fidem potest, nisi signis aliis, quæ usus edocuit. Decimo namque anno tempora cavari incipiunt, & super-

cilia nonnunquam canescere. Duodecimo anno nigrredo in medietate dentium apparet. Plerique afferrunt, domitis & freno affuetis animalibus rugas, quae in labris sunt superioribus, computandas, ita ut ab angulo, ubi incipit morsus, incipientes, usque ad extremum labrum perveniamus; quia annorum numerum, rugarum numerus ostendit. Prostremo rugarum multitudine, tristitia frontis, dejectione cervicis, pigritia totius corporis, stupore oculorum, palpebrarumque calvitie senectus ipsa se prodit.

VI. In permundandis equis vel distrahendis, maximam fraudem patriæ solet afferre mendacium. Volentes enim carius vendere, generosissimos fingunt. Quae res nos compulit, qui per tam diversas & longinquas peregrinationes equorum genera universa cognoscimus, & in nostris stabulis saepe nutritivimus, uniuscujusque nationis explicare signa vel merita. Nam ut vilia ministeria taceamus, equos tribus usibus vel maxime necessarios constat, proeliis, circō, sellis. Ad bellum Hunniscorum longe primo docetur utilitas patientiae, laboris, frigoris, famis. Toringos deinde & Burgundiones injuriæ tolerantes. Tertio loco Frigiscos, non minus velocitate, quam continuatione cursus invictos. Postea Epirotas, Samaricos, ac Dalmatas, licet contumaces ad frena, habiles armis [ac bellis] asseverant. Curribus Cappadocum gloria nobilitas: Hispanorum par vel proxima in circō creditur palma. Nec inferiores prope Sicilia exhibet circō, quamvis Africa Hispani sanguinis velocissimos præstare consueverit. Ad usum sellæ Persis provinciis omni-

bus meliores præstat equos, patrimoniorum censibus æstimatos, tam' ad vehendum molles, & piros incessibus, nobilitate pretiosos. sequuntur Armeni atque Saphareni, in qua nec Epirotas Siculosque despexeris, si mores ac pulchritudo non deserat. Hunniscis grande & aduncum caput, extantes oculi, angustæ nares, latæ maxillæ, robusta cervix & rigida, jubæ ultra genua pendentes, majores costæ, incurva spina, cauda silvosa, validissimæ tibiæ, parvæ bases, plenæ ac diffusæ unguilæ. illia cavata, totumque corpus angulosum, nulla in clunibus arvina, nulli in musculis tori, in longitudine magis, quam in altitudine, statura, propensior venter exhaustus, ossa grandia, macies grata, & quibus pulchritudinem præstet ipsa deformitas: animus moderatus & prudens, & vulnerum patiens. Persis & statura & positio a ceteris equorum generibus non plurimum differt, sed solius ambulaturæ quadam gratia discernuntur a ceteris. gradus est minutus & creber, & qui sedentem delebet & erigat, nec arte doceatur, sed naturæ veluti jure præstetur. Inter colatorios enim, & eos, quos totonarios vulgus appellat, ambulatura eorum media est, & cum neutris sint similes, habere aliquid creduntur ab utrisque commune. His, sicut probatum est, in brevi amplius gratiæ, in prolixo itinere sevior patientia, animus superbus, &, nisi labore subjugetur asiduo, adversum equitem contumax. mens tamen prudens, &, quod mirum est, in tanto fervore cautissime decoris est observantior, incurvata in arcum cervix, ut mentum recumbere videatur in pectore.

VII. Aetas longæva Persis, Hunniscis, Epirotis, ac Siculis: brevior Hispanis ac Numidis. Frequens opinio est, Barbaricis nulla adhibenda medicamina, quod usque adeo naturæ beneficio ægroti convalescant, ut eis nocitura sit cura. Sed falsa erat ista persuasio. nam quanto fortiora membra sunt, tanto diutius vivunt, si ex arte veniens medela non desit. Spadonibus tamen inter auctores constitit sanguinem de matrice nunquam, nisi forte ex nimia & extrema necessitate, tollendum: propterea quod caloris maximam partem cum testibus amiserunt. De palato tamen, si non impedit negligentia, omnibus prope mensibus tam spadonibus, quam testiculatis, minuendus est sanguis. Admissarii vero si cohibeantur a venere, nisi dematricati fuerint, cæcari sæpe dicuntur: quamvis eo anno, quo admissum faciunt, non sit eis vena laxanda, ne generationi intentum corpus cura geminæ necessitatis exhauriat. Studiosis equorum quæ cura stabuli, qui alimentorum cultus, quæ observationis sollicitudo præstanda fit, primus ac secundus indicat liber. Nunc, decursis omnibus his, quæ hujus artis doctrina poscebat, ad compositiones necessariarum potionum medicamentorumque descendimus, in quibus & explorata congeffimus, & ea, quæ non tam ad utilitatem curandi, quam ob caritatem emendi, mulomedicorum cupiditas inflaverat, submovimus. Constat namque, non tam multis neque pretiosis speciebus, sed paucis, & ad causam, de qua agitur, accommodis posse sanari. Primum igitur ut pinguia sint jumenta tam in curuli-

bus, quam in sellaribus, decet: deinde, ut sana permaneant: post, ut ægrotæ curentur, confectiones (ut dictum est) medicaminum proferemus electas ex auctoribus multis, de experimentis manifestissimis approbatas.

VIII. Traditur Chiron ad reficienda jumenta, vel curanda, hanc edidisse potionem, quæ internos extergeat morbos, quæ tussim reprimat, vulgos ac tussicos curet. Ptisanæ sextarium, lini semenis heminam, croci unciam unam, intestinum porcinum recens, quod longanonem vocant, prius diligenter lotum, vel acronem: quæ si in præsentia forte non suppetunt, hædinum caput cum pedibus & intestinis ac ventre, & diligenter quasi ad hominum usus curatum, in cacabum mittis. addes superioribus hyssopi fasces duos, cochleas germanas purgatas quindecim, bulbos quindecim, ficus duplices viginti, rutæ fasciculum unum, baccharum lauri sextarium unum tritum, dactylos viginti, allii purgati capita tria, sepi caprini uncias sex, pulegii siccii fasciculum. Quæ omnia trita decoquias in aqua cisternina vel coelesti, donec liquefacta carne defluant ossa. sed aquam sæpius adjicies, ne medicamentum ustura constringat. Sed cum spissum videris, colabis, abjectisque excrementis & ossibus, tracanti uncias tres pridie calida infusas, ut inturgescat & solvi possit, adjicies, passi sextarios tres, ova cruda sex, olei rosaci ova plena sex, buryri resoluti uncias tres, anagallici uncias tres, amyli uncias tres, pulveris quadrigarii uncias tres, lomenti fabæ [ id est, farinæ ] sextarium. Hæc omnia ita temperabis,

ut per cornu defluant, & sextarios singulos jejunis animalibus per triduum dabis. & si volueris, septem diebus interpositis repetis, & das a capite potionem. Jumenta a morbis vindicat & custodit: Gentianæ, aristologiæ rotundæ, myrrhæ troglodytis, rasuræ eboris, & baccarum lauri æquis ponderibus pulvis immixtus, ex quo grande cochleare plenum sumis. Addes hyssopi triti scripulos quatuor, mellis vel passi uncias tres, vini sextarium, gisni resoluti pastillum unum, post cursum sive post laborem conditi bene piperati heminam adjicies, æstate roris vel absinthii tantudem, & per os dabis ad cornu. Si æstu animal fatigatur, pusciam cum pulegio trito misces, naresque & faciem confovebis: ova quoque trita cum hemina vini veteris optimi faucibus infundes, ut per ovi refrigerium vini virtus accrescat. Maciem languoremque depellit, si semiunciam sulphuris cum myrrhæ scripulis quatuor in pulverem resolutis ovum crudum & vini veteris sextarius addatur, frequenterque per fauces detur. Diapente est (ut supra retulimus) necessarium pluribus causis ac morbis, & semper diligentि confectione servandum. Gentianæ, aristolochiæ rotundæ, myrrhæ, rasuræ eboris, & baccarum lauri, de recentibus speciebus in unum redactis minutissimis pulvis, ex hoc febriendibus plenum cochleare cum tribus unciiis mellis, & aquæ tepidæ sextario, in qua radices junci, & apium sufficiens decoctum fuerit, per os dabis, ita ut triduo similiter cura procedat. Idem pulvis si ultra cochlearium cum sextario vini veteris & olei viridis hemina detur, animal a quibuslibet venenis, vel

*Script. R. R. Vol. III.*

E e

serpentum aut bestiolarum morsibus liberat. Cui si piperis atque pulegii, nec non etiam cymini pulveris, aliud cochleare addideris, & cum vini veteris sextario dederis, omne frigus expellit.

IX. Tussim quoque insanabilem cura cum hemina passi, & tribus uncias olei & ovo crudo, si per triduum defundis faucibus, addito fabæ polline, & foeni Græco binis cochlearibus. Præterea valde tussientibus prodest fabæ frixæ sextarius sine sale coctus, sepi caprini unciae tres, butyri unc. 3, allii purgati capita tria decocta cum succo ptisanæ, data per triduum. Quo medicamento validius creditur: Ficus siccæ pondera duo, foeni Græci sextarium, tracanti unciam, pridie in calida infusa, anagallici unciam, rutæ viridis fasciculum, apii fasciculos tres, pariter in aqua diutissime decoques, & faucibus per triduum defundes. Curare etiam vulfos creditur, si septem uncias cineris mundissimi colligas, addasque olei uncias tres, bulbos tritos septem, anagallici unciam, butyri unciam, sepi caprini unciam, mellis uncias tres, plantaginis viridis tritæ uncias tres, passi heminam, ptisanæ vel lini seminis heminam: quæ ita temperata, ut per cornu defluant, per triduum, vel, ut necessitas cogit, per plures dies, jejunis singulos sextarios dabis. Desperatam tussim sæpe curavit potio vilis ac facilis: Pulveris ex faba uncias sex, pulveris ex foeno Græco uncias sex, enulæ tunsa siccæ pulveris uncias sex, pulveris anagallici tunsi uncias tres, butyri uncias sex: quæ omnia cum tribus boni vini sextariis, additoque passi sextario uno semis, pariter agitabis,

& uni equo jejuno ante lucem bina cornua per os dabis, donec omnem ebibat potionem. Curam quoque non parum profuisse experimenta docuerunt, hac ratione compositam: Fabæ frixæ sextarium sine sale decoques, addesque sepi hircini resoluti uncias tres, butyri uncias quinque: in mortario deters universa. Præterea foeni Græci sextarium bene purgatum fervere facies, primamque aquam inter initia fervoris effundes, addesque aquæ sextarios quinque, pinguissimas caricas viginti, & liquiritiæ uncias quatuor, pariter decoquas, donec aqua ad tres sextarios redigatur. tunc in mortario deters foenum Græcum, liquoritiam & caricas, mifcesque cum faba, superfundis etiam calidam, in qua caricæ cum ceteris coctæ sunt: contemperatisque omnibus, si liquor spissior fuerit, tantum passi addes, ut per cornu facile possit exire. diebus plurimis ex eo per os singulos sextarios tussientibus dabis.

X. Cossos, vermes, vel tineas, ceteraque animalia ventris extinguit, si heminam cineris, ex olive ligno arido collecti, cum hemina olei viridis per triduum dabis ad cornu. Alia quoque confatio, sed quæ sæpe mortiferam liberat passionem: Pulveris santonici, itemque absinthii Pontici, hec non lupini crudi, & herbæ centaureæ, & ervi pollinis, & seminis raphani binas uncias mittis, ad disque cornu cervini unciam, finopidis Pontici pastillos tres, opopanacis semiunciam, vini tenetani vel alterius austeri sextarios duos, olei viridis sextarium, quæ tepefacta ita animali defundis, ut per os cornu accipiat, in clivo constitutum, quatenus

succus facilius ad interiora perveniat. Postero die idem animal primum constituatur in clivo, & per clysterem illius tepidæ potionis sextarius ingeratur, quatenus alternis diebus ex utraque parte injecta potio coagulare, quod appellatur, possit infundere, in quo illæ noxiæ bestiolæ coguntur, & pertuso ventriculo excruciatæ doloribus animalia permunt. Est & tertia confectionio non minus valida: Radicis capparis Siculi, vel baccas cum foliis ad unam libram deters, pariterque commisces, ad disque aceti sextarios duos. Quod medicamentum interdum per os, (sicut superius dictum est) interdum per intestinum injicias animali, ut internos hostes potionis austoritate consumas.

XI. Adversum omnia genera morborum salutaris confectione præparanda est, ut inter ipsa initia ex conditis possit occurri. Cassa est enim medicina, quæ sera est. Myrræ libram, turis masculi libram, mali Punici corii tunsi libram, piperis uncias tres, croci uncias tres, acaciæ rufæ selibram, Cadmiæ botryodis selibram, resinæ ustæ selibram, absinthii Pontici selibram, pulveris serpylli selibram, betonicæ selibram, centaureæ selibram, sagapeni selibram, saxifragæ selibram, peucedani selibram. quæ omnia bene tunsa & cribrata in mellis optimi tribus sextariis misces, & ad carbones leniter paullulum coquis, post in vase stagneo vel vitro condita servas, ex qua confectione morbidis, si febriunt, ad diem singula cochlearia majora cumulata cum hemina aquæ tepidæ, & olei floris tribus unciis dabis. Quod si absque febre sunt morbi,

vel convalescere jam cœperint, cum vino & oleo plurimis diebus dabis, donec animal liberetur, quam validissimam & approbatam noveris potionem.

XII. Suffimentorum compositio fasciūm pellit, lustrat animal, fugat dæmones, submovet morbos. Odor namque fumi ac spiritus per os ac nares ingrediens, penetrat ad viscerum omnes recessus, ac curat sœpius loca, quæ potiones non potuerunt curare. Etiam in hominibus suffimentorum vapor præcipue sequitur. Denique desperatos & periculosissimos morbos autores mulomedicinæ afferunt, non ex pabulo aut aquatum vitio, sed aeris corruptione descendere. Et ideo facilius languorem, quem pestilens morbus ingessit, suffimenti salubris hujus curat afflatus. At talis compositio suffimentorum: Sulphuris vivi libram, bituminis Judaici libram, opopanacis unciam, galbani felibram, castorei felibram, ciceris crudi felibram, albitis felibram, salis Ammoniaci uncias tres, rasuræ cornu cervini uncias tres, sinopidis uncias tres, gagatis feminæ uncias tres, lapidis gagatis uncias tres, lapidis ematitidis unciam unam, lapidis sideritis unciam unam, lapidis argyritis unciam unam, caballiones marinos septem, stellas marinas quatuor, pilas marinas septem, caudas marinas septem, unguis marinos septem, uvæ marinæ uncias tres, medullæ tedæ pineæ pondera tria, cedriæ pondera tria, picis liquidæ pondera tria, ossa sepiæ septem. hæc siccata pariter deteruntur atque miscentur. ex quibus unum cochleare, cum opus fuerit, vivis carbonibus aspergis, & cooperto capite, ut fumum

per os naresque suscipiat , animal suffis. Quod suffimentum , præter curam jumentorum , sanat incurrentes hominum passiones , grandinemque de-  
pellit , dæmones abigit & larvas.

XIII. Quadrigarium pulverem vocant , qui ex diverso pigmentorum genere mixtus & per se adjuvat animalia , & aliis potionibus pro modo vel curatione miscetur. Hujus Chiron talem compositionem saluberrimam credit : Tracanti pondera tria , aloes uncias sex , myrrhæ uncias sex , & scrup. 1 , costi unciam unam , & scrup. 1 , amomi unciam unam , & scrup. 1 , cassiaz unciam unam , & scrup. gentianæ libram unam , aristolochiæ libram , centaureæ libram , betonicæ libram , saxifragæ libram , samsuci libram , opii libram , abrotani libram , eupatorii uncias sex , cardamomi uncias sex , folii uncias tres , spicæ nardi uncias tres , spicæ Celticæ uncias sex , asari libram , dauci uncias tres , castori uncias sex , opopanaxis uncias sex , galbani uncias sex , strutii uncias sex , panacis radicis uncias sex , liquiritiæ uncias sex , absinthii fasces tres , succi herbae peristerei siccæ & cribratæ uncias quinque , hæc omnia pariter conteres , & diligentissime in vase vitro vel stagneo servabis. Pelagoñius vero quadrigarii pulveris ejusmodi composuit confectionem : Cinnamomi , spicæ Syriacæ , spicæ Indicæ , croci Siculi , myrrhæ Troglodytis , scieni , piperis nigri , piperis longi , mannæ croci , betonicæ , casiaz nigræ , triflaginis , folii , nardi , lentisci , cepe Indici , nardi , storacis , acori Pontici , turis masculi , irisillyricæ , thymi Cretici , piperis albi , calamii

aromatici, asari Pontici, petrofilini, mannæ croci, mali terreni, gentianæ, rosæ aridæ, cassiæ fistulæ, enulæ: omnia æquis ponderibus pro modo animalium misces, conteris, cribras, in pyxide vel vitro dolio condis, &c, cum opus fuerit, singula cochlearia, vel amplius, si virés patiuntur, jumentis singulis dabis, addito vino & oleo. Interdum aliis potionibus misces, si ratio artis vel cura mandaverit. Absyrtus quadrigarium pulverem hac ratione compositus: Folium, spica nardi, crocus, piper album, piper longum, piper nigrum, opopanaxis radix, cassiæ dafnitæ, cassiæ marmalitis, cassia nardina, irisillyrica, apii semen, malum terræ, peucedanum, sabina, gentiana, herba rosina, thymum, myrrha, trixago, costum, tus masculum, gesse mantium, malum Punicum, calamum aromaticum, rosa sicca, ruta agrestis, petroselinum, aristolochia longa, amomum, calamum Syriacum, herba Artemisia. hæc omnia pro numero animalium præparas, æquis ponderibus intermisces & tundis, cribrasque & servabis, adversus passiones usurus.

XIV. Causticum humectata siccata, laxata constringit, luxata parat, læsa confirmat. Hujus Chiron talem compositionem demonstrat: Bituminis Judaici pondera duo, bituminis Apollonii pondera duo, mannæ turis uncias sex, bdellii Arabici uncias duas, medullæ cervinæ pondera duo, propoleos uncias duas, gal'ani uncias duas, guttae storacis uncias duas, cer. communis pondera duo, resinæ cavealis libram, visci Italici uncias tres, apo-

chymatis uncias duas, succi hyssopi uncias duas, guttae Ammoniacæ uncias duas, picis Brutiae libram, [liquefacienda liquefac, pulverem aliorum addens agita & coque, ut sit una substantia, quo uteris adversus vesicas & suffusiones, quæ nascuntur in genibus & tibiis, & nodis, & articulis : & glandulas & ossilaginem curare creditur.] Pelagonius causticum, quod suffusiones vesicalaque siccareret in genibus vel articulis, hac ratione composuit: Ceræ Punicæ libram, resinæ pondera duo & semis, galbani uncias tres, asphalti Judaici pondera duo, myrræ secundariæ pondera duo, bituminis libram, Ammoniaci uncias sex, costi uncias sex. Verum cetera decoquisi in cacabo fistili novo, qui cum refrixerit, addis asphaltum & Ammoniacum & costum pro mensura, qua scriptum est, tritum ad modum farinæ, & agitabis, & iterum coques, ut sit una substantia, quo uteris aduersum venas & vesicas, & suffusiones, quæ nascuntur in genibus, aut in tibiis, aut inter nodos, aut in articulis, usque eo, ut ossilaginem curare credatur. Malagma quoque causticum hac voluit ratione componi. Picis pondera duo, ceræ pondera duo, galbani uncias tres, resinæ libram, adipis taurinæ pondera duo, bdellii uncias septem, turis pollinis uncias tres, resinæ terebinthinæ uncias sex, visci pondera duo, glutis uncias tres. Absyrtus hujusmodi causticum hac ratione composuit: Glandularis resinæ frixa uncias tres, picis duræ uncias tres, bituminis Judaici uncias tres, evisci uncias tres, galbani uncias tres, bituminis Græci uncias tres. hæc omnia in vino

decoquis. Bitumen vero contundis, & superimmittis.

XV. Compositio malagmæ ad tumores duros & veteres: Galbani uncias duas, resinæ libram, Ammoniaci felibram, picis Brutiaæ felibram, ceræ libram, olei, quod temperare possit. Item malagma ad tumores duros & veteres: Galbani libras duas, Ammoniaci felibram, resinæ terebinthinae felibram, opopanacis libram, storacis libram, ceræ rufæ libram, bdelii libram, piperis albi unciam unam, baccæ lauri libram, piperis longi unciam unam, picis Brutiaæ felibram, olei irini quantum sufficit.

XVI. Collyrium fistulare, quod conficitur, ut mittatur in fistulas vulnerum, quæ ab initio curata fuerint negligenter. Formatur autem ad mensuram ipsius fistulæ, ut, cum immisum fuerit, eandem possit implere, ut celerius jam consumta duritie, caro viva ducat solidam cicatricem. Misy libram, feculae libram, æruginis libram, chalcitis libram, cymini uncias sex, teres cum aceto, vel collyria facies. Item aliter componitur collyrium fistulare: Misy, æruginis, chalcitis libras singulas, mellis uncias sex, zungitis pondera duo, coquas ex vino veteri, pastillosque inde facies fistulis inferendos.

XVII. Compositio malagmæ crudæ: Calcis vivæ libras duas, sinapis Alexandrini libram, ficus sicca uncias sex, axungiæ quantum sufficit, immisces, contundis, & uteris.

XVIII. Compositio syncrismæ: Ceræ rufæ pondera duo, resinæ frixaæ pondera duo, olei laurini libram, sepi taurini libram, axungiæ libram, me-

dullæ cervinæ libram , olei Cyprini , æruginis , hys-  
sopi , axungiæ veteris libras singulas : hæc omnia  
pariter ad carbones decoquis & uteris.

XIX. Traumaticum medicamentum curationi  
vulnerum valde convenit. nam absumta putredine ,  
vivam carnem ad sanitatem reducit. Hujus est talis  
compositio : Mify libram , chalcitis pondera duo ,  
æruginis libram , pariter colabis , & supra tegulam  
in ignem pones , & coques , ut rubeum fiat. Post  
in mortario teres , & ad similitudinem farinæ pul-  
verem facies. Deinde duos sextarios mellis in olla  
nova coquis cum vino , & cum fervore cœperit ,  
pulverem supra scriptum agitabis , & pariter deco-  
ques : refrigeratoque ad cancromatæ plagas , ad fa-  
micem & cicatrices reducendas uteris. Traumati-  
cum quoque hac ratione componitur : Mify , ca-  
thimiæ , aloes , acori libras singulas , æruginis li-  
bras duas , chalcitis libram , mellis libras duas in  
olla nova decoques , refrigeratoque uteris.

XX. Malagmæ quoque istiusmodi compositio ap-  
probata est : Mellis libram , galbani , storacis , bdel-  
lii , piperis albi singulas libras , Ammoniaci pon-  
dera duo , medullæ cervinæ , baccarum lauri ana  
libram , turis pollinis uncias duas , sepi caprini un-  
cias quinque.

XXI. Malagmæ quoque medicamentum hac ra-  
tione componitur : Ammoniaci uncias tres , ceræ  
libram , nitri floris uncias duas , resinæ terebinthi-  
næ pondera duo , storacis uncias tres , baccarum  
lauri uncias sex , olei Cyprini uncias tres , olei lau-  
rini uncias tres , medullæ cervinæ uncias sex , olei

rosati uncias tres, adipis aserinæ uncias sex, hyssopi uncias quatuor, adipis cervinæ uncias sex, opopanacis uncias sex, piperis albi uncias duas, galbani uncias tres, axungiæ veteris libram, aceti acerrimi heminam, turis masculi uncias quatuor.

**XXII.** Absyrtus compositionem anacollimatis ejusmodi composuit & prodidit: Floris nitri sextarium, opopanacis uncias tres, croci Siculi uncias duas, piperis albi unciam, pollinis turis uncias tres, cochleas contusas decem, bulbos viginti, avellanas viginti, quæ omnia contusa & permixta, si aceto temperaris, divulsa conjungis. Efficacius tamen est, si locis dolorosis emissum sanguinem ipsius animalis addideris. Compositio synchrismæ: Storacis uncias quatuor, Ammoniaci uncias tres, medullæ cervinæ uncias duas, olei glaucini uncias sex, olei Cyprini uncias tres, sevi taurini uncias tres, refinæ terebinthinæ uncias quatuor, adipis ursinæ uncias tres, adipis leoninæ uncias quatuor, propoleos uncias tres, olei veteris uncias sex, axungiæ veteris libram, olei Sabinensis libram, opopanacis, galbani uncias tres. hæc ad carbones lentis vaporibus decoquuntur, &unctionem saluberrimam præstant.

**XXIII.** Compositio malagmæ crudæ talis est: Ceræ Punicæ felibram, Ammoniaci felibram, bdellii uncias tres, storacis uncias duas, sagapeni uncias quatuor, turis pollinis uncias sex, olei veteris uncias quatuor, propoleos uncias duas, medullæ cervinæ uncias sex, sepi taurini uncias duas, refinæ fraxinæ uncias duas, adipis ursinæ uncias duas, adipis

pis leonis uncias duas, opopanacis , baccarum lauri, ana uncias duas , olei Cyprini uncias quatuor, gentianæ uncias tres , resinæ Colophoniæ uncias sex , galbani uncias sex. Item alia compositio malagmæ : Ceræ Ammoniaci ana libram , storacis uncias sex , sagapeni uncias tres , turis pollinis uncias tres, medullæ cervinæ uncias quatuor , opii Hispani uncias duas, propoleos uncias quatuor , sepi caprini uncias sex , galbani uncias sex , picis Brutiae uncias quatuor , resinæ terebinthinæ uncias tres , resinæ frixa uncias quatuor , aceti acerimi uncias quatuor , olei lentiscini uncias sex , olei irini uncias quatuor.

XXIV. Compositio malagmæ ad uligines. Salis Afri libram unam, bulbi libram, nitrum , sulphuris libram unam, mysi libras duas, olei libram. his coctis diligenter , uteris.

XXV. Compositio malagmæ ad nervos : Sulphuris vivi , aluminis , resinæ , picis Brutiae ana libram unam , ceræ pondera duo , medullæ cervinæ libram unam. hæc omnia pariter diu agitas aut verberas.

XXVI. Compositio traumatici : Gallæ uncias quatuor , æris usti uncias tres , corticis mali Punici uncias tres , misy uncias quatuor , vini unciam unam , aceti uncias tres , in olla nova excoquis & uteris.

XXVII. Compositiones collyriorum Absyrti , Pelagonii , Chironisque subjecimus. Ad album enim de oculis tollendum & abstergendum Absyrtus tradidit: Nuces avellanas combustas, donec redigantur in cineres , in mortario detores , addesque mannae

turis idem pondus, quæ diutissime trita, & melle optimo adjecto comprehendantur, & sic inungatur animal. Idem Absyrtus ejusmodi collyrium laudat: Piperis albi grana octo, mellis Attici uncias duas, croci uncias duas, sepiæ marinæ testa diligentissime trita uncias duas, balsami unciam unam. Pelagonius tale collyrium monstrat: Oleum, sal, resinam, cerussam, opobalsamum, addito melle deteris atque componis, alternis diebus inducis usque ad sanitatem. Nardinum quoque collyrium hac ratione composuit. Violæ uncia una, spicæ nardi uncia semis, cassiæ, myrrhæ unciae tres, croci unciae tres, olei Cyprini unciae sex, piperis albi unciae duæ, cymini unciae tres. Item alia collyria composuit. opobalsami, croci, myrrhæ, salis Hispani, lepidis, ossis sepiæ, singulas uncias, cadmiæ uncias duas, afronitri unciam unam, mellis Attici libram. Chiron etiam vetera glaucomata hac collyrii indicat confectione purgari. Cornu bubulum extremum, ubi solidum est, combures, ac turis masculi pulverem, stercoris quoque humani combusti & salis Ammoniaci pari mensura pulverem facies, piper longum, ossa sepiæ, flos æruginis, vetus vinum, crocum, rutam, pariter detrita commisces, addito optimo melle, quod sufficit, & inungis. Aliud quoque collyrium simile composuit. Ossa sepiæ marinæ, crocus, myrrha, troglodytis: item sal, ac sterlus crocodili. hæc omnia pariter ac diutissime deteruntur, & bene trita cernuntur, additoque optimo melleunctionis utilitatem animalibus præstat. Licet parva & prope nulla de his, quæ diversi auctores retulerunt, præteris-

se doceam , tamen quæcunque videbantur probata conscripsimus. Verum ne longior liber confusio nem magis legentibus , quam instructionem videtur afferre , modum plenum credimus faciendum , illud iterum iterumque commonentes , ut diligent cura passionum occurratur exordiis . nam etiam incurabiles ægritudines , si præventæ fuerint , medentis arte vincuntur. Inveteratas causas , etiam faciles , curari sæpe non posse , legi.

XXVIII. Cephalicum , quod facit ad omnia vulnera difficultia claudenda & supplenda : Herbæ panacis radices , tus masculum , myrrham , pollinem ervi , rosæ folia arida bene trita & cibrata . hic pulvis confectus difficultia vulnera claudit ac curat . Nunc etiam si melle decocto , & huic medicamento mixto collyrium facias , & altis sub-vulneribus fistulae subjicias , citius supplere & sanare cogit . Medicamentum consuetum , in usu quotidiano necessarium , propter compendium & moras ita facies : Æruginem , chalcitem , æris florem , æs ustum ; hæc bene trita & cibrata æquo pondere catastalicum faciunt , quod carnem supercrescentem comedendo effovet . Hoc idem cum aceto & melle decoctum ad mellis crassitudinem , facies medicamentum , quod facit ad omnia vulnera & cancros elympidanda , & offa scabrosa . Chlora medicamentum , quod facit ad omnia vulnera complete lympidanda , vel sine difficultate claudenda . Punicam , resinam terebinthinam , medullam cervinam , æruginem , oleum , ita conficies , quantum sufficit . Tetræpharmacum , quod facit ad omnia vulnera elympidanda , & velocius

curanda: Adipem taurinam, ceram, picem, oleum. Igitur medicamentum, quod supra dixi, catuloticum est. Glicium, quod facit ad omnia vulnera sordida & cancrosa: Amurcam, salem, acetum: his mixtis, quantum volueris, ad crassitudinem mellis uteris. Officulare medicamentum, quod facit ad omnia officula, & (darfus quo loco factum, si de jiciendum volueris) Piçem liquidam, axungiam veterem, æruginem bene tritam & admixtam, colas bene coctum, post decoctionem supra scripta purgat vulnera diligenter. Stypticum, quod facit ad omnia vulnera humeæta, & fungos exficcandos: Alumen scissum, gallas minores, cortices mali granati, subcorticem de ipsa arbore. hæc omnia trita, pulvis ipsius vulneribus exficcandis valde prodest. Medicamentum, quod facit ad omnia vulnera claudenda: Absinthium, sinopidem, lepidam. hæc tria bene commixta faciunt medicamentum siccum, quod ad omnia vulnera prodest. Impletoricum medicamentum, quod facit ad omnia cava supplenda: Pollinem turis, pollinem herbi, lepidam. hæc bene trita medicamentum faciunt ad supplenda vel elympidanda vulnera. Ad oculorum rupturas & tuniculas servandas prodest, si fel caprinum lacti caprino misceatur, & sic penna nigra oculi inungantur. Ad oculorum album sive glaucomata sic facies: Vini sextarios 4, gari floris sextarium unum, mellis uncias 4, pariter decoquis & uteris. Ad recentem ocularem percussum: Croci, myrrhæ, turis masculi, gummi, medullæ vervecinæ, anagallici succi, mellis, cardami, binas uncias. Synchrisma: Ceræ rufæ pondera 2, ax-

ungia<sup>e</sup> pondera 4, opopanacis uncias 2, olei veteris pond. 2, galbani unc. 3, myrrhæ pond. 4, Armeniæ pond. 3, olei Cyprini pond. 4, medullæ cervinæ pond. 2, hyssopi pond. 2, storacis pond. 4, olei lentiscini pondera 4. Synchrisma ad alia genera: Galbani pond. 2, opopanacis pond. 1, ceræ pond. 4, medullæ cervinæ pond. 3, turis masculi pond. 2, pipericis albi pondus 1, resinæ terebinthinae pond. 3, storacis pond. 1, adipis anserinæ pond. semis, euphorbii uncias 6, adipis leoninæ, mellis, castorei, libras singulas, olei myrrhæ lib. 2, olei lentiscini pond. 2, olei Syriaci lib. 2, olei veteris lib. 2, olei mellini pondera 2, olei storacis pond. 2, opii pond. 3. Lipparia sic facies: Spumæ argenti pondus 1, cerussæ uncias 2, vini sextarios 3, olei pondus 1, & semis. omnia conficies, & sic uteris. Lipparia alio genere sic facies: Spumam argenti, cerussam, tus masculum, acetum album, oleum. hæc omnia in unum conteres, & cum vino melicrato admisces, & sic uteris. Traumaticum sic facies: Chalcitidis pond. 1, misy pond. 1 semis, æruginis unciam 1, stercoris columbini pond. 1, adarcis uncias 3 & scrupulos 3. decoquis una, & sic uteris. Item alio genere ad flegmonas tollendas: Sinapis Alexandrini unc. 6, fici Afræ unc. 3, axungiae veteris uncias 6, aceti scrup. 3. Item Traumaticum alio genere ad verrucas tollendas: Floris chalcitis uncias 2, nitri uncias 2, lasari uncias 3, aceti heminam. Item alio genere ad suffraginosos: Æruginis, aluminis ana pond. 5, herbæ sideritis, ferrariæ pond. 1, aceti acri sextarium unum. Ad flegmonas discutiendas:

ARTIS VETERIN. SIVE MULOM. 449

Radicis, ervi, axungiæ, aceti acris, linis in linteo,  
& sic uteris. Causticum ad nervos crassos, vel  
quæcunque in notitia sunt: Galbani, opopanacis,  
medullæ cervinæ, resinæ terebinthinæ, Armenia-  
ci, propoleos, violæ, turis pollinis, bina ponde-  
ra, resinæ frixaæ pondera 5, bituminis pond. 3,  
picis duræ pond. 5, resinæ pituiæ pond. 5, ceræ  
pond. 5, olei cerini pond. 3, incomii pond. 2,  
storacis pond. 2, visci pond. 2. Causticum ad ner-  
vorum dolores: Galbani, storacis, violæ, pro-  
poleos, resinæ singula pond. Colophoniæ uncias  
sex, resinæ terebinthinæ pond. 6, opopanacis pond.  
1, turis pollinis, hyssopi, Armeniaci, baccæ lau-  
ri, singula pond. picis Brutiae pond. 1 & semis,  
vini Aminei pond. 1 semis, resinæ bituminis pond.  
1, hæc omnia in uno cacabo coques, in linteolo  
induces calida. Malagma copticam sic facies. Ce-  
ræ albæ, galbani uncias singulas, resinæ terebin-  
thinæ pond. 2, adipis taurinæ pond. 3, hyssopi  
pond. 2, bdellii pondus 1 semis, irisillyricæ pond.  
2, adipis anserinæ pond. 1, hæc omnia decoquis,  
& uteris. Malagma ad nervorum dolorem: Ce-  
ræ unc. 6, adipis cervinæ unc. 3, galbani, piperis,  
Armeniaci, resinæ terebinthinæ uncias ternas, tra-  
canti uncias 5, singula contundis, permisce, &  
uteris. Malagma ad nervos vexatos: Menthae, gal-  
bani, rubricæ, storacis, violæ ana pond. 6, simila-  
ginis pond. 4, hæc omnia cum similagine & vino  
decoques in cacabo, & liquida facies, deinde simi-  
lagine & vinum in unum permiscebis, illinis in  
linteolo, & alligabis ferventia. Malagma ad tumo-

Scriptæ. R. R. Vol. III.

F f

res sic facies. Ceræ uncias 6, adipis cervinæ uncias 3, galbani uncias 3, violæ, piperis albi uncias ternas, Armeniaci unciam, resinæ terebinthinae unc. 3, storacis unc. 3, gentianæ unciam 1, singula contundis, postea permisces in vino, & sic uteris. Emplastrum: Ceræ viridis pond. 1 & semis, olei Cyprini unc. 9, olei myrrhini uncias 2, adipis anserinæ uncias 2, turis pollinis unc. 2. hæc omnia in cacabum mittis, coquis, & linteolis illinis. Cerotum ad ulceræ. (strumenta) pond. 2, ceræ rufæ pond. X, olei myrrhini pond. 6, olei veteris pondera 8, aluminis pond. 9, olei Cyprini pond. decem, calcis pond. quinque. Fomentum ad tumores, sive ad duritiam quamlibet sic facies. Eviscum ex vino decoctum conteris cum axungia, & sic uteris. si minus, herbam sabinam conteris, & ex rosaceo concoquis, & sic uteris ad sanitatem. Compositio ad colicos: Asari Pontici, petroselini, fœniculi uncias singulas, piperis nigri uncias 2, marribii mas. unciam 1, abrotani unciam semis, mellis optimi pond. 2, coques & despumabis, & hæc omnia contundes & cernes, & sic in melle commiscebis, inde figuram facies nucis avellanæ, & ex aqua dabis, & aquæ congium 1, in potum. Item diebus, quibus eo morbo tenetur, fœniculi feminis cum vino cochlearia tria aut quatuor fricabis in mortario, adjicies vini cibarri sextarium 1, mittes in ampullam aut cornu, & dabis, ut bibat, & cùm sagis bene munies. Malagma ad nervos claudos: Sepi hircini libram, molybdænæ felibram, resinæ libram, æruginis felibram. Compositio ad genua:

ARTIS VETERIN. SIVE MULOM. 451

Aceti hemina, salis pusillum, æris usci felibram, finopidis quod satis est. Potio hiemalis: Croci, cofti, petroselini Macedonici, murrhæ, turis masculi, tracanti, cymini Alexandrini, crocomagmæ, piperis uncias singulas, vini & olei quod sufficit (ova). hæc omnia permisces, & dabis cum succo ptisanæ, cui immittis palmas xxv, bulbos xxv, hyssopi fascem, caprinos adipes, catulum brevem vivum mittis, quem cum madefactum videris, tunc omnia exsiccabis, & adjicies olei quod sufficit, tunc illa omnia permisces, & potionabis. Potio æstivalis: Traganti, croci, abrotani, cardamomi, glaulii, petroselini Macedonici binas uncias, gingiberis unc. i. hæc temperas, & cum dare cœperis, mittis quotidie heminas singulas singulis jumentis. Addes porri sectivi, porcla fil Gallici, tus, apium, olei Afri heminam, temperabis quod sufficit, & uteris.

---